

# საზოგადოებრივი თავი

2

თბილისი

---

1939

# ჩვენი თაობა

საქართველოს საბჭოთა მწერლების  
კავშირის ყოფულთვაურთ ორგანო

874  
12 27

2



სახელმწიფო გამომცემლობა  
თბილისი  
1989 წელი. თებერვალი

# ჩვენ თავი

საქართველოს საბჭოთა შრომელის  
კავშირის ყოფილთაგანთი ორგანო

12 478  
27

2



სახელმწიფო გამომცემლობა  
თბილისი  
1989 წელი. თებერვალი

## შინაარსი

83

### მხატვრული ლიტერატურა

გ. კალანდაძე — გაზაფხულის წვიმა: წითელ მოედანზე	3
შალვა ამისულაშვილი — მეგობრობა	4
ვიქტორ გაბესკირია — ზამთრის პეიზაჟები	16
გაბრიელ ჯაბუშანური — ბალადა მცსაზღვრეზე	8
ლადო ბალიაური — სტუმარი	9
ანდრო თევზაძე — ჩანჩქერები	38
კლავდია დევედარიანი — დაიგვიანა	39
ნიკოლოზ გუნია — ლექსები კოლხეთზე	43

### პრიტიკა

შ. იმნაძე — ილო მოსაშვილი	45
---------------------------	----

### კონსულტაცია

პანტელეიმონ ჩხიკვაძე — ერთი მაგალითი	52
ვლად. ჯიბუტი — ჩარლზ დიკენსი	58
გ. მებუჯე — ივანე მაჩაბელი	59
დ. შ. — ოვანეს თუმანიანი	62

### ბიბლიოგრაფია

მკითხველი — აკაკი ბელიაშვილი—ახალი მოთხრობები — „ფედერაცია“, 1938 წ.	63
--	----

---

პასუხისმგებელი რედაქტორი ირაკლი აბაშიძე  
პასუხისმგებელი მდივანი ნიკოლოზ აბიაშვილი

---

წარმოებას გადაეცა 14/II-39 წ. ხელმოწერილია დასაბეჭდად 7/III-39 წ. უურნალის ზომა 6 1/2 X 11, ქალაქის ზომა 72 X 105. ფორმების რაოდენობა 4. შეკვეთის № 408. მთავლიტის რწმუნებულის № ხ — 3805. ტირაჟი 4000.

სახელგამის პოლიგრაფკომბინატი, უორესის ქ. № 5.

ზ. კალანდაძე

## გაზაფხულის ნიბეჩა ნითელ მოაღანეზა

დღემ მაისის მზე ჩამოატარა,  
დედაქალაქის ცა იყო წყნარი;  
მაგრამ, სად იყო, უცებ, სად არა,  
ქალაქში გაჩნდა ძლიერი ქარი.

შავი ღრუბლები წამოგვყარა,  
გარდაქეშანის გვიჩვენა ძალა,  
გაშალა ფრთები, დაჰკრა ნაღარა  
და გაეჯიბრა ხმაურში ქალაქს,

შემდეგ ასწია ნისლის ნაკეცი  
და ქვაფენილზე გაჩაღდა ცეკვა.  
ელვა-ჭუხილის ლურჯი ნაკვესი  
კრემლის ვარსკვლავებს გაება ძეწკვად.

იჭუხა — გაწყდა, გაება — ვუცქერ,  
და ასფალტებზე წავიდა ზვარი,  
მაშინ თბილისელს რა შეთქვა უცებ?!  
ვთქვი: „შემოვარდა მოსკოვში მტკვარი!“

მაგრამ თანდათან გამოიღარა,  
კრემლის საათზე ვითვლიდი წამებს,  
ქარმა დაუშვა დაბლა კითარა  
და შემოვიდა მაისის ღამე.

მაშინ აენტო კრემლზე ლალები,  
ძეგლად დაედგა ბრწყინვალე ალაგს;  
და უბრწყინვალეს ყველა თვალების  
ბელადის თვალი გასცქერდა ქალაქს.

## მეგობრობა

1938 წ. 11 დეკემბერს, ქ. მოსკოვში  
მოეწყო ახალგაზრდა მწერლების კურს-  
კონფერენცია. სხვა რესპუბლიკებთან  
ერთად მონაწილეობა მიიღო საქართველომაც.

ჩვენ არ აგვისხამს ტანზე აბჯარი,  
არც აგვიმართავს დაშნები სამტროდ;  
ჩვენ მოვიტანეთ სიტყვის ხანძარი  
და სამეგობრო სიმტკიცე მარტო...  
მაშ, გადავკოცნოთ ერთიმეორე...  
მოწმე იქნება დიადი კრემლი;  
კრემლის კედელთან სძინავთ მეომრებს,  
ღემილი მოსწონთ, არ იყოს ცრემლი!  
ვიხაროთ, ძმებო, სტალინის დროშას  
არ უყვარს მტრობა ჟამგადასული;  
ჩინგისხანური ყიჟინა მორჩა,  
ქვეყნად მოვიდა სხვა გაზაფხული!..  
ვიხაროთ, ძმებო, ჩვენი ქართულიც  
დაე თქვენს ხმებში რეკდეს ნიადაგ,  
შიგ არაგვია გამოსახული,  
მხრის გაშლა იცის არაგვიანმა!  
თუ არ ჰყოფილხართ ოდესმე ქართლში,  
წამოდით, ნახეთ ოქროს აკვანი,  
რომ ჯულაშვილის ბავშვობის აჩრდილს  
თან ახლდეს მუდამ თქვენი თაყვანიც...  
წამოდით სტუმრად, მომავალ შგოსნებს  
გადაგეშლებათ ალალი სუფრა!..  
აღარ ატყვია ტრამალებს, ბორცვებს  
საუკუნეთა ველური სუნთქვა...  
მოდის, მოშხუის ქალარა მტკვარი,  
მოუტაცნია ლიახვის ტალღა;

დგანან კლდეები და როგორც ქარი,  
წნორების შუქი ტრიალებს მაღლა...  
ჩვენ აქ ვართ, მაგრამ, — ქართლის ბუნებას  
იქ ესმის ჩვენი გულების ფეთქვა;  
იგი არადროს არ იღრუბლება,  
ზეიმობს მარად მოსკოვთან ერთად.  
ჩვენ, მეგობრებო, ერთი მზე გვაწრთობს,  
თავს დაგვიზხრიალებს ლალების ჩქერი;  
ჩვენ სტრიქონებზე სტრიქონებს ვაწყობთ, —  
რომ აევამაღლოთ სამშობლოს ბჭენი...  
და როცა საქმე ხმალზე მიდგება,  
მოგვდგამს ჯილაგი მამაპაპური.  
მოვიდეს მტერი, როგორ იქნება  
არ დავცეთ გულმკერდადაფატრული!..

---

## ზამთრის პეიზაჟები

### I

ათოვს მთის ლელეს, ქარი ქრის ხევზე, —  
ათოვს ხეებზე ატანილ ჩალას;  
მარტო ზის, სოფლის ბოლოში, ხეზე  
ყვავი — ყვანჩალა.

თოვში მშვიდი შებინდების დროს  
უახლოვდება განაბულ სოფელს.  
ათოვს ალვის ხეს, საყანე მინდორს  
და წნელის ღობეს.

### II

დადუმებულა მთისძირის ხევი,  
დამშრალა წყარო, აღარ ხმაურობს.  
გაძარცულ ხეებს შემოხვევია  
ხაესი და სურო.

როგორც სიმები გაბმული ქნარზე, —  
ბუჩქზე სხივები გაუბამს ნიავს,  
და იქვე ობლად, დათოვლილ ნარზე  
ჩამომჯდარია ჩიტი ნიბლია.

### III

დათოვლილია მთის კალთა, ველი,  
მთვარე მიდამოს მკრთალ სინათლეს ფენს.  
სერზე შემდგარი მშიერი მგელი  
დაჰყურებს სოფელს.



ჯვერავს მიდამოს, უცებ გაბედა —  
დაეშვა, თოვლში იფლობა მკერდით.  
ზოგჯერ შეკრთება, მაგრამ იმედად  
ჩრდილი ყავს გვერდით.

მოსჩანს სინათლე მისი გამრთობი  
სოფლის ბოლოში, მაგრამ, უეცრად  
თეთრ ბუჩქებიდან გავარდა თოფი  
და ტყის ნადირი თოვლზე დაეცა.

ბედს დამორჩილდა, არსად იჩქარის,  
ისევ სიჩუმე და ისევ თოვა...  
მაგრამ ჩრდილი კი, ჩრდილი სად არის,  
რად მიატოვა?..

## ბალადა მესაზღვრეზე

„—...ნუთუ ჩაქრება ელვარე დღე... მზის ღიმილიცა... —  
სამშობლოს დარაჯს დღეს სიკვდილი შემოგაძლიეს, —  
შენ ერთი იყავ სიმრავლით გძლიეს  
და განგმირული დაეცი მიწას.

ო, შენი ხელი — შემართული ხიშტისდაგვარად,  
ო, შენი ხელი — შეუხრელი, ცივი ხდებოდა,  
იქ მიჯნა მტრისგან. ილახებოდა,  
ვინც ვერაგულად სისხლი დაღვარა.

„—ეჰ, დიდო მზეო... გშვენს მარად ეგ ამალღება...  
რა იქნებოდა, ჩემთვის ჯანი რომ გეთავაზნა...  
მხოლოდ მცირე ხნით... ეს ათი ვაზნა...  
მერე ჯანდაბას... არ მენაღვლება!..“

საზღვარს გადმოდის თეთრი ნისლი ტანათქვირული,  
ნისლს უტევს ქარი, შვენით შეხლა მამაც მემორებს.  
უცებ თოფის ხმა!.. ერთი... მეორე...  
და შეძახილი გულგანგმირულის...

„— ჩვენები დახვდნენ...“ ჩურჩულებენ თრთოლვით ბაგენი,  
ქრება ნალველი — მოწოლილი სიმარტოეთი,  
შენს წინ მზიური სდგას საბჭოეთი,  
წყნარობენ ველნი მოციაგენი.

„—მზე იწვერება მთის თხემიდან სხივების მჩენი,  
მომაკვდავს მისი ელვარება კვალად გალაღებს,  
მხოლოდ შენს სისხლში მოსვრილ ბალახებს  
ესმით ხმაჩუმი სიმღერა შენი.

## სტუმარი

„სტუმრის მოისას მზე მოცა,  
წაისეს — შავი ლურბელი“...

„ნუ წახოლ, კარგო სტუმარო,  
თუ წახოლ, თან წამიყოლე“.

ხალხური.

### თავი პირველი

ანდაქურმა ქარმა მძლავრად ამოისუნთქა, ფიფქი თოვლი ასწმინდა დედამიწას და სახეში შეაშალა იდუმლად შემოაპარულ მწუხრს. ბინდი დააწვა გორგურებს და თეთრ საბანწამოსხმულმა მთებმა ყინჩად ჩას-თვლიმეს უკუნეთში. საღ კლდეზე არწივის ბუდესავით მიკრულ სოფელ შატილში ცეცხლის სინათლეები აციმციმდა. სამამაცოს სკამზე ნაჯ-დომმა ხევსურმა მამაპაპური ფანდურის ლარებს ჩაპკრა ხელი და წინა-პართ გმირობას უმღერა... უმღერა, მაგრამ იგი სიმღერა კი არა, ბლავილი იყო, ვაჟკაცის საშინელი ბლავილი... მძლავრმა ხმამ გაჰკვეთა უკუნეთი, გაიჭრა შორს, შორს სიბნელეში, დაიმსხვრა, დაქუცმაცდა, შეუერთდა ბუნების იდუმალ ხმაურს და არღუნის ღმუილში ჩაიხჩო. მისწყდა სიმღე-რა. დადუმდა შატილი. ფიქრს მიეცნენ მრავალი ტანჯვის მოწმე ქვეცი-ხენი... უცბად მგზავრები გაჩნდნენ სოფლის ბოლოზე, შატილის გალა-ვანს შემოჰყვნენ და ჯალაბაურის კოშკს მიაშურეს...

— ჰეი!.. მასპინძელო, გარეთ გამოდი, ხვთის მადლს!.. ქისტო მუსა დგას შენს კარებზე და გელოდება!

— ჰაი, ჰაი, სტუმარი ხვთისაა!.. რამდენ სტუმრისთვის გაღებულია ჯა-ლაბაურის კოშკის კარი. რამდენ სტუმრისთვის გადმოუდგამს ჯალაბა-ურის დიაცს ტაბლა, მაგრამ მტერი კი... ქისტო, ლალატი არ იყოს! ქვეყანა არეულია, ძადლი პატრონს ვერა სცნობს, ძმა ძმას აღარ ენდობა, ყველა ავკაცობაზეა დამდგარი და...

— არა, არა! — ალახს ფიცავს მუსა, სტუმრად მოსულა, ერთიც გურჯი მოუყვანია ამხანაგად... გააღე კარები, ალახის მადლს!.. მუხოურთ ყმაწვილი გეხვეწება, მუხოს შვილი, ბაბო ჯალაბაურო!..

ბაბო ჯალაბაური შურთხივით ფრთხილია, სოფელში აუგს ვერ დაიდებს: რამდენჯერ შემოპარულა შატილს ლაშქარი მეგობრობის სახელით... ოგი სათოფურიდან გაუქვრეტს კარზემომდგარ მგზავრს, ჩაფიქრდება და...

— ყმაწვილო, გაული კარი! — ამბობს ბაბო, შუბლშეკრული დინჯად ჯდება ტახტზე.

ბაბო კარებს გააღებს, კოშკში სტუმრებს შემოუძღვება. ყმაწვილს მოსდევს სახელეწილი ქისტი მუსა და ერთიც დახარებული ვაჟკაცი, არწივისებური ცხვირი და ჯიხვის რქასავით დაგრებილი უღვაში რომ ამშვენებს...

— აშენება შენი, ბაბო ჯალაბაურო! — ამბობენ ერთხმად სტუმრები.

— დამიმშვენდით, ვაჟნო!.. მობრძანდით, თქვენი ქირი ბაბოს! — დინჯად და მედიდურად პასუხობს ბაბო. სტუმრებს თვალთ ზომავს და გულში ღიმილი ჩაეღვრება...

— კარგი სტუმარი გულს გაახარებს!..

— სიხარული დაგილოცოს ალახმა, ჯალაბაურო!..

— შუბლგახსნილი მასპინძელი საამოა, ხევსურო!..

— ლამაზ ქართული მესმის, ყმაწვილებო!

— დიად!.. თქვენი ძმა არის, თქვენი, ქართველია, — ხაცბუცობს მუსა.

— ცუდი ამბავი თუ რამ დაგატყდათ თავზე?!

— ბარში ბრძოლის ქარცეცხლი ტრიალებს, ბაბო!

— ქარცეცხლს ქარცეცხლით პასუხობენ, ვაშკაცებო!.. — ამბობს ხევსური და უგემურად იღიმება. კუთხეში ნადგომ ყმაწვილს გადახედავს, უმცროსი მიხვდება მოხუცის წადილს: ცეცხლზე შეშას წამოურთავს, საწყლეს მოარბენინებს, ბოსელში შევარდება და ჯალაბს სტუმრების მოსვლას ახარებს:

— სტუმრები მოვიდა, დედი!

— სტუმარი ხეთისაა, სიხარულო!..

— უცხოები არიან: ქალაქით მოვედითო!..

— სტუმარ ქალაქელობით არ დაიწუნების!

— სტუმარ ჯალაფთ გაამხიარულებს!

ამბობს ჯალაბაურის ხიზანი და იღუმლად იჭვრიტება სტუმრებისაკენ. გახურებული ცეცხლი გიზგიზებს კერაზე, და სახლის ჭერიც კი იციინის, ჭერი სტუმართად მაცქერალი.

### თავი მერე

— ვაჟნო, შევხამთარ ბადეთ რად იარებით, რაისად გარჯილხართ?! — იკითხა ჯალაბაურმა, როდესაც სტუმრები შეთბნენ და თავისუფლად ამოიხუნთქეს.

— საქმე ბევრია ქვეყანაზე, ჯალაბაურო! — უპასუხა მოუთმენელმა მუსამ და ამხანაგს ისეთნაირად გადახედა, თითქოს ეკითხებოდა: უმხელ თუ არა ჯალაბაურს შენს მიზანსო.

— ჩვენ რუსეთიდან წამოსულები ვართ, საქართველოსკენ მივდივართ, პატარა საქმე გვაქვს დავალებული, ბაბო, — თქვა მერე სტუმარმა ცოტახნის სიჩუმის შემდეგ. ბაბო მისკენ შემოტრიალდა და სტუმარს გამომწვევი კილოთი უთხრა:

— ცოტახის საქმის გულისად ამდროს ხალხი მთებზე არ დაიარება, სიკვდილს თავს არ მისცემს: საშიშია შატილის გადასავალი, იქ ახლს მხოლოდ მშვიერი მგლები დაეძებენ სალუკმოს, თოვლის ზვავები დედამიწას ანდგლევენ, სიცივე ქვას ხეთქს და დელგმა-ქარბუჭი კლდეს აატირებს.

— არწივს არცერთისა ეშინიან! — იცინის ქისტი.

— ეგ მართალია, მუხოურო, მაგრამ...

ხევსური ჩაფიქრდა. გვერდზე ნაჯდომ სტუმარზე შეჩერდა მისი თვალები. შავწვერულვაშიანი ვაჟკაცი ცეცხლის ალს მისჩერებოდა, ნაღველი რამ ემჩნეოდა ოდნავ მოღუშულ სახეზე, მაგრამ როგორც ჩანდა, ცდილობდა მასპინძლისთვის არ შეემჩნევილებინა. ბაბომ თვალი ვერ მოაშორა სტუმარს: მისმა გმირულმა იერმა ანდამატივით მიიზიდა ხევსურის გული, მისი ძმობა რადმე, მოსწყურდა ჯალაბაურს, საამო გრძობამ უღიბინა გულში და მოეჩვენა, თითქოს ახლა კი არა, მთელი წლობით მჯდარა მის გვერდით... ველარ დაფარა ბაბომ და პირდაპირ ჰკითხა სტუმარს:

— ვითამ მეცნაურები, სტუმარო, სადაური იქნები, რა გქვიან?!

— დასავლეთ საქართველოდნ ვარ, ბაბო, იმერელი, სერგოს მეძახიან.

— შორი მხრიდან ყოფილხარ... შე იქ არსად მივლია, იმერლები კი კეთილები გამოგონიან, — ჩაილაპარაკა თავისთვის ბაბომ და ჩაფიქრებით დაუმატა: — საქართველო დიდია!.. იმერელს ხევსურისა არა გაეგების, ხევსურს — იმერლისა, მხოლოდ გული სწვდება ერთიმეორეს, სიყვარულს სიშორე ვერ იჭერს, ახლა იმერელიაო საქართველოს ბატონი: ქარუმიძე დროებით მეფობსო, მეუბნებიან, ქართველებს მეფე ერეკლეს შვილიშვილი გამოუწვევიათ უცხო ქვეყანაჩივით სამეფოდ... ნეტამც გამეფდებოდეს ბაგრატიონი!..

— მეფე უნდა მოისპოს ქვეყნიდან, ბაბო: ახლა სხვა ხანა დადგა — ხალხმა თავათ უნდა განსაჯოს თავის საქმე, ხალხი უნდა გათავისუფლდეს ტანჯვისგან...

— მეფე ღმერთს გაუჩინიაო, სტუმარო...

— რუსეთის ხალხს მეფე აღარა ჰყავს: ერთობა მყარდება, ჯალაბაურო, — იცინის მუსა.

— ერთობა რახლად იქნების!.. ერს ერობა უნდა ეტყობოდეს, კაცთ — სიმდიდრე!..

— მშრომელნი თავისუფლებას მოიპოვებენ, ბაბო, მზე ქვეყნად ჩამობრძანდება, ერს ერობა დაეტყობა, ერი აყვავდება, თავისუფლად ამოისუნთქავს, რჩეულნი გამრავლდებიან, დედამიწაზე ოქროს წყარონი იდენენ, სილადე და სიმხიარულე დამყარდება კაცთა შორის!..

— ბაბოს ბევრი სმენია სიმშვიდის შესახებ, მზეო სერგო, ბევრი სტუმარი სტუმრებია ჯალაბაურის კოშკს; ამ კერაზე მჯდარა ერთ დროს საქართველოსთვის თავდადებული ალექსანდრე ბატონიშვილი, მწვავე ფიქრები გადაუდღლებია გონებაში და იმედის მრავალი ციხე აუშენებია. აქ უმსჯელობიათ შამილის ნაიბებს საჩივრების ბედზე, მაგრამ ტანჯვის შოწმე გამხდარა შემდეგაც ეს ჩახავსებული ქვეები...

— ჩვენსა და მათ შორის განსხვავებაა, ბაბო ჯალაბაურო: ჩვენ ბოლშევიკები ვართ, მშრომელი ხალხისთვის გვსურს სიკეთე. ხომ ხედავ, რა გაჭირვებით დავიარებით; არ ვერიდებით არც იღუმალ ტყვიას, არც გალესილი ხმლის ფხას, არც სუსხიან სიცივეს, მხოლოდ იმისთვის, რომ მშრომელი ხალხი გათავისუფლდეს ტანჯვისაგან, სიმშვიდე დამყარდეს ქვეყნად. შენ თავათ თქვი წელან, ბაბო: ქვეყანა არეულია, ძმა ძმას არ ენდობაო. ჩვენ ვიბრძვით ქვეყნის საკეთილდღეოდ, ამიტომ მივდივართ საქართველოშიც: ახალი მზე უნდა ამოხდეს, რომლითაც გავთბებით ყველანი... მაშინ აყვავდება ერი, მაშინ აღსდგებიან ჩაგრულნი...

— ნეტამც მაგას მოვესწრობოდეთ, მზეო სერგო!.. — ინატრა ჯალაბაურმა და კიდევ რაღაცაში უნდა გამოსდავებოდა სტუმარს, მაგრამ ამდროს კარები გაიღო: ჭაბუკები შემოვიდნენ — ტაბლაზე დაწყობილი ხინკლები, გაცხელებული რძე, ერბო, ლუდ-არაყით სავსე ქვაბები და ფანდური შემოიტანეს. მოწიწებით დადგეს სუფრა ბაბოს წინ — ოჯახის უფროსს პატივი დასდევს, სტუმრები ტაბლაზე მიიპატივეს, რამდენიმე ნაბიჯით — დაიწოეს უკან, — სამამაცოს ჩაჯარდნენ ფეხზემდგომნი, ქულ-მონდილები და სიმღერა თქვეს:

„სტუმრებო, სტუმრების მზესა,  
უსტუმროდ არც რა ღხინია,  
უსტუმროდ პური, სასმელი  
ვის უამს, უამური!“

დაიძახა ერთმა ჭაბუკთაგანმა, მეორემ ბანი მისცა, მესამემ იგივე სიტყვები გაიმეორა, მეოთხემ ჯიხვის რქის ყანწი აავსო შავი ლუდით და სერგოს წინ მუხლზე დაჯდა. სტუმარს ღიმილი შეუთამაშდა სახეზე და თასი გამოართვა...

„თქვენსა მოსვლაზე მზე მოვას,  
თქვენ წახოლთ, შავი ლურბელი!“

განაგრძობდა სიმღერას მომღერალი, დანარჩენები ბანს ეუბნებოდნენ. სტუმრები ვახშამს შეექცეოდნენ. მთელი კოშკი იცინოდა, იმღეროდა, ყვდლები უღერდა ფოლადის ხმით და გულში იცინოდა ბაბო ჯალაბაური: უმცროსების თავაზა ახალისებდა, სტუმრებისთვის პატივისცემა ახარებდა. სიმღერთა და ხალისით იცლებოდა ლუდიანი თასები. ბოლოს მომღერალი ბაბო ჯალაბაურის წინ დადგა, მორცხვად დახარა თავი და ნელი ხმით უმღერა უფროსს:

„ბერო ბერობას ნუ სჩივი,  
მოკლებას თვალებისასა!..  
ეცადე — ჭკვაგონებასა,  
რიგებას თემსოფლისასა!..“

ეს სიტყვები რამდენიმეჯერ იქნა განმეორებული მომღერალთა მიერ-  
ბაბო ჯალაბაური ფეხზე ადგა:

— დიდხანამც იმღერთ კაის გულით, ყმაწვილებო!... — თქვა მან-  
ტკბილად, მშობლიური გრძნობით და ფეხზე ნადგომმა დაცალა სასმი-  
სი. მაღლი გადაიხადა, ზედამდეგს თასი დაავსებინა, სერგოს წინ დადგა,  
ლუდიანი ყანწი მიაწოდა სახუკვარ სტუმარს და ჭაბუკებთან ერთად უმ-  
ღერა:

„შენთან გვეწადა, არწიო,  
სმაჭამა, ლხინი გრძელია;  
რა უღარობა დაგვიდგეს,  
ჩაგვაფარნიდით თბენია!..“

გრძელდებოდა ვახშამი. ყველა მხიარულობდა, მაგრამ ერთი ჭაბუ-  
კი შუბლშეკრული იდგა სკამის ბოლოს, ფეხი-ფეხზე გადადებული, ხან-  
ჯარზე ხელი დაედო, მწყრალად იჭკრიტებოდა: მუსას და სერგოს თავი-  
დან ფეხებამდი ათვალდებოდა; მუსას ვერცხლითმოართული მაუზერის  
ზილვა უცნაურ ყრუანტელს ჰგვირდა... ბაბოს უკრთოდა, ქისტის  
სიმარტოვეს ნატრობდა. მაღიმალ მიუღიოდა ხელი იარაღისკენ, მაგრამ  
თავს ძალას ატანდა. სიბნელეს იფარებდა. ეს ახალგაზრდა გახლდათ  
ლეკო ჯალაბაური, კოჭნაობასა და ფარიკაობაში ცნობილი, წაწალმრა-  
ვალი და ათასჯერ ლექსით ქებული. სამოცი ჭრილობა ჰქონდა მიღებუ-  
ლი, — სამოცჯერ ეგემნა ხევსურის ხმლის ფხა. სამოცზე მეტი დაეჭრა,  
სიმამაცით სახელი მოეხვეჭა. მოუსვენარი იყო: მარადეამს მთაგორებზე  
დაიარებოდა: ჯიხვებს ხოცავდა. ვაჟკაცებს ძარცვავდა, დიაცყმაწვილს  
ასაჩუქრებდა, ალაღებდა. ახლა, მაუზერის დანახვაზე, გულმა ალღო იგრძ-  
ნო და ბნელი ზღარბები აიბურდა მის გონებაში. ცოფმორეული უბღვე-  
როდა მუსას, მაგრამ სერგოს გამოხედვა იმორჩილებდა. თავისკენ უხმობ-  
და სერგოს შავი თვალები, კეთილის სხივს აყენებდა ბოროტებით სავსე  
ლეკოს გულში. სერგოს სიტყვა შაქარავით ტკბილი ეჩვენებოდა, იერი —  
მომხიბვლელი, ქცევა — ვაჟკაცური და უკვირდა ლეკოს: რაისად უნ-  
დოდა ამ კაცთან ახლოს ყოფნა, რაით ატკობდა სერგო მის გულს...  
„ნეტამც არ ეტანას ასეთ ვაშკაცი ამ ღუსურბანს!“ ბრაზობდა იგი...

ბაბო ჯალაბაურის მხერა არწივის თვალზე მკაცრი და შორსმჭკრი-  
ტელია; ლეკოს შეხვდა და შეაკრთო. თავი დახარა მამაცმა ვაჟკაცმა;  
უხმოდ იდგა რამდენიმე ხანს და ოჯახის უფროსის თვალებში კითხუ-  
ლობდა: „ლეკო, გახსოვდეს ბაბო ჯალაბაური!..“ დიალამც ახსოვს ლე-  
კოს ბაბო ჯალაბაური, მაგრამ... ლეკოს საკუთარი სურვილი აქვს, წა-  
დილმა თავი აიწყვიტა, ნაჭერალ ზვადივით ხელდება...

მგელი არ იწერთნება, ბაბო ჯალაბაურო!.. იდუმლად ტოვებს კოშკს ლეკო და არშისასავით ჩავლებულ კიბეს ჩაჰყვება მშფოთვარე არღუნისკენ; ჩაჰყვება და ჩაეს ჩაღუღუნებს: „ღღეს თუ არა, ეგ მაუზერი ხვალ ჩემი იქნება — სოფელს ხომ გასცდება სტუმარი, შუამთაზე დაუხვდება წინ“... არღუნის ნაპირებს უახლოვდება, შავს ღამეში ხახადაღებულ უფსკრულს გადაადგება თავზე — კლდეზე დაფეთებული მდინარის ღრიან-ცული ატკობს, მშიერი მგლის ყბუილი ახელებს და მის ველურ ინსტიქტს შვილივით იგუებს უკუნი ღამე, ღამე ქარიანი, თმაგაშლილი ქალივით რომ წარმოუდგენია ლეკოს. ტკბება ქარის აწყვეტილი კივილით, მრავალფეროვანი ჩქროთი და აქ, მარტოდ ხეტიალში, იოხებს იგი მოხლვავებულ წყურვილებს.

## თავი მესამე.

კვლავ ლემადის ქარი დათარეშობს მთაგორებზე. ნამქერით ივსება შავი უღრანები, უზარმაზარი ვეშაპებივით რომ დაუღიათ ხახა. ელდელად გამოჩნდებიან შატილის შავნი ქავციხენი, და ახლა ცეცხლის სინათლე მხოლოდ ჯალაბაურის კოშკის სარკმელში ციავობს. ქუდმოხდილი ქალარა ბაბო დგას კერის პირას, სამამაცოს და თავის სალოცავს — ანატორის ჯვარს ავედრებს შვილობილს და მის სახლში შემოხვეწილ სტუმრებს.

— ნუ მოიწყენ, შენს მადლს!.. უშველე, დიდი ანატორის სალოცავო!.. — ამთავრებს ლოცვა-ვედრებას ხევსური და საუფროსოს ნადგომ ლოგინისკენ წავა. მოხუცმა ლომმა ძილი დააგვიანა — საყვარელმა სტუმარმა სერგომ ღამე გაუფატრა. რამდენი რამ გაიგო ბაბომ იმ ღამეს!.. ნეტამც დაუბრუნა ჯალაბაურს ახალგაზრდობა: წავიდოდა სერგოსთან და სამუდამოდ მისი მეგობარი გახდებოდა... ერთხელ კიდევ ააეღებდა ჯალაბაურთ ფრანგულს, მემრ გინდაც მომკვდარიყო. აღარ დაინანებდა... ძალღურად გდებას სიკვდილი ურჩევნია ჯალაბაურს: მოსწყინდა ხევსურს მუქთად გდება მთაში... სიმწარით ჩამოლია სიყმაწვილის დღეები და სიბერეშიც ვერ მოისვენა. ნეტამც, შვილო, ბოლოს მაინც რამე ეშველებოდეს... ბაბო მწყრაღად წვება ლოგინში და ქარიშხალივით აშლილი ფიქრები ლოდევით აწვება გულზე.

ჯალაბაურის კოშკში მარტო სერგო წევს, ბაბოს სანუკვარი სტუმარი... არ სძინავს მას: ოცნებით გადადის შორს, შორს სამოქალაქო ომის ქარცეცხლში გახვეულ თეთრების წინააღმდეგ; ამხანაგებს ებაასება და სახვალთ გეგმებს ისახავს: შატილის გადასავალი უნდა გადალახოს აოხებულ ქარბუქში...

ფიქრს კარის ხმაური შეუწყვეტს...

იქნება ქარი იყო?!

ქარი კვლავ ქრის, აწყდება სიმაგრეს, მაგრამ დაჯახება სუსტია!.. კარებთან შავი ლანდი ატუზულა, დგას ქარბუქში და იცრიცება. აჩქარებულ სუნთქვას ინელებს. გულს იმორჩილებს. ფრთხილად შეეხება კა-



რის საკეტს და დინჯი ნაბიჯით გადახტება ზაბო ჯალაბაურის კოშკის ზღურბლზე; კერას მიუახლოვდება, ჩირალს აანთებს და შემკრთალი, ერთი ნაბიჯით დაიწევეს უკან. სერგოს მშვიდი თვალები უჭკვრეტენ მას.

— რა გნებას?! — შეეკითხა სერგო საამო ხმით. შეკრთა ხეცსური, ენა დაება; სერგოსთან შეხვედრას არ ელოდა.

— დაბრძანდი! — უთხრა სერგომ და მახლობელ სკამზე მიუთითა. სიჩუმე დაწვა ქვიტკირში: თვალები თვალებს გაუსწორდა, ჯარი ვაჟაკი ზომავდა ერთიმეორეს: მკაცრი, თოვლშიამოგანგლული, თოფიარადიანი ხეცსური და ლომებრ მშვიდი და მძლავრი სერგო, სტუმარი უცხო ოჯახში!..

— შენი საქციელი უცნაურია, ქაბუკო! — დაარღვია სიჩუმე სერგომ.

— უცნაურობა ეშმაკს დავულოცოთ, მე კი... ვაშკაცი ვარ!..

— ვაჟაკობა ნუ მოგიშალოს!

— შენ სიკეთე, სტუმარო! შენფერი სტუმარი ნუ მოუშალოს ჯალაბაურთ.

— შენ თავათ ვისი გვარისა ხარ?!.

— მე ლეკო ვარ, ჯალაბაური...

— სად ყოფილხარ ამ სიცივეში?!.

— არღუნის ნაპირზე ვიარებოდი!

— მონადირე ხარ?!.

— მგლების ნახვა მსურდა...

— კარგი სროლა გეცოდინება!..

— ეგ ჯიხვებს ვკითხვით სანადიროში!.. — თქვა ლეკომ და ორივე გაჩუმდა...

— კარგი ვაჟაკი ჩანხარ, ლეკო, — დაიწყო სერგომ, — შენისთანა ვაჟები დიდად საჭიროა ჩვენთვის: ჩვენი ძმები ბარში ბრძოლის ქარცეცხლში არიან გახვეულები, შენ კი... ღამის წყვილიადში ჰკლავ ბრძოლის უინს... ისინი ხალხის თავისუფლებისთვის იბრძვიან, ერთი მებრძოლი ას მებრძოლად უღირთ, თუმცა ისინი მამაცები არიან, მაგრამ...

— სიმამაცე ვაშკაცის საქმეა, ალბათ კარგი იარაღიც ექნებათ. იმათ?!.

— ო!.. ძალიან!.. შენ არა გაქვს კარგი იარაღი?!.

ლეკომ თავი დახარა, არაფერი უპასუხა.

— აბა მიჩვენე, ლეკო შენი თოფი!..

— არა, სტუმარო. კარგი ხარ, მაგრამ „მშვილდ თავათ უნდა მთრეხელსა, ნაპირის ადგილისასა“..

— როგორც ჩანს, ძალიან გყვარებია!

— ვაზნები შემომეღია ბოლო დროს, ნადირი ბევრია სანადიროში, სასროლი კი...

— მე გაჩუქებდი ვაზნებს. მაგრამ...

— ის დუსურბანი ქისტი რა იქნა?! იმას ბევრი ვაზნები ხქონდა.

— ბაბოს ოთახში იძინებს!

— მაუზერიც ხქონია!..

— დიალ!.. ის ყოჩალი ვაჟკაცია, ჩემი ძმადნაფიცია... კავკავში შევხვდით ერთიმეორეს მტერთან ბრძოლის დროს და აი, სამი თვე იქნება, სულ ერთად ვართ.

— ნეტავინ იმას... — თქვა გულნატკენმა ლეკომ და უნებური ნათქვამი თავადაც გაუკვირდა.

— როგორ?!..

— ეხ... მომწყინდა კლდე-ღრეში ხეტიალი, წასვლა მინდოდა ბარში, წყურვილი რამ მაწუხებს....

— იქნება შენც გინდა ჩვენი ძმობილი გახდე?!

— საკადროსი არა ვარ!.. — მორცხვად ჩაილაპარაკა ლეკომ, უნდოდა ვაზნა ამოეღო, გადაეგდო სერგოსთვის — ძმობა ეთქვა, მაგრამ უცბად შეკრთა: მუსას მაუზერი გაახსენდა. მუსა ხომ ძმადნაფიცი იყო სერგოსი!.. სწრაფად დატოვა ლეკომ კოშკი და ბოსელში შევარდა.

„უცნაური ყმაწვილია!“.. სთქვა სერგომ და საკუთარ ფიქრებს დაუბრუნდა.

### თავი მეოთხე

ღამე ტყდება. მიდამო იისფრად იღებება. ბაბო ჯალაბაური კოშკის კარზე გადმომდგარა, მიდამოს ათვალეირებს...

— ცუდი ამინდია, მზეო სერგო, ერთი დღეც უნდა მოიცადოთ, — მიმართავს იგი სერგოს ტკბილი ხმით.

— ერთი დღე ძვირფასია ჩვენთვის, ბაბო!

— ერთ დღეში ბევრი კეთდების. ერთ დღეს ქალაქები აშენდების, მაგრამ... ბუნებას ხომ არ შეეჭიდები, სტუმარო, შენ უცხო ხარ ამ კუთხეში; მთა კერპია, იდუმალი და სევდაჩახლართული. ერთი დღეც მოითმინე ჯალაბაურის ქერქვეშ; საჩქმელი ბევრი აქვს მასპინძელს, მთისას და ბარისას გეტყვის, ხვესურულ ანდერძებს მოგიყვება. უკითხავს გკითხავს. დარღს გაგიქარვებს. შატილის ჭაბუკებს მოუხმობს და ახალუხალს გაგიმართავს. ჯიხვის ზორციტ გაგიმასპინძლდება, სვიან ლუღს გასმევს და ფანდურზე გიმღერებს ზურაბ ერისთავთან მებრძოლ ქალუნდაურის სიმღერებს.

— ეს ყველაფერი კარგია, ბაბო, მაგრამ ქალაქში მიმეჩქარება.

— აჩქარებული წყალი წყალს არ გაურევიაო, უთქვამთ წინაპართ, მზეო სერგო; დილამდენ მოიცადე, დილას ჩემს შვილს გაგაყოლებ გზის მაჩვენებლად — ლეკო ვაშკაცია, მთაში გაზრდილი, აქაური ადგილებისა არა მოეტყუება, მარდია. შურთხის სიფრთხილე და მგლის მუხლი აქვს.

— ახლა სად არის ლეკო?!

— ლეკო დილის ეამს მთის ყურეს, წავიდა: შენს გადასავალ მთას დაზვერავს, ჭაუხებში გაინადირებს, ჯიხვის ზორცს მოუტანს საყვარელ სტუმარს!..

— ჭაბუკები ჭაუხებში ნადირობენ და მე კი გარეთ არ მიშვებენ, ცუდი ამინდიაო!..

— ნუ გიკვირს, მზეო სერგო, ადგილს ადგილის ჩიტი უნდაო, გამოგონია. ლეკო მგლებთან გაიზარდა, არწივებთან სადილობდა ქაუხებში, ფეხშიშველი დადიოდა იანვრის სუსხიან სიცივეში საყვარელი ვაშკაცი, ჯალაბაურთ სიამაყე, მაგრამ ერთი ცუდი სენი სჭირს ლეკოს, მზეო სერგო. ბევრი ეცადა, ბაბო, ბევრი ეჩხუბა, ეფერებოდა, არ იქნა და ვერ მოაშლევინა: სხვისი თუ რაიმე მოეწონა ლეკოს, არ შეარჩენს. ცხენს შინით აუხსნის, ხარს დაუკლავს, ქაღალს მოსტაცებს. ავი ხასიათი დაჰყვა ხვთისაგან წყეულს, ცუდს ვარსკვლავს დაბადებულაო, ამბობენ მკითხავეები; წუხელ ქისტს უთვალთვალედა: მუსას მაუხერი მოსწონდა, მაგრამ ბაბოს მოერიდა, მგლების მოლოდინში ჩაჰკლა წყურვილი. მთელი ღამე ეღვიძა, თვალს ძილი არ მიჰკარებია, თეთრად გატეხა ღამე და დილით სანადიროში წავიდა. საცაა დაბრუნდება და ჯიხვის ხორცს მოიტანს.

ამდროს კარები გაიღო და მუსა შემოვიდა. დამხდურთ მიესალმა. ამინდი დასწყევლა და ცეცხლიპირას ჩამოცუცქდა. სერგომ ყურადღებით შეათვალეირა თანამგზავრი, თითქო ახლა ხედავსო პირველად — სრულის ტანის ვაჟკაცი, მხარბეჭიანი. ვიწრო წელს სავაზნე და ვერცხლით მორთული მაუხერი რომ უმშვენებდა. მასში ქარბად სჩქედდა თავისუფლების მოყვარული მთიელის ლალი ბუნება, სიმკვირცხლე და ქისტური ჩვევანი. სერგომ გონებაში დაუპირისპირა ერთიმეორეს: ლეკო და მუსა. ორი მთიელი ვაჟკაცი, რომელნიც ყოველთვის მზად არიან თავისუფლებას შეეწირონ, მაგრამ მტრები ერთიმეორისა — მოსისხარი მტრები, მამაპაპურ ამბებს რომ ინახავენ გულის ყურში.... ერთიმეორეს ეჭიდებიან წითელი ფერით დახელებული ხარებივით, ჩიგავენ ერთიმეორეს და ბრძოლის მიზეზი კი ორივესთვის გაურკვეველია... „რა დიდებული იქნება, რომ მათი ბრძოლის უინი ვადავიდეს კლასიური მტრის წინააღმდეგ“...

ჩაიფიქრა სერგომ და ხელი დაჰკრა თანამგზავრ ქისტს მხარზე.

— დღეს ისევე ჯალაბაურის სტუმრები ვართ, ძმობილო მუსავ! — თქვა პირმოლიმარემ.

— მადლობა ალახს!.. ჯალაბაურს სტუმარი არ მოძულდება, სტუმარს ჯალაბაური!.. — სხარტად უპასუხა მუსამ და ფეხზე წამოდგა.

— შენ მართალი ხარ, მაგრამ.. მთა გვაქვს გადასასვლელი.

— არწივები მუდამ ქაუხების თავზე გადადიან, — ჩაიციხა სერგო თანამგზავრმა.

ბაბოს მოეწონა ქისტის ნათქვამი.

— მუხოურთ გვარის ღირსი ვაშკაცი ყოფილხარ, მუსა, მაგრამ... ხევსურეთში მაინც უნდა იფრთხილო, — უთხრა მზრუნველობით სტუმარს, — თავისიხლი გაუწმენდელია ჩვენსა და თქვენს შორის: ჩვენს მამებს ერთიმეორე უხოციათ, თავათ ჩვენს გვარში ხუთი ვაშკაცია ქისტის ხელით მოკლული...

— ეს გარდასული საქმეა; ბაბო ჯალაბაურო, ახლა მუსა მტერია ძველი წესებისა, იმისთვის ერთია: ქიტი, ხევსური, ოსი თუ რუსი, კაცი — ყველა კაცია...

— მე არავინ მომიკლავს, სხვის შაგიერ არ ვაგებ პასუხს, და თუ ვინ-  
მე მოითხოვს, ალახის მადლს ვფიცავ, შევანანებ!.. — ამაყად სთქვა ქისტ-  
მა და უნებურად შეუთამაშდა ზედა ბაგე.

სტუმარ-მასპინძლების ლაპარაკი მხიარულმა ხმაურმა დაფარა: ახა-  
ლუხალი შემოვიდა კოშკში. ყმაწვილები არწივის მართვესავით ჩამო-  
ლაგდნენ სკამზე და ყველა მოცინარე თვალებით ეალერსებოდა სერგოს.  
მისი ვინაობა მუსასგან გაეგოთ წუხელის... ახალუხალში შემოვიდა რამ-  
დენიმე ახალგაზრდა ქალი. შავთვალწარბანი, ოქროსფერთმებიანნი, თავ-  
დახრით დადგნენ ჯალაბაურთ სადიაცოს. გარმონს დაუკრეს და ერთმა  
მათგანმა სიმღერა თქვა:

„ჯალაბთ მწყემსობად წამლალეს,  
გორშუ ვაძოვებ ცხვარსაო,  
მოგნატრი, გუროს ციხეო,  
ქვაო, ნადებო ქვასაო!  
მერმე, შენ გუროელაო,  
გაზრდილო ლერწმის ტანსაო;  
შავხედავ ყინვართ ბოლოსა,  
დაკრიახულთა მთათაო;  
შამახდა მენადირეი,  
ვიყურებ თოფის ზმასაო.  
თეთრჩოხა რაიმ გადმახდა,  
მასრან უცემენ თვალსაო,  
ვაფერებ ჩემსა ძმობილსა,  
ხოლიგათ თათარასაო“...

• • • • •

მთელი ახალუხალი ამღერდა. დიდხანს, დიდხანს მღეროდნენ, სიტ-  
ყვებს ესროდნენ ერთმანეთს. შემდეგ მთიულური საცეკვაო დაუკრეს და  
ცეკვა ერთ ხნიერ მოლხინეს შეუთვალეს. იგი ზღაპრით წამოდგა, ბა-  
ბოს წინ თავი დახარა, ელვის სისწრაფით დაიწია უკან და ქორულად ჩა-  
მოუარა ახალუხლებს. ხელებს შლიდა, ფეხებს მსუბუქად გაჰკრავდა, კი-  
ოდა და წაწალ ქალს თვალით ანიშნებდა: გადმოდიო.

მუსას ცეკვის სურვილი აუხევდა, ადგილზე ვეღარ ჩერდებოდა, მაგრამ  
თავს ძალას ატანდა, არ იმჩნევდა. პირველი მოთამაშის შემდეგ ბაბო  
ჯალაბაური ადგა და მუსას თხოვნით მიმართა:

— პატივი დაგვდე მუხაურო: გვიმუშპრე, შგრემც შეგეწევა სტუმ-  
რობის მადლი!..

მუსა ერთხანს ნაძალადევად უარობდა, შემდეგ დაჰკივლა, ელდანაკ-  
რავივით დატრიალდა ახალუხლების წრეში. საამო ჟრუანტელმა შეაჟრ-  
ჟოლა მაყურებელნი, გარმონი და ტაში გააფიცხეს, დაჰქაღნეს და და-  
ტკბნენ მისი ცქერით. მუსა თავადაც მგელდებოდა, ბოლოს შუაწრეში  
შეჩერდა, მარცხენა ფეხის თითის წვერზე შემოტრიალდა და, სწორედ ამ-

დროს, კარები გაიღო, ახალუხალში შემოსულის თვალები უნებურად მო-  
ხვდა მოცეკვავეს. შეაყრეოლა და მაუზერის ტარის ელვარებამ უნებუ-  
რად შეაერთო. შედგა იგი ფერმკრთალი, ნაოფლარი და თვალებით შე-  
მოცელა იქ მყოფნი. მუსიკა და ტაში მინელდა, ახალუხალი გაიტვრინა,  
მუსამ ცეკვა მიატოვა. წამით ყველაფერი გაჩუმდა, თითქოს მეხმა გაუ-  
არაო და, შემდეგ გაისმა შეძახილები:

- კვლავ უკეთესი მოგცას, ოჩობინტემ, ლეკო!
- ჯიხვი მოგიკვლია, ვაშკაცო!
- ჯიხვით მოსვლა ნუ მოგიშალოს!..

ლეკომ თავი დახარა, ამაყად განვლო ქაზდარი, შესდგა სერგოს წინ,  
დინჯად მოიხადა ზურგზე ნაკიდები, სისხლით-გასვრილი მანძილა ჯი-  
ხვი და სტუმრის წინ დაასვენა სკამზე:

— შენი პატივი იყოს, სტუმარო სერგო! — თქვა მან თავმდაბლად.

— ღმერთმა პატივი და გამარჯვება ნუ მოგიშალოს! — შესძახა გა-  
ხარებულმა ბაბომ, სანამ სერგო რამეს ეტყოდა და ხელი ჩამოართვა გვა-  
რის სიამაყეს.

სერგომ ტკბილად შეხედა მონადირეს, მადლობელი ვარო, თქვა და  
ჯიხვს დააშტერდა. შეეცოდა დაღუმებული პირუტყვი: „ეგლო ლაღად  
თავისუფალს, რას ვერჩით ამ ლამაზებს“, ჩაიფიქრა და ჯიხვის მოზრ-  
დილ რქებს შეეხო ხელით.

ლეკომ მუსას ცერად გადახედა, მაუზერი შეათვალიერა, ნელიად ამო-  
იოხრა და ახალუხალს მიმართა ნაღვლიანი ხმით:

- იქნება ჩემი მოსვლა გეწყინათ?! რად გაჩუმდით?!
- შენი მოსვლა გულს გაახარებს!
- შენი ხილვით სწორფერნი გალადლებიან!

— შენი ლხენა ახალუხალს გააღხენს! — თქვეს ქალვაჟებმა, ტაშ-  
გარმონს დაჰკრეს, კვლავ გახურდა ლხენა, სიმღერა, ცეკვა.

## თავი მესამე

სალამოს ჟამს ქარი მიწყნარდა. მთებზე ლემადე მიკვდა. მიდაშო და-  
ჩნდა. ადამიანებს შუბლი გაეხსნათ და ხევსურები ნელნელად მოგროვ-  
დნენ „საფეხნოში“...

ჯალაბაური წინ გაუძღვა სტუმრებს, — ფეხონში გაიყვანა. მიდიოდა  
დინჯად, ამაყად, თავაღებული: ვის ჰყავდა შატილს მისთანა სტუმარო  
ნასტუმრები!.. იგი სერგოს წამოუძმრისულებდა, ერთ-ორ სიტყვას ეტ-  
ყოდა, ნათქვამს მოუსმენდა და ყინჩად ჩაიცინებდა. მიდიოდნენ სიცა-  
ლით, ლაღნი — ლაღად!..

ლეკომ განგებ ჩამოიტოვა მუსა უკან: უმაღლ სროლაზე ჩამოაგდო  
ლაპარაკი — მაუზერის სროლა მწადიანო, ეჩურჩულებოდა სტუმარს. მუ-  
სა ადრევე მიუხვდა წადილს: წუხელს შენიშნა ხევსურის ანთებული თვა-  
ლები — მთიელმა მთიელის გული იგრძნო... არაფერი თქვა: თავადაც  
ბევრჯერ დატანჯულა მუსა კარგი იარაღისთვის მაცქერალი... ახლა კი,  
ცოტა არ იყოს, ცივად გამოელაპარაკა ლეკოს:

— მე ვაზნები მხოლოდ თეთრებისთვის მაქვს შემონახული!

— რამდენ თეთრი ას გარშემო!.. — გაიოცა ლეკომ და თოვლიანდ მთავორები შეათვალიერა.

— მე სხვა თეთრებზე მოგახსენებ!..

— ნეტავ რაღა იქნების სხვა თეთრი!

— ეს ხალხია... ცუდი ხალხი: ჩვენი მტერი... ახლა ისინი ჩვენს ძმებს ებრძვიან, სისხლს ღვრიან... — ამბობდა თეთრების ხსენებით გამწარებული ქისტო.

— მაშ ისინი ჩვენი მტრებიც არიან?

— დიად, თქვენიც, ჩემიც, სერგოსიც, ჩვენი ძმებისაც, ყველას მტრები... ვაზნებს მხოლოდ იმათთვის ვინახავ, ისე... გნებავს, ვესროლოთ!..

— ახ, ვესროლოთ!.. ვესროლოთ, მაგრამ, ის ხალხი სად არის ეხლა?!..

— ბარში... ყველგან... იქნება აქაც არიან!..

— მაშ შენ რომ წახლო, იმათთან უნდა იბრძოლო?!.

— დიად!..

— სერგომაც?!.

— ჰო!...

სერგომ მოჰკრა იმათ ლაპარაკს ყური. ნაბიჯი შეანელა. უნდოდა გავეგო, რაზე ლაპარაკობდნენ, მაგრამ მუსამ ლაპარაკი უმაღ შეწყვიტა. ძმობილს მიუახლოვდა.

— რაზე გელაპარაკებოდა ეგ ახალგაზრდა, მუსა?! — იკითხა სერგომ, როდესაც ისინი წუთით მარტო დარჩნენ.

— ისე!..

— მაინც?!.

— როგორც ჩანს მაუზერის სროლა სწადიან!

— ხომ არ გინდა დაუძმობილდე ლეკოს?!.

— ის კარგი ძმობილი მექნებოდა!..

— შენი მაუზერი გიყვარს?!.

— ძალიან!..

— ლეკოს თურმე ენატრება მაუზერი: წუხელ არ სძინებია!..

მუსა გაჩუმდა: წადილს მიუხვდა ძმობილს, მაგრამ... მუსა უმაღ მარჯვენას მოიჭრიდა, ვიდრე მაუზერს დაუთმობდა ვისმეს.

უხმოდ განვლეს ზამდენიმე ნაბიჯი.

— ჩავალ ქალაქში, იარაღი ბევრია, — დაიწყო სერგომ და მუსას გადახედა. — ძმობილი კი... შატილს მასპინძელი გეყოლება...

მუსას პასუხი არ მიუცია: საფეხნოში ნასხდომი ხევსურები აიშალნენ. გაისმა ნელი ჩურჩული:

— მოდის!..

— კარგ ვაჟ ყოფილას!..

— ღირს იას სახელისა!..

— ღმერთმა გამარჯვება ნუ მოუშალოს!..

— ხალხის გულისად იბრძვისაჲ!..

— ხელ მოუმართოს!..

— ნეტავი მაგის მასპინძელს!..

სერგო დინჯი ნაბიჯით მიუახლოვდა ფეხონს.

— გამარჯვებათ, ხევსურებო!.. — მიესალმა იგი მშვიდი ხმით.

— გაგიმარჯვებს!..

— ხელიმც მაგემართებისთ!..

პასუხობდნენ ხევსურები და ხელებს უწვდიდნენ:

სერგომ რამდენიმე მოხუცს ჩამოართვა ხელი და სათავეს „სასტუმრო სკამზე“ დაჯდა.

ხალხი ერთხანს თვალთ ზომავდა სტუმრებს. შემდეგ მოხუცებმა ყალიბები ააბოლეს და დინჯად იკითხეს ბარის ამბები. სერგო დაწვრილებით ელაპარაკა ხალხის მდგომარეობაზე. აიმიედებდა მომავლით, თუ ხალხი იბრძოლებს, საქართველოშიც თავისუფლებას მოიპოვებსო. უთხრა ისიც, რომ ქისტებსა და ხევსურებს შორის ძმობა უნდა დამყარდეს, თუ ვინდათ გაიმარჯვოთო მტერზე.

— დღესამდინაც უმიზეზოთ ვღვარეთ სისხლი, მზეო სერგო, — თქვა ჯალაბატურმა და ფეხონს თითებზე ჩამოუთვალა უდანაშაულოდ დახოცილი ქისტები და ხევსურები.

დიდხანს გრძელდებოდა საუბარი ქისტებისა და ხევსურების შერიგების ირგვლივ. შემდეგ ახალგაზრდები განზე გადგნენ: ახალგაზრდულმა წადილმა დასძლია. თოფიკაობა მოიწადინეს.

— ვისროლათ! — თქვა გახარებულმა ლეკომ. მხარზე ნაკიდები თოფი გადმოიტანა. — პირველად სტუმარმა უნდა ესროლას. — და თოფი მუსას მიაწოდა. მუსას სროლის იმედი ჰქონდა, არ სწყენია, დინჯად დაჯდა იგი საყურში, თოფი ვაასწორა, დაუმიზნა „ჯილდას“ და საქმაოდ მოშორებით ნაყუდები ხელის ნების ოდენა რგვალი ფიცარი შუაზე გაახვრეტინა. ხევსურებს არ ესიამოვნათ. გაიმართა რიგითი სროლა. ბოლოს ლეკომ მოიწადინა სროლა. სამჯერ ესროლა, სამივე ერთსა და იმავე ადგილზე მოარტყა, მაგრამ შუბლი მაინც შეკრული ჰქონდა: მუსას ნატყვიარი შუაწრფში იყო მორტყმული.

— გავიჯიბროთ, მუსა! — მიმართა მან ქისტს.

— რა იყოს სანაძლეო? — წამოიძახა გახარებულმა მუსამ.

— სერგომ თქვას, — წამოიძახა ლეკომ და სერგოს ღიმილით გადახედა. ხევსურებს გაუკვირდათ: ლეკო იშვიათად იცინოდა.

ხოლო სერგომ მის თვალებში ამოიკითხა:

— გვითხარი, მზეო სერგო, სანაძლეო!..

— საუკეთესო იარაღი ძმობის ნიშნად!..

— თანახმა ვარ! — თქვა მუსამ.

ლეკოს ხმა არ ამოუღია: „რად არ დაასახელეს იარაღი“ — ჩაიფიქრა მან და ვაზნა მისცა თოფს. ორი ესროლა, ორივემ შუაწრე გაწყვიტა. ამაყად ადგა ლეკო საყურიდან და თოფი ქისტს მიაწოდა. მუსას ხანი არ დაუყოვნებია — თითქმის ერთი-მეორეს გაჰყვა თოფის ხმა: ოთხი ნატყვიარი ერთსადანიმევე ადგილას მოხვედროდა ჯილდას.

სერგომ და ბაბომ განსაჯეს ნასროლები: პირველობა არც ერთს დარჩენია. მხოლოდ ბაბომ თქვა:

— ქისტმ სწრაფად ესრივ!..

— სისწრაფე ნუ მოუშალოს, — დალოცა ფეხონმა ერთხმად და მუსას საქებარი უთხრა.

ლეკო ნაწყენი გაშორდა ფეხონს. კარგა ხანს დადიოდა მდინარე არლუნის ნაპირებზე. მხოლოდ ვახშობის ხანს დაბრუნდა შინ. ნაწყენობა ეტყობოდა. მუსამ წაჯალდა იგი სროლაში — შატილში სახელი დაუმცირა: აქამდინ მისებრ მართლსროლა არვის ძალუძდა. ლეკო იმავე საღამოს დაასვენებდა გულს: სიცოცხლეს გამოასალმებდა ღუსურმანს, მაგრამ მუსა ჯალაბაურთ სტუმარი იყო, შვილი მამას ვერ შეარცხვენდა, — გვარი არ აპატიებდა სტუმრის მოკვლას... ბრაზი გულში ჩაიკლა დროებით. ნაძალადევის ღიმილით შევიდა სტუმრებთან, მაგრამ სერგომ მაინც შეამჩნია მოწყენილობა, გვერდზე დაუჯდა ლეკოს, ხელით ხელს შეეხა და ღიმილით უთხრა:

— მე და ჩემი ძმადნაფიცი მუსა გახარებულნი ვართ: როგორც ბაბომ გვითხრა, ხვალ ჩვენი მეგზური იქნება ჯალაბაურთ სიამაყე: ლეკო!..

ლეკოს მონასმენი არ ესიაშოვნა: გადაწყვეტილი ჰქონდა მოკლე გზით, იღუმალად გადაეგლო მთაგორები, დახვედროდა გზაში სერგოს და მუსას, როდესაც ისინი შატილის საზღვრებს გასცდებოდნენ, რომლის იქითაც სტუმრების გაძარცვა ჯალაბაურთ გვარის სირცხვილად აღარ ჩაითვლებოდა — და მუსას მაუხერი მიესაკუთრა, თუნდაც მუსას სიცოცხლედ დამჯდარიყო, ხოლო სერგოს კი ხელს არ ახლებდა, რადგანაც სერგო ქართველი იყო და ამავე დროს სანდომიანი ვაჟკაცი. ახლა კი... მამას მისთვის მიუღწევია სტუმრების პატრონობა!.. დიდხანს იყო გაჩუმებული ლეკო. ფერიფერ ეცვლებოდა სახეზე.

— იქნება არ გასურს ჩვენთან მგზავრობა?! — გამოეხმაურა სერგო.

— რა ვიცი... ცუდად რადმე ვარ!.. — იცრუა ლეკომ. აღმაცერად გადახედა მუსას, ცეცხლის მახლობლად რომ ჩამომჯდარიყო. ვერცხლით მოკაზმულ მაუხერის ტარს ცეცხლის ალი მოწითალო ფერით აშუქებდა, გონება უბნელდებოდა მის მაცქერალ ლეკოს, ცივი ჟრუანტელი უვლიდა ტანში და უნებურად ამოიოხრა.

შემკრთალი ბაბო დააშტერდა შვილს: იშვიათად მოუსმენია მას ლეკოს ოხვრა: ლეკო გაფითრებული იყო. პირში ნერწყვი ჰქონდა გამშრალი, ტუჩები ოდნავ უთრთოდა, მარცხენა წარბი უთამაშებდა.

— უგუნებოდ ხო არა ხარ, ლეკო!.. — იკითხა ბაბო ჯალაბაურმა.

— ოდნავ! — მორცხვად ჩაილაპარაკა ლეკომ და მამის მხერას თვალი აარიდა; შემაძინევსო. წასვლა მოისურვა, მაგრამ ვერ ადგა: სერგოს ეჭირა მისი მარჯვენა ხელი და უცნობი სიამე გადადიოდა ლეკოს გრძილობაში, ატკობდა უჩვეულოდ. — გინდა მახკვდ, სტუმრებს უნდა გახყვ!.. — ამბობდა ბაბო. — ბაბოს შენს მეტი საიმედო შვილი არა ჰყავს, სტუმარს კი პატრონობა უნდა მტერსთანაც, მაკეთესთანაც, ვერ შეირცხვენს ბაბო ვერც საურჯულოს, ვერც მთავრობაში და ვერც ხევსურეთში. უპატრონოდ



ვერ გაუშვებს სტუმრებს უცხო მხარეში: რამდენი მოკეთე ჰყავს ბაბო ჯალაბაურს, იმდენი მოჯიბრე ჰყავს. ვინმე უამურს წაჰკიდებს სტუმრებს და მაშინ მთელ ჯალაბაურთ ფლასი დაეხურება თავზე — სირცხვილი დაედება გვარს. ბაბო ლეკოს მეტს ვერავის ანდობს სერგოს. წინათაც ერთი უბედურება დაატყდა ჯალაბაურს. იგი ჩაფიქრდა. ლეკო შეკრთა — მიწას მიაშტერდა. ბაბომ ყმაწვილს გადახედა, სამყოფის კუთხეში რომ ატუხულიყო:

— მეგლიას უძახე, ყმაწვილო!.. — უბრძანა მას. ბალღი სწრაფად გავარდა კოშკიდან. არ გასულა ხუთი წუთი, რომ სტუმრებთან შემოვიდა მაღალი ტანის, მხარბეჭიანი ახალგაზრდა. იგი ქოსა იყო, სახედანაოკებულნი. დიდი ფაფახი ქუდი ეხურა მოგვერდულად, სახის მხოლოდ ერთი მხარე უჩანდა. მორცხვად მივიდა და ბაბოს წინ გაჩერდა მოწიწებით.

— ქუდ მაიხადე!.. — უბრძანა ბაბომ.

მგელია ოდნავ შეკრთა, წვრილი, შავი თვალები მორცხვად მოავლო გარემოს — დინჯად ასწია ქუდს და სტუმრები გააოცა. სახის მარჯვენა მხარეს, დაწყებული მხრიდან წარბის თავამდე შავი, ღრმა ჭრილობა შეზოსალტოდა. გაწყვეტილი ყური დასჯუნკროდა, დანაოკებოდა და ხის ტანზე უდროოდ ამოსულ ჯირკვავით მიჰკროდა ყბას. კისერი დამოკლებოდა, — გვერდზე ჰქონდა მოხრილი. მან სინათლისკენ შემოატრიალა ჭრილობიანი გვერდი, რამ უფრო კარგად შეეხედნათ მაყურებელთ, მორცხვად განვლო ქაზდარი და უხმოდ დატოვა სტუმრები. ყველანი გაჩუმებულნი იყვნენ. მუსა გაფაციცებით ათვალეირებდა იქ მყოფთ; სერგო ფიქრს რასმეს გაჰყოლოდა, ხოლო ლეკოს სახე განაცრისფერებულყო...

ბაბომ დაარღვია სიჩუმე:

— ეგ ჩემი უფროსი შვილია, მზეო სერგო, ჩემს შემარცხვენელი... ხშირათად თუ გამოვა ხალხში, ყველას ერიდება. მარტოობა დასჩემდა. ლაპარაკი სძულს. ოჯახში ხმა არ ამოედების, სტუმართან არ მიევალებს:...

— რა დააშავა ეგეთი?! — იკითხა სერგომ.

— გაიმბობ. — თქვა ბაბომ, ლეკოს გადახედა ისეთნაირად, თითქოს მოსაყოლი ამბით ახსენებდა მასპინძლის მოვალეობას სტუმრის წინაშე; ყალიონს თამბაქო დაუმატა, ხარბად მოსწია, მძიმედ ამოიოხრა და შემდეგი უამბო სტუმრებს:

...მგელია ბაბოს საყვარელი შვილი იყო. უყვარდა ბაბოს, ძალიან უყვარდა. მაგრამ მგელიამ არ შეიშნოვა ბაბოს ამაგი, მთელ ხევსურეთში შეარცხვინა ჯალაბაურთ გვარი: რამდენიმე წლის წინათ სამი ცხენოსანი მგზავრი მიადგა შატილის გალავანის კარებს. სამივე უცხო იყო, უმაკეთეო, უმასპინძლო. ბაბო ჯალაბაური იკითხეს და მის ეზოში ჩამოხადეს ბარგები ცხენებს. ბაბომ უმასპინძლა — მიიღო სტუმრად უცხომ-უცხონი. ორი ქალაქელი იყო. ერთიც — ფშაველი. სავაჭროდ წამოსულიყვნენ. დახმარება სთხოვეს ბაბოს, გვეშინიაო, ამბობდნენ. როგორც ეტყობოდათ, ბევრი ფული და ცოტა სიმამაცე ჰქონდათ. მფარველს და-

ეძებდნენ: არცერთ მათგანს არ შეეძლო მამაც ვაშკაცისთვის დახვედრა. გზაზე კი ყაჩაღობა, ძარცვა-გლეჯა იყო გაძლიერებული. ბაბო დახმარებას დაჰპირდა. იმღამეს კარგად გაუმასპინძლდა სტუმრებს. დილით მგელიას დაუძახა, საიმედო შვილს ჩააბარა სტუმრები და დაარიგა:

— სამშვიდობოს მიყვანენ. ერთი ბეწვიც რო დაკლდეს, შენ აგებ პასუხს! — უთხრა ბაბომ და გაისტუმრა... ორი დღე გავიდა, არ ჩანდა მგელია. მესამე დღეს ხევსური რამ ესტუმრა პირიქით ხევსურეთიდან შატილს. სტუმარი საფეხნოს მიიყვანეს, ხევსურეთის ამბები ჰკითხეს და ბაბომ ჩუმ ჩურჩულს მოჰკრა ყური: „გუშინ მგზავრები დაუცვარციან, — ამბობდა პირიქითელი ხევსური, — თავად მგელისა ც მონაწილე ყოფილა“. — ბაბო ჯალაბაურს მეტი აღარ მოუსმენია. თავზარდაცემული იჯდა იგი ერთხანს — სახეგაფითრებული გულში სწყევლიდა სიყრმის შვილს. შემდეგ წამოდგა, უსიტყვოდ დატოვა ფეხონი, შევიდა კოშკში და ტახტთან დაჩოქილი ხევსურეთის სალოცავებს შეეხვეწა:

— დიდებულნო ხთის შვილნო, ამჟცდინეთ ხიფათი!!

არაფერმა უშველა.

მთელ სოფელში გავარდა ხმა — „ჯალაბაურთ სტუმრები დაუცვარციან შატილის მიჯნაზე“..

ბაბო მოუთმენლად ელოდა შვილს. მესამე დღეს, ბინდის ეპს მგელია ეზოში შემოვიდა. კიბის თავზე ნადგომი, სახემოლუშული მამა დაინახა და შეკრთა, ნაბიჯი აერია, მხრის აქცევა დააპირა, მაგრამ...

— აქ გამაიარი!..

შესძახა ბაბომ არეულის ხმით.

წუთით შეჩერდა მგელია, ჩაფიქრდა, დაბარბაცდა და კიბეს შეჰყვა ნაძალადევის ნაბიჯით.

ბაბოს დიდი ქურქი წამოეხურა, უზარმაზარ ქვის ქანდაკებასაკით იდგა კიბის თავზე — შვილს ელოდა...

კიბეზე მიმავალ მგელიას მუხლები მოუდუნდა: ხიფათი შეიგრძნო. მამას აღმატურად უჭვრეტდა და ზარავდა — მშობელი შავ სიკვდილივით დაჰყურებდა თავზე. მოისურვა: დაეჩოქა მამის წინაშე და პატიება ეთხოვა, მაგრამ არ დასცალდა. სუნთქვააჩქარებული კიბის ბოლო საფეხურზე შედგა. ერთი ნაბიჯი აშორებდა მშობელს. სცადა ნაბიჯის გადადგმაც და, სწორედ ამდროს, ბაბო ჯალაბაურის შევერცხლბლი თმა ხეაღლომის ფაფარივით აიშალა, სახე გაუფითრდა და მის ხელში ნაჭერმა ხმალმა ელვის სისწრაფით გაიელვა სივრცეში, გველივით დააწივლა ჰაერი და მეხივით დაეცა მგელიას... მოჭრილ ხესავით მოსწყდა იგი კიბეს, საფეხურზე დაყირავდა ხარივით ვაჟკაცი.

„თფუ!.. არამი იყოს შენზე დედმამის ამავი!..“ მიაფურთხა ბაბომ და შვილის სისხლით შესვრილი ჯალაბაურთ ფრანგული ჩოხის კალთაზე გაიწმინდა...

მგელია კარგმა ექიმმა გადაარჩინა, მაგრამ სიკვდილი ურჩევნია ეგეთ სიცოცხლეს — თითოთ, საჩვენებელი გახდა ხევსურეთში, გატეხა ხევსურეთის ალათი:

სტუმარი გაცვარცა თავის სოფლის მიჯნაზე!..

— შვილის ნდობა მაინც არ იკარგება, მზეო სერგო, ის ჭრილობა ჩემს გულზეა გადაჯაჭული! — ამოხვრით დაამთავრა ბაბომ ამბავი და ლეკოს გადახედა, — აი, ეს ვაჟილა დამრჩა საიმედო... — ნალვლიანად თქვა მან და ლეკოზე მიუთითა.

ლეკო გარინდებული იჯდა, მიწას მისჩერებოდა, ოფლის ნამი დასდებოდა სახეზე. თავის სახელის ხსენებაზე შეიშმუნა, მორცხვად შეხედა მამას და თვალები ვერ გაუხსნო.

— ხვალ ეს გამოგყვებათ, — ამბობდა ბაბო, ახლა კი... შევუდგეთ მზადებას. ადევნი, გენაცვალოს ბაბო, — მიმართა მან ლეკოს, — დაემზადე დილისთვის

ლეკო მძულად წამოღდა, დატოვა კოშკი და მზადებას შეუდგა — ბანდავდა ჯღანებს, ფიქრი უღრღნიდა ტვინს: რა ხერხით ჩაეგდო მუსას მათუხერი ხელში. იცოდა: მუსა ნებით არავის დაუთმობდა იარაღს. მხოლოდ იყო ერთი გზა, ლეკოს თავიდანვე გამონახული ჰქონდა ის, მაგრამ ბაბო ჯალაბაურის მარჯვენა შესძლებდა ფრანგულის ქარქაშიდან ამოკრეფას... დიდი იყო შიში მამისა.

## თავი მემკვსე

დილა გათენდა. ცა მოწმენდილიყო — ღრუბელი გადაეყარა, ლურჯად მოკამკამე დასცქეროდა თოვლით თეთრადშებურვილ დედამიწას. მთები იდგნენ ამაყად, ფიქრსმიცემულნი... სიჩუმე სუფევდა ირგვლივ; არ ისმოდა არც ფრინველთ საამო ყივილი, არც არწივის ამაყი ყივილი და არც შურთხების სტვენა, რაც ესოდენ ხშირად ისმის ჭაუხებიდან. მდინარეთაც ხმა გაეკმინდათ, თოვლი და ყინული გადაეხურათ თავზე, თითქოს მოსწყინდათო ცისა და დედამიწის ჭვრეტა. ბუნების ფიქრთა სიმყუდროვეს მხოლოდ სამი მგზავრის ფეხის ხმა და ნელი ლაპარაკი არღვევდა: სერგო, მუსა და ლეკო ბილიკს შესდგომოდნენ თენების ყამს, საქართველოში გადასასვლელ მთისკენ. ლეკო დასდგომოდა წინ და დიდის სიფრთხილით მიიკვლევდა გზას — ზომავდა ბილიკს და რუვის ყულებს, რომ ფეხი არ დასცერებოდა და ფიწალო კლდეს არ მისცემოდნენ, ან საზვავო რუვის ბოლოზე არ გაევიდნენ.

კალთადაკვართული მუსა კარგ ხასიათზე იყო. მგელივით შიძუნძულვებდა — უხაროდა საქართველოში გადასვლა, ხუმრობდა და სასაცილო ამბებს მოუთხრობდა თანამგზავრებს.

ორ მთიელ ვაჟაკს, ლეკოს და მუსას შუაში ჩაეყენებიათ შეგობარა. სერგო, რომელიც ორი კვირის წინათ გამოვიდა ბრძოლის ქარცეცხლიდან მხოლოდ იმისთვის, რომ საქართველოში გადასულიყო და იქ, ლენინის დავალებით, გაეჩაღებინა ბრძოლა მენშევიკების წინააღმდეგ.

სერგო მიდიოდა დინჯად, გაზომილის ნაბიჯით, მუსას ნათქვამზე იცინოდა და გულისგამლადებელ სიტყვებს წითელ ვარდებივით ესროდა ლეკოს.

მართალია, ლეკოს ეხუმრებოდნენ, ძველს ამბებს ეტყოდნენ, მაგრამ იგი მაინც შუბლშეკრული მიდიოდა, ფიქრი მძიმედ დასწოლოდა გულზე...

ლეკო მალიმალ შედგებოდა, შეჰყურებდა ცას და სახე მოედრებლებოდა — არ მოსწონდა ამინდი.

— დღეს თუ ღურბელი გაჩნდა, ცუდად იქნების ჩვენი საქმე: ქარი ამოვარდება, თოვლი ახალია, ბუქვს აიტანს და... გზა-კვალი აირევის!... — ამბობდა იგი მდურვით.

მუსა გულს არ იტეხდა, აიმედებდა ლეკოს:

— აგერ, გახედე არწივის!.. ისიც სულიერია, გული აქვს, სისხლი უდგას, ჩვენებრ სუნთქავს... იმას მხრები აქვს, ჩვენ ფეხები, გონება მეტად გვიჭრის... ის ლაღად დადის, ჩვენც ვიაროთ, ძმაო ლეკო!.. ესეც ბრძოლაა, იგივე ბრძოლა!..

ლეკოს გაღესილი მახვილივით ხედებოდა მუსას ნათქვამი: „ძმაო ლეკო“, — ენას კბილს ადგამდა. „რალა ძმობა ამოიჩემ?“ — ფიქრობდა ჯალბაური, და შუბლშეკრული, მუხლებით მიანგრევდა თოვლს.

მუსა განაგრძობდა:

— სიცივეს და ქარბუქვს ვინ შეუშინდება!.. რამდენჯერ შემხვედრია ცუდი ამინდი ჭაუხებში: თავათ მთიელი ვარ, ჩემი აული ასის ხეობის ფიწალო ფერდზეა მიკრული შევარდნის ბუდესავით. (იქაა ახლა მუსას მეუღლე, მუსას ზეზიკი!..) თავზე კი დარაჯივით დასდგომია „ტერდის მაღალი“... აქედან არც ისე შორსაა, იქ ძალიან ბევრი ჯიხვი იცის. ხშირად დავდიოდი სანადიროდ. ზამთარში, — ჯიხვის მოკვლა ზამთარშია კარგი, — უფრო მსუქანია, ხორციც შეინახების... ბევრჯერ შემხვედა ცუდი ამინდი, მაგრამ მუხბურთ მოხუცებისთვის ჯიხვის ხორცი მიმირთმევია ვახშამზე. ერთხელ კი... მართლაც აღქაჯებმა გვიმუხბოლეს და უბედურება დაგვატეხეს თავზე მონადირეთ... —

ლეკოს არ ეამებოდა მუსას ზმა, იღუმლად უჭკრეტდა ცისნაპირთ: ძნეს შუქი გამოესხივა, აღმოსავლეთიდან შოფში დაძრულიყო, გუნდ-გუნდად შეკრული ღურბლები მზის სხივებს წითლად შეეღება. წითელი ჩაჩქნები დაეხურათ მთებსაც და იდგნენ უზარმაზარ გოლიათებივით, ცივნი, მიუკარებლნი, თითქოს საბრძოლველად გამზადილან და მტრის მძლავრ რაზმებს ელოდებიანო. მთის უბეზე მოცეკვავე ნიავი მიჰქროდა ბარისკენ და თოვლის სუფთა ფიფქს ოდნავ აცილებდა დედამიწას, დილის ჟამს დაცვნილ მსუბუქ ფარტენებს ათამაშებდა სივრცეში...

... — დილით აღრე ავდექით, — განაგრძობდა მუსა, — მე და ჩემი ამხანაგი სოფლის ბოლოს შეგვხვდით ერთიმეორეს და პირი სანადირო ჭაუხებისკენ ვიბრუნეთ.

... „იქ ბევრი ჯიხვები იცის“... მეუბნებოდა ამხანაგი და ნადირთ ღმერთს დახმარებას სთხოვდა.

...იანვრის მიწურული იყო, საკმაოდ ციოდა, მაგრამ ნადირობა მაინც არ დავიშალეთ, ჩქარი ნაბიჯით შევჰყევით სანადიროსკენ მიმავალ ბილიკს. შუადღე იქნებოდა. ჯიხვებს წავაწყდით — საძოვრიდან ბრუნდებო-

დნენ სიმაგროსკენ, სადაც ისინი უშიშრად ისვენებდნენ: ნელის ნაბიჯით მოსდევდნენ ფხაგორს და მანძილა ჯიხვები ლაღობდნენ—რქებით სცემდნენ ერთიმეორეს, ჩივანაობდნენ. შუნები კი ჩვეულებრივი სიფროთხილით იცქირებოდნენ აქეთ-იქით, ხანდისხან შედგებოდნენ და ცხვართ უსტვენდნენ, ფეხით სცემდნენ კლდეს. ჯიხვების რქების ჯახუნი აკროთობდა მათ გულს, თუ ჩვენი მიახლოება იგრძნეს, არ ვიცი, ხოლო ეს კია, რომ იმათ დაგვიფროთხვეს ჯიხვები: ჩაუსატრდით თუ არა, მაშინვე დაიწყებენ, ნიავის სუნი დაიყარეს და გაფროთხვენენ... ვესროდით ხარჯიხვებს... რქებით ეცემოდნენ კლდის მკერდზე და ქვიშას ღებავდნენ სისხლით... რამდენი მოვკალით!.. მოვაგროვეთ ერთად, წყრომით მოგვიერებოდნენ მათი გაცივებული ლურჯი თვალები, რომლებიც სულ ცოტახნის წინათ ჩააქრო ჩვენმა ნასროლმა ტყვიამ და მეჩვენებოდა, რომ ისინი საწყევარს გვეუბნებოდნენ... (იმითაც დაგვატყდა უბედურება!..) დიად, ვაგროვებდით მოკლულ ჯიხვებს, ძმაო ლეკო, და სიბნელეც თან მოგვდევდა შავი მხრებით, თითქოს ყორანი ფარფატობსო ჯიხვების სისხლზე... ჯერ კიდევ მზის დაბრძანების ჟამს ამოვარდა ქარბუქვი და ტყვიასავით გადიოდა ტანისამოსში — კანს წვადა... გვციოდა, ძმებო, მაგრად გვციოდა, მაგრამ ალახს გეფიცებით, ისე ვიყავი, თითქოს ახლა გამოსულაო ოთახიდან, სადაც ჩემი გული, ჩემი საყვარელი ცოლი ზეზიკი ზის გახურებული ბუხრის გვერდით და ფიქრობს მუსაზე... ქარი ქროდა, საშინლად ქროდა, გარემო ბნელდებოდა... ჩვენ ვრჩებოდით ჭაუხებში უპუროდ, უცეცხლოდ... კარგა ხანს ვიდექით ერთ ადგილზე, ვაშკაცურად ვხვდებოდით სიცივეს, ვიგონებდით მამაც მტერს და ლამაზ ქალებს. შემდეგ ქარაფებს ჩაყყვივით გზააბნეულები, დაღლილები, მომშეულები და ცოტახნის შემდეგ ერთიმეორეც დავკარგეთ... მხოლოდ თოფის ხმით ვსაუბრობდით, მაგრამ შეხვედრა გვიძნელდებოდა. კვენხით არ ვიტყვი, ძმაო სერგო, სიცივის ატანა შემეძლო, ღამესაც ვჭკრეტდი... მაშინ არცერთი ჭრილობა არ მქონდა მიღებული, ახლა კი... თეთრებმა ძაუვის ბოლოს ორი ტყვია შემომთავაზეს, სიცივეში ფეხს მხუთავს. მიმძიმდება, თითქოს ქვა მაქვსო დაკიდებული... ჰო, იმას მოგახსენებდით, ძმობილებო, სიცივის ატანა შემეძლო-მეთქი... ჩქარის ნაბიჯით მივიდიოდი შინისკენ... ვახშობამდინ მესმოდა ამხანაგის თოფის ხმა, მეც ვპასუხობდი, როგორც ეტყობოდა, ისიც შინისკენ მიდიოდა, მაგრამ გზა დაებნა, სხვა ხეობაზე გადავარდა...

— მე მგონია, არც ახლა დაგვადგება კარგი დღე!.. — შეეცილა სტყვაში ლეკო და მუსასა და სერგოს მაღალ მთის მწვერვალზე მიუთითა: ფხა გორს ძაბად გაჰბოდა ჰაერში შეტოტავებული ბუქვი, თითქოს ყალიონს ეწევაო მთა. — ის კა ლიშან არ ას, სერგო, ქარ-ბუქვი ამოვარდების... ვიჩქაროთ!.

— თანახმა ვარ, შემძლია ნაბიჯს მოვუჩქარო. — უპასუხა სერგომ,

— კეთილი! — სთქვა მუსამ, — იქნება გგონიათ, მე ვერ შევძლებ!.. ფეხი რომ მომჭრან, ამ მთას ტოტებით გადავივლი დღეს. თუმცა... საგრძობლად დამიწყო ტკივილი ფეხმა: ეს ოხერი სულ ახალი ჭრილობაა...

— ამბავი განაგრძე... რა დაგემართათ სანადიროში? — იკითხა სერგომ.

— დიალ... — განაგრძო მუსამ, — ამხანაგისთვის შეველა არ შემეძლო... მთელი ღამე ვიარებოდი, არ დაემჯდარვარ, შემცივდა, ძალიან შემცივდა, ძმავ სერგო, ყველაფერი გაყინული შექონდა... ქარი და სიცივე უფრო ძლიერდებოდა. გავკიოდი, ვბტოდი, ხელფეხს ვამოძრავებდი... საშველი არაფერი იყო... ენა დამება, ხელები მომიდუნდა, ფეხები აღარ მემორჩილებოდა, წაქცევას ცაპირებდი, დავეცემოდი კიდეც, მაგრამ.. უცბად ძაღლის ყეფა შემომესმა!.. ჩემი ძაღლი ყეფდა, ჩემი ბროლია!.. ყეფდა საშინლად... კი არ ყეფდა, კენესოდა, ღმუოდა, წკმუტუნებდა, ძაღლის ხმის გაგონებამ იმედი მომცა, ძალა მომემატა, გავიარე რამდენიმე მანძილი, თავს ძალა დავატანე, ენა ამოვიდგი და ძაღლს დავუძახე... საშინლად დაიწკმუტუნა: მიხვდა, გაიგონა, უეჭველად მიხვდა ჩემს გაჭირვებას: მეჩვენებოდა: იგი კბილით ღრღნიდა, ჩემი ხელით ჩადებულ რკინის ჯაჭვს, მაგრად რომ მივაბი ქოხის კარზე ყარაულად... ღმუოდა, წკმუტუნებდა, ჩემმა ძმებმაც გაიღვიძეს... როდესაც ადამიანი დავინახე, შევრცხვი... უგრძობლად დავეცი ძირს. გონს რომ მოვედი, თოვლში ვიწექი: ჩემს ძმებს დაეხვასტათ მკლავები და მზელდნენ თოვლით... ჩემი მეუღლე დამდგომოდა თავზე და მის შავ თვალეში ცრემლის ზღვა დავინახე და ცეცხლი!.. იმ ცეცხლმა გამათბო და ავიწიე!.. ფეხზე კი წამოვდექი, მაგრამ კვლავ დავეცი... ყველაფერი მტკიოდა... ალახს ვფიცავ, არ დამიკენესია... ჩემს კენესას ჩემს ლამაზ ზეზიკს როგორ გავაგონებდი: დამტოვებდა, სხვას შეირთავდა, შამაცი ვაშკაცი რამდენია დაღესტანში...

ქარმა ჩამოუქროლა, მგზავრებს ფიფქი შეაშალა სახეში და ჭაუხების უბეებში ჰპოვა თავშესაფარი. მუსა დაღუმდა, უხმოდ გადადგა რამდენიმე წაბიჯი, ფითქოს სათქმელი აღარაფერი აქვსო, სერგომ წაუმხრისულა და წაღვლიანად ჰკითხა:

— შენ ამხანაგს რაღა დაემართა სანადიროში?!

— დიალ... გამეღვიძა და ჩემი ზეზიკის თვალეები დამეპკურნენ უებარ წამლად... გამოვცოცხლდი... ქარი კვლავ ქროდა, კიოდა მუცელმოწყვეტილ დედაკაცივით... გეგონებოდათ, ქვეყანას ალქაჯები დაეუფლნენო. ჩსმოდა: წკმუტუნი, კენესა, კივილი და ღმუილი, საშინელი ღმუილი თითქოს დედამიწა დაუჭრია ვილაცას და სულთ ებრძვისო... გვეშინოდა. მთელი აული შიშით კანკალებდა. ამინდის სიტუდეს ჩვენ გვაბრალებდნენ:

— ნადიროთ ღმერთ. შემოსწყრომი!..

— ალქაჯების ოჯახი დაუთოფიან!..

ლაპარაკი რომ შეეძელი, ყველაფერი უამბე...

სოფელში ხმა გატყდა: ბექსოლდი დაკარგულაო.

ქალები ატირდნენ... ლამაზი ქალები...

შამაკაცებს სიტყვა გაუშრაბ პირზე. ფიქრს მიეცა ყველა.

კარგი ვაშკაცი იყო ბექსოლდი:

ჯიშიანი!

მამაცი!..

კარგი მსროლელი!..

ამხანაგის გამტანი.

კლდეში ისე დადიოდა, როგორც კატა კერაზე!..

იმწუთშივე მოგროვდნენ ვაშკაცები, მკითხეს გზაჯვალი და სანადიროში წავიდნენ ბექსოლდის მოსაძებნად.

ვიწექი ლოვინში, ჩემი ცოლი მივლიდა, ჩემი ზეზიკი. მისი თეთრი ხელები მალამოსავით მხვდებოდნენ დამზრალ ტანზე, მისი შავი თვალები შარბათივით მიღვრიდნენ სილაღეს გულში, კოცნა იყო ტკბილი, შაქარზე ტკბილი... (ნეტავ ახლა რას აკეთებს ჩემი ზეზიკი!..) ვიწექი მეთქი, გული მიდნებოდა, ხელფეხი მტკიოდა, ყველაფერი დამზრალი მქონდა, ძმობილო სერგო, მეორე დღეს...

მუსამ სათქმელო ველარ დაამთავრა: ჭაუხებიდან ჩამონაჭროლმა ნიავმა თოქელში გახვია იგი.

მგზავრები შედგნენ...

ლევომ მწყრალად შეხედა ცას, შავი ღრუბელი ზღვის ტალღებივით რომ აეზვირთა მკერდზე, და ჯალაბაურმა ნაღვლიანად უთხრა სერგოს:

— ცუდი ამინდი დგება, მოგვატყუა დილამ...

— გულს ნუ გავიტეხთ!.. გვანსოვდეს: ერთი დღით დაგვიანება ავნებს ჩვენს საქმეს... სახუმროდ ხომ არ მივდივართ, ლევო, საქართველოში...

— ალახის მადლს ვფიცავ, ნამქერის მაგიერ ცეცხლის-მფრქვეველი ვეშაპები რომ გაწვინენ გადასასველზე, ზედ გადავხტები!.. — იამაყა მუსამ.

— ეხ, ქისტო!.. ნეტამც არ იყავთ სუბუქი!.. ლევოს თქვენთვის ეშინია, თქვენი დაღუბა არ სურს, თორემ... აქ გაიზარდა ლევო, ტიალ მთებში... ოცდაათი წელიწადი უქვრიტა ამ გორებს.

— ვიაროთ! — თქვა მუსამ და თავის სასაუბრო განაგრძო: — ბევრი თურმე ეწვალნენ ახალგაზრდები. ბოლოს ნამქერზე სისხლის წვეთები შეემჩნიათ, მიპყლოდნენ კვალს და მალალ ქარაფს გადასდგომოდნენ თავზე... იგი კლდეზე გადავარდნილიყო!.. საკაცით ჩამოიტანეს ტანდაფეთილი...

ჩვენი მოლა ამბობდა:

— შესცოდვეთ ჩადირთ ღმერთს... ალახის თხოვნით მოევლინა უბედურება...

გული არ გამტეხია: ხშირად ვნადირობდი ჯიხვებზე, ახლა კი... მხოლოდ თეთრებზე, თეთრებზე ვნადირობ... — ჩაიცინა მუსამ.

არავინ გამოხმაურებია...

ქარი სისინებდა, დავლურს უვლიდა მგზავრების გარშემო; იღებდა ნამქერს, ასიგირგალავებდა — ატრიალებდა ირგვლივ, ტანზე ახვევდა მგზავრებს. ხანდიხან აცდებოდა დედამიწას, ჰაერში შეტოტავდებოდა დამფრთხალ ცხენივით ფათარაშლილი და შემდეგ სივრცეში გაიჭრებოდა... დაეხეტებოდა გზადანუული კაცივით. ღმუოდა, წკმუტუნებდა და სადმე უღრანში გადაიღრჩვებოდა...

ქარისაღებულთ ფიფქი თოვლით დაბნელდა გარემო; უდაბურში ამოვარდნილ გრიგალს ჰგავდა გორგურებიდან დაძრული ნამქერი. გადასასვლელ მთაზე ელდელდად გამოჩნდებოდა ლემადე, პირაქეთისკენ გამოშლიდა ფრთეთ, შუბით დაკოდილ ვეშაპივით ამოიშქუნებდა, სიმწარით გადმოანთხევდა ქარბუქეს და შეყვარებულვივით ჩაეხუტებოდა პირიქითელ ფორის ყელებს. ერთხანს გატვრინდებოდა, თითქოს ახალ ძალას იკრეფსო და კვლავ აოხდებოდა. ქარი ირგვლივ ატრიალებდა მგზავრებს და წინსვლას უშლიდა. გამწარებული მუსა მალიმალ წამოიკივლებდა, შეტოტავდებოდა, ნამქერს გადაახტებოდა წინ და ლეკოს-თოვლის გაკვალვას ეცილებოდა. თავთ მიიკვლევდა გზას, აკვირდებოდნენ მას და ამჩნევდნენ: რაც მანძილის გავლა მატულობდა, მუსას მარჯვენა ფეხი უმძიმდებოდა, აკოჭლებდა, ახალი ნატყვიარი ჰქონდა განაკურნი, მაგრამ ქისტით თავისას არ იშლიდა, მიდიოდა წინ.

— ჩვენი გადასვლა ქირს!.. — თქვა ჩაფიქრებულმა ლეკომ.

— რატომ?! — გაიოცა მუსამ.

— ღურბელი მატულობს, ქარი ძლიერდება, რამდენიც მაღლა მივიღვართ, იმდენიც მკაცრდების ამინდი. ქარი შუადღის შემდეგ უფრო გაძლიერდების.

— მიზანი ერთია: გადავლახოთ მთა!.. ავუღიანებდა სერგო. იგი იღუმლად გადაყვალავდა თანამგზავრებს წინ, შეეცილებოდა თოვლის კვალვაში. ლეკო აბუზღუნდებოდა, წაეჯიბრებოდა სერგოს და თავთ გაუკვალავდა თოვლს.

მგზავრები იღლებოდნენ... ქარი კი:

ქროდა!..

ქროდა!..

ქროდა განუწყვეტლად, ძლიერდებოდა, ხარხარით ჩაუვლიდა უღრანებს, საღდაც შორს გადაიმსხვრეოდა ქარაფებზე და აკივლდებოდა... დგანგარებდა მიდამო. ლემადე შქუნავდა. ქარი ეჯახებოდა მთათ, თითქოს დევკაცები აპირებნო მთების გადადნობას და საბერველი მიუდგესო მათ. შქუნავდა ლემადე, ღრუბელი ბორჟირობდა, ეჯახებოდა ერთიმეორეს და ბოროტად ანთხევდა სუსხიან ქარბუქს. გზა ებნეოდათ მგზავრებს. მთაგორები წამით გამოჩნდებოდნენ, ფიწალო ფერდები უთამთამებდათ, ვაკესავით მოჩანდნენ არილში...

მგზავრები მაინც არ იშლიდნენ წინსვლას.

მუსა ამბობდა:

— ეს სულ ალქაჯების ბრალია, ძმაო ლეკო, ცოტაც მოვბთმინოთ, დავეწვიე მათ მთაზე, მოვსტაცებ პატარძალს და ჩაეუშლი ქაჯურ ცეკვას... ვიქორწინებ ოქროსთმიან ალქაჯზე, დავიხვევ მის თმებს მკლავებზე და გაგიძღვებით წინ... ალქაჯებს მაყრად გავიყოლებ, ლხინს შევაჩერებ და ქარბუქვი ჩადგება, ღრუბელი გადაივლის მწვერვალებს, გასცდება კავკასიონს და შორს, დასავლეთის მხარეს გაიფანტება ნისლეტში. ცაზე არწივები გამოჩნდებიან, სადმე შურთხები დაუსტვენენ, ახლა რომ გაჩერებულა, ჯიხვები საძოვარზე გამოიშლებიან, წყარონი ვაშას შემოგ-



ვძახებენ. სულ ცოტა ხნის შემდეგ საქართველოს მიდამო გაგვიღიმებს და ჩვენ გამარჯვებულნი ვიქნებით...

ჰოი, ალქაჯებო!..

ჰოი, ალქაჯებო!..

ალქაჯებო!..

გაჰკიოდა მუსა სივრცეს.

ლევოს ცამდე აოცებდა მუსა: ქარში, თოვლის ბუქვს რომ აშლიდა სახეში, მიდიოდა ქისტი ფენმტკივანი, ამაყად მოიქნევდა ხელს, უღალ-მალალოს ლაპარაკობდა, უგემურად იცინოდა, ბურუსს კივილით კვეთდა და ქარს ატანდა ალქაჯების წყევლა-კრულვას, ხარხარებდა, მკაცრად ხარხარებდა მუსა, თითქოს დასცინისო ბუნებას.

თავათ ლევო ფრთხილად დაიარებოდა, ხელის გულის ოდენა ადგილსაც კი ზომავდა, უფრთხილდებოდა, — ფეხის დასადგმელს ეძებდა. ნახევარი ნაბიჯის გაუფრთხილებლად გადადგმაც კი დაღუპავდა მგზავრებს: ზვავად იქექებდა ჩამძიმებული თოვლი, ორსულ ქალის მუცელივით რომ დაჰკიდებოდა მთის ფერდებს. ასეთ ადგილებში იგი ამხანაგებს შეაყენებდა, თავათაც შედგებოდა, სუნთქვას შეინელებდა, არგნით მოსძებნიდა ბილიკს, ფრთხილად გაზომავდა ნაბიჯს და ნაფეხურში ფეხის დადგმას უბრძანებდა ამხანაგებს...

ასე ვიდოდნენ ისინი გრძელ სადილობამდე...

— წინ!..

ამბობდა სერგო, დინჯი, ზვიადი, და მისი ხმა ფრანგულივით ჰკვეთდა ბურუსს.

აყრუოლებდა ლევოს — მუხლებში ძალა ემატებოდა ჯალაბაურთ სიამაყეს.

მუსა იცინოდა და გასძახოდა სივრცეს:

ალქაჯებო!..

ჰოი, ალქაჯებო!..

იცეკვეთ, იცეკვეთ, საცაა მუხოური გესტუმრებათ!..

ლევოს გადასძახებდა: — ალახს ვფიცავ, ძმაო ლევო, პატარძალს მოვსტაცებ მაგ წყეულებს, ოქროსთმიან პატარძალს, ქაჯად ვიქცევი და ჩემი საკუთარი მხრებით გადაგაფრენთ შორს, შორს ტფილისისკენ...

„ეხ... ნეტამც გაჩუმდებოდე, ქისტო!.. ეგ ძმობა რალად აიკვიატე, შე წყეულო!.. მაუზერი მაინც არ გიჩანდეს, გვერდზე რომ მოგიგდია და მალიმალ ლევოს თვალების წინ რომ შეათამაშებ... მოკლულ გულს ნულარ უკლავ თანამგზავრს, დუსურბანო, დამალე, ცოტახანს მაინც დამალე და ხვალ ვნახოთ, რა მოხდების“...

— ძმაო ლევო, ქარბუქვისა არ გვეშინის, არა!.. — იძახის მუსა თოვლში ამოგანგლული.

ქრის ქარი და ჯაჭვებაწყვეტილი ლომებივით ღრიალებენ უღრანები. ნამქერს ანთხევენ — შუადღე უკუნეთად ხდება...

გრივალის დაეცემა მგზავრებს, დაიფანტებიან...

სად არის მუსა?..

სად გაქრა ჯალაბაური?..

სერგო რად დარჩა მარტოკა?..

ქრის ქარი!..

ქარი ქრის და ჯაჭვებაწყვეტილი ლომებივით ღრიალებენ უღრანები...

— ყმაწვილებო!..

იძახის სერგო და მისი ხმა ქარს მასურად მიჰყვება ჭაუხებისკენ.

— ჰაუ!..

ისმის ხმა სიღრმიდან, თითქოს უღრანი იძლეოდეს პასუხს.

დგას სერგო და მდუმარედ ელოდება ძმობილებს.

ქარი ქრის. ჯაჭვებაწყვეტილი ლომებივით ღრიალებენ უღრანები...

უკუნეთს თოფის სროლა ჰკვეთს!..

ერთი!..

ორი!..

სალ კლდესავით დგას სერგო, ქარბუქვი უთამაშებს გარშემო, მთა-გორები დახელებულ დევებივით დაღმუიან თავზე, აზვირთებულ ღრუბელთ მწვერვალები ეჯახებიან... დგას იგი დინჯი, ზვიადი და ჰაერში ფრიალებენ მისი რუხი მაზარის კალთები ვით ფრთენი არწივისა!.. ხახადაღებულ ნაპრალს დასცქერის ზემოდან და:

— ჰეი, ყმაწვილებო!.. — იძახის იგი დინჯად.

— ჰაუ!..

პასუხობს ვიღაც.

ლეკოა თუ მუსა?!.

კვლავ სროლა:

ერთი!..

ორი!..

სალ კლდესავით დგას სერგო, ქარბუქვი უთამაშებს. გარშემო, მთა-გორები სისხლითდახელებულ დევებივით დაღმუიან თავზე, აზვირთებულ ღრუბელთ მწვერვალები ეჯახებიან...

დგას იგი დინჯი, ზვიადი და ჰაერში ფრიალებენ მისი რუხი მაზარის კალთები, ვით ფრთენი არწივისა. ხახადაღებულ ნაპრალს დასცქერის ზემოდან და ქარს ამოაქვს უღრანიდან ადამიანის მიბნედილი ხმა...

ლეკოა თუ მუსა?!.

ბურუსში ლანდებს ამჩნევს — ორი ვაჟკაცი ტოტებით დაჰკიდებია ფიწალო კლდეს...

— მუსა!..

— ჰაუ!..

— ბიჭო, სად დაიკარგე, შე წყეულო?!.

— აღქაჯს გამოვეკიდე, ძმობილო სერგო!..

— ეგ რაღა ამბავია?!. ლეკოს რა მოსვლია შუბლზე?!.

— განწარებულმა აღქაჯმა გაჰკრა კაწარი!..

— ბიჭო, ლეკო!..

— ავსხლტით და უღრანში დავცურდით!..

— სროლა რაღა იყო?!

— ხმას გაძღვედით, ძმაო სერგო!.. — პასუხობს მუსა.

სირცხვილის ალში იწვება ჯალაბაური: — სრუ მუსას ბრალია, ძმაო სერგო: ცეკვავს!.. ფეხი აუსხლტა, მოვეხმარე, მაგრამ ქარმა გვძლია და უღრანს მიგვცა...

— მაშ ახლა?!

— ვიაროთ!..

— ვერაფერს ვამჩნევ: წინ სივრცე ქრება!.. — ამბობს სერგო და უკუნეთს უჭკრეტს. მიდამო დგანდგარებს, უჩვეულო გუგუნი შეუჯდება მთებს...

— ზეავი!..

იძახის ლეკო.

გრიალი ძლიერდება. შემკრთალ ხეებს პირი დაუღიათ და თოვლის საბურველწამოსხმულები გატვრინულან.

მგზავრები შემდგარან ქარაფის ძირში: ზეავს ელოდებიან!..

სამი ვაჟკაცი მისჩერებია ერთიმეორეს!..

შიში რა საკადრისია ვაჟკაცების.

სერგოს უხარიან:

შამაცნი არიან მთიელნი!..

მთები გრიალებენ.

ზეავი ახლოვდება!..

ირგვლივ უკუნეთი წვება, შავი, საზარელი!..

— ფეხი არ მოიცვალოთ!..

იძლევა განკარგულებას სერგო.

უცნაური ძალა მოაწყდა ბურუსიან არეს, ბუქვი გამკაცრდა.

— მწვერვალნი!.. — კივილით წამოიძახა ლეკომ. მისი ხმა საშინელმა გრიალმა შთანთქა. გაქრა ყველაფერი... მიდამო გაუჩინარდა... მხოლოდ მთაგორები გრიალეზდნენ, ახველებდნენ უღრანები...

ზეავის ხმამ გრიალით ჩაუარა მთაგორებს და სადღაც მინელდა, მისწყდა. ნელად ეცემოდა ზეავის ნაბუქვი კლდის ძირში შეხიზნულ მგზავრებს, პირქვე რომ დაზღეპილიყვნენ თოვლზე...

სამი ვაჟკაცი წამოდგა ფეხზე: უცინოდნენ ერთიმეორეს!..

— შიში რა საკადრისია, ვაჟკაცებო!..

სერგოს უხარიან:

შამაცნი არიან მთიელნი!..

ზეავმა მეხივით გადაუარა თავზე და არცერთს ფერი არ შესცვლია!..

— კლდემ გვიხოიშნა, ძმაო სერგო!.. — წამოიძახა გახარებულმა ლეკომ და ზეავის შესლილი თოვლი ჩამოიწმინდა სახედან.

— კლდეს კლდე მფარველობს!.. — იცინის მუსა.

— ბუნებაც ომს გვიცხადებს, ვაჟაკებო!.. — ეხუშრება სერგო თანამგზავრთ.

— ვაჟაკისთვის ყველგან ომია!.. — ხატუცობს ქისტო.  
იციინან...

ზვავის უკანასკნელმა კორკომიკამ გადაურბინა წინ, აგორდა ნაზვავზე და ხევეს მისცა თავი. ძმობილებმა გზა განაგრძეს და მუსამ სივრცეს გაჰკვივლა:

აღქაჯებო!..

აღქაჯებო!..

ჰოი აღქაჯებო!.. დედას ვიტირებთ მუხოური!..

კოჭლობდა მუსა — ნატყვიარს ცეცხლი ეკიდებოდა ყიომან სიცივეში...

ლეკო იღუმლად უჭვრეტდა ქისტს და დანანების სურვილი ღვივდებოდა მის გულში...

უცბად არწივის ყივილი მოიტანა ქარმა... დამფრთხალი შურთხების გუნდმა გადაუარა თავზე მგზავრებს. მათი გულამოწყვეტილი გნასო შემზარავი იყო ბურუსიან უკუნეთში, შურთხები დამარცხებულ ჯარივით ირეოდნენ, ჭყიოდნენ, მშიერი არწივი მოსდევდათ უკან.

არწივი ძლიერი მხრებით ჰკვეთდა ქარს და მისი თბებოლონი უცნაურად წიოდნენ...

„ჰოი, არწივო!..“

რა დიდია შენი სიძლიერე!..

მხოლოდ შენ შეგიძლია ლაღად ფრენა ასეთ ქარბუქვიან უკუნეთში!..“ — მუსას თვალები ნაღვლიანად გაჰყვა უკან არწივის დაგრუშვილ ფრთეთ...

ლეკო კი... გზას ეძებდა ჯალბაურთ ვაჟაკი და ველარ გაეცნო სავალი... იწვოდა სირცხვილით...

— სად მივდივართ, ძმაო ლეკო?!..

— ეშმაკმა იცის!..

— იქნებ გადასასვლელში ვართ?!..

— შეიძლება... ჰაერის მოძრაობა იცვალა: გამკაცრდა! — ნაწყენი კილოთი თქვა ლეკომ, დასწვდა თოვლს, მტკიცედ შეკრა ხელში და დააგორა...

ორი ნაბიჯის შემდეგ გაჩერდა გუნდა.

— ვაკეა! — წამოიძახა მუსამ.

— მე მგონია ამოსასვლელზე ამოვედით!.. — თქვა სერგომ და ლეკოს წაუხმრისულა. — აჩქარებით საქმეს წავახდენთ, დაკვირვება გმართებს! — უთხრა დინჯად მეგზურს...

ქროდა ქარი და მგზავრებს ირგვლივ ატრიალებდა, ქარბუქვში ხვევდა, გზას უბნევდა...

გამწარებული მუსა სივრცეს აფურთხებდა და ჩახლჩილი ხმით იძახოდა:

— ქაუხების კუჭულაზე შემჯდარა წყეული მოხუცი ქაჯი, ძმაო ლეკო, და ბრძანებლობს!

ჩქარა!..

ჩქარა!..

ჩქარა!.. ალქაჯებო, წვრილნო და დიაც-ყმაწვილნო!..

ქროდეთ!..

ქროდეთ!..

ქროდეთ!..

ქროდეს ქარი!..

ძრწოდეს მიდამო!..

ფუ!.. დაგწყევლოთ ალახმა!.. იხარხარეთ ალქაჯებო, იხარხარეთ, მაგრამ... მუხროურთ ყმაწვილს არ ეშინიან, არა!.. მოიტაცებს თქვენს ოქროს-თმიან პატარძალს და მერე, იცეკვეთ, წყეულებო...

სერგო და ლეკო იცინოდნენ და ვიოდნენ ბურუსში.

## თავი მეშვიდე

ბინდი დააწვა მთებს. ნისლები გაჩნდნენ არაგვის ხეობაში.

ვიწრო ხეობას ნაკვალევი მისდევდა და მგზავრთა ნათესურები თოვლითდაბურვილ უღრანებში იკარგებოდნენ. შორს, გორების ბოლოს მარტოდმარტო კაცი ძლივს მიბობლავდა თოვლზე. ხან ჩაიჩოქებდა; ხან წამოდგებოდა, ღონეს მოიკრეფდა და კვლავ განაგრძობდა სვლას...

გარემო ბნელდებოდა, იბურებოდა, დაოსებული ქარი ნელად დათარეშობდა მთის ფერდობზე, აქაიქ ბუქვი დგებოდა ყალყზე და ჰაერში იფანტებოდა, გაღმა-გამოღმა ხეებზე ზვავები გრიალებდნენ და ხახადალებულ ხეებს ავსებდნენ თოვლით. ხანდისხან ზვავი მარტოდდარჩენილ მგზავრის წინ ჩამოწვებოდა, ვიწრო ხეობაში გზას გადაუკეტავდა თოვლის მთით... ის მაინც მიდიოდა შეუკრთომლად წინ, მაგრამ ღონე-გამოღლეული, თოვლის კვალივით დაოსებული... შორს, გორების ბოლოს ცეცხლის სინათლეები აციმციმდნენ ახლადჩამოწოლილ მწუხარში. მგზავრს იმედი მიეცა... წინ!.. იქ უნდა მივიდეს!..

ქვედა ბაგეს იკბინა: თავს გაუწყრა, მკერდით გაანგრია თოვლის ნამქერი...

— ბოლშევიზმისთვის!.. — თქვა მან, მარტომ, თავისთვის საკუთარ გულში და მისმა თვალების ელვარებამ დაფლითა უკუნეთი...

შორს სინათლე მოსჩანდა... ძალღი ყეფდა...

მგზავრი მიდიოდა წინ!.. თავს უწყრებოდა, ღონეს იკრეფდა, მაგრამ გულს და გონებას მუხლები ღალატობდნენ: თოვლის სიღრმე სძლედა: წელამდე ეფლობოდა. ხანდახან შედგებოდა, დაცურდებოდა გორის ფერდებზე, ისვენებდა და ისევ განაგრძობდა გზას.

სინათლე ახლოვდებოდა... კვამლის სუნი მოჰქონდა საღამოს ნიაეს...

მგზავრი მიდიოდა წინ!..

გრძელ ვახშობის ეამს შედგა იგი ხევსურის ქოხის წინ, გაფითრებული, დაღლილი, დაოსებული, უცხო—უცხოს კარზე... ძალღი უტევდა ღონეგამოღლეულს, მაგრამ მოგერიება აღარ შეეძლო...

ხახმატელი ხევსური, ხახონაური დინჯად გადმოდგა ქერხოს კარზე და მკაცრად იკითხა:

— ვინ ას?!

— სტუმარი!..

— სტუმარ ღვთისა იას!.. — ჩაილაპარაკა ხევსურმა და ნელის ნახივით მიუახლოვდა მგზავრს.

— სადაური იქნები?!

— ეგ სულერთია... მასპინძელი მჭირდება...

— მასპინძლად მიგულვდები!.. — დაიძახა ხევსურმა და ბოძივით შეუჯდა მხარს, ქოხში შეიყვანა... ოჯახი დამხიარულდა. ცეცხლი აგიზგიზდა კერაზე. ნაცარშიმოსვრილი ბავშვები გაოცებით შესცქეროდნენ უცხო სტუმარს, ხოლო დედაკაცები მორცხვობდნენ: ქოხი ღარიბობდა...

სტუმარი იჯდა სამამაცოს სკამზე, დიდგუდანურში გახვეული და ჩაფიქრებული მოღუღლუნე ცეცხლს მისჩერებოდა...

— მაშ შენ ამბობ; გადარჩებიან?!.. — ჰკითხა მასპინძელს და თვალთვალს გაუსწორა.

ხევსური დინჯად შეირხა, ყალიონი ააბოლა, გვერდზე გადააფურთხა და ჩაფიქრებულად თქვა:

— ლეკო ყოჩალი ას, მაგრამ... ქისტს კი არ დაინდობს, სტუმარო!..

— ვითომ მაუზრისთვის კაცს მოჰკლავს?!.

— ჰაი, ჰაი!..

— მე კი არ მეგონა!.. — თქვა სტუმარმა და გაჩუმდა.

— ლეკო ეშმაკია: გზაც ამიტომ აურევია და შენ კი გგონია — ქარბუქეში დაებნაო!.. — თქვა მასპინძელმა და სწორედ, ამდროს ხმაური რამ გაისმა სოფლის ბოლოს: ყეფრები უყეფდნენ ვილაცას, ვილაც უყიოდა ვილაცას...

სტუმარი შეკრთა: სახის იერი შეეცვალა, გარეთ გავარდნილ მასპინძელს გააყოლა თვალები და თავადაც ფეხზე წამოდგა... დააყურა:

— ვინ ას!.. — დაიღრინა კარზე გადამდგარმა მასპინძელმა.

— უცხო!.. მასპინძელს დაეძებს!.. — იყო პასუხი.

— აქ გამოიარე, აქ!..

შემდეგ ხმაური რამ ისმოდა ბოსლის კარზე. უცბად ლეკო შემოვიდა ქოხში, თოვლშიმოგანგლული, სიცივისგან გაკრიახებული ტანისამოსით, ფერი შესცვლოდა, მძიმედ სუნთქავდა, მუხლები ეკეცებოდა...

დამხვედური სტუმრის მკაცრი თვალები უმაღლეს ლეკოს ტანზე ნაკიდ მუსას მაუზერს და თოფ-იარაღს მოხვდა... წამოდგა ოგი ცივად, მივიდა ლეკოსთან და თვალებში მიაშტერდა...

ორივე შეაკრთო ერთი-მეორის სიცივემ...

— მუსა სად არის?!.. — ბრაზიანად იკითხა სტუმარმა და მაგრად ჩაჰკიდა ხელი მაუზრის საკიდს.

ლეკოს ხმა არ ამოუღია, თითქოს გზა არ აქვსო, იდგა ცივად, შეუხლართავი...

— სად არის მუსა?!!

უფრო ბრაზიანად შეუტია სტუმარმა და მაგრად შეანჯღრია ლეკო.  
ცივი ბაგენი გახსნა ლეკომ. უნდელი ღიმილი შეუთამაშდა სახეზე.

— შენი ძმობილი ჩემიც ძმობილი ას!.. — თქვა მან და მოკვეთილივით დაეცა ძირს.

ამდროს კარები გაიღო და ბოსელში მუსა შემოვიდა კოჭლობით...  
ძმობილებმა ერთიმეორე გადაკოცნეს და თავის ჭირვარაში თქვეს...

\* \* \*

დიქას სამი ვაჟკაცის ნაკვალევი ვეფხთა ნახტომივით მისდევდა არა-  
გვის ხეობას. ხევსურეთში მიღმოდიოდა ამბავი: სერგო ორჯონიკიძეს  
ჩაუვლიაო არაგვზე, და საიღუმლოს გულში იხუტებდნენ.

ხოლო ორი კვირის შემდეგ ხახმატელმა ხევსურმა ხახონაურმა ჭი-  
რით გადავლო მთა „ველკეთი“ და შატისს ამბავი მიუტანა ბაბო ჯა-  
ლაბაურს:

ლეკო მუსას გაეფიცაო ძმად და ქალაქს წავიდა. წავიდა.  
ჯალაბაურმა ყინხად ჩაიცინა გულში და ღიმილით თქვა:  
„გიხაროდეს, ტფილისო, არწივები გესტუმრებიან!“..

## ჩანჩქერები

ჩანჩქერებო, რად ხარხარებთ?  
რა გახარებთ ნეტავ ასე?  
ხევი ნებით გიღებთ კარებს,  
რად მიღიხართ შეტევაზე?

ენახე: თქვენი ბროლის ტანი  
ტყეში ფესვებს მკლავზე ეწვან,  
ახლა როგორ გაგიმეტათ  
ამ კლდეებზე დასაღწად?

თქვენ კი მაინც სულ ხარხარებთ  
და წინ მიხვალთ გამუდმებით;  
რატომ სტოვებთ მშრომელ მხარეს?  
მთებში როდის დაბრუნდებით?

გიყვართ წინსვლა, გიყვართ ბრძოლა,  
არ გედებათ ტანზე ხავსი;  
თქვენც იცით, რომ მოძრაობა  
არის ქვეყნის შინაარსი!

ჩანჩქერებო, რად ხარხარებთ,  
რა გახარებთ ნეტავ ასე?  
მე ცხოვრებას შეგადარეთ  
და ერთმანეთს დაგამსგავსეთ.

შეგინახავთ ტყე და მთები,  
სხივს დაგაფენთ მზე და მთვარე;  
თქვენ არასდროს დაბერდებით,  
მუდამ ასე იხარხარებთ!

მეც მწყურია თქვენი ხვედრი,  
სიხარული რომ გულს ერგოს;  
იხარხარეთ, იხარხარეთ,  
გაზაფხულის ჩონგურებო!



## ღ ა ი ბ ვ ი ა ნ ა

არჩილი მსუბუქი ნაბიჯით დაეშვა ყაზბეგის ქუჩის დაღმართზე. მიდი-  
ოდა მსუბუქად, ფართო მხრების თავისუფალი რხევით. ამწვანებულიყვნენ  
ქუჩის ორსავე მხარეს ჩამწკრივებული ხეები. მაჯის საათს დახედა. ფეხი  
აუჩქარა.

გუშინ ციალას აღუთქვა სრულ შვიდ საათზე კიროვის ბაღში, ჩოგ-  
ბურთის მოედანზე ვიქნებო. იჩქაროდა. ლექციების დაწყებამდე უნდა  
ევარჯიშნა, თორემ ახლოვდებოდა შეჯიბრების დღეები. კიდევ რამდენი-  
მე დღე და შეჯიბრების მონაწილენიც ჩამოვიდოდნენ.

არჩილი შევიდა ბაღის ფართო შესავალში.

ჩოგბურთის მოედანზე არავინ იყო. მტკვრისკენ წავიდა, გადახედა ქა-  
ლაქს. მდორედ მიიზღაზნებოდა მტკვარი. ხელისგულივით მოსჩანდა სა-  
ნაპირო ქუჩა, ვერის პარკი. ლამაზ ქუჩაზე მისრიალებდნენ მსუბუქი ავ-  
ტოები. გამოსულიყო რამდენიმე ველოსიპედისტიც.

არჩილი ბალახებში გაწვა. გაჰყურებდა ქალაქს, აგონდებოდა ძველი სა-  
ხე ქალაქისა, გონებაში ძველი სწრაფად იცვლებოდა ახლით. მოაგონდა  
ნაგვით საფეხ სანაპირო ქუჩა, ეს ადგილები, ძველი საფლავები და წარ-  
წერები. მახსიერებაში აღდგა რამდენიმე მნიშვნელოვანი ძველი. მეტრე  
უეცრად ციალაზე გადავიდა. ოთხი წელია ერთად არიან, ერთ კურსზე,  
ერთად მეცადინეობენ, ჩოგბურთს ერთად თამაშობენ. არჩილს ველარ წარ-  
მოუდგენია ყოფნა უციალოდ. ციალა მისთვის ისევე აუცილებელია, რო-  
გორც წყალი, მზე და ჰაერი.

ციალას? ვერ გაუგია არჩილს, თითქოს იმასაც უყვარს, სულ ერთად  
არიან. არჩილი გულაღმა გაწვა. აკაციის ჩირგვს ხელი გაუწია. ფოთლის  
ერთი ღერო წაწყვიტა, თითო ფოთოლს წყვეტდა, უხმოდ იმეორებდა:—  
ვუყვარვარ, არ ვუყვარვარ, ვუყვარვარ... არ ვუყვარვარ—შერჩა ბოლოს.  
გაბრაზდა, გადააგდო. არა, დღეს უსათუოდ ეტყვის. ან ჰო, ან არა! რად  
დაებმის ზოლმე ეს ოხერი ენა, როცა დაინახავს.

მოედნისკენ გაეშურა. ციალა მოსულიყო, სკამზე იჯდა. წითლად-  
მოყრილ აგურის ფხენილზე რაღაცას ხაზავდა. არჩილი ფეხაკრეფით მი-  
უახლოვდა. დაბალი ხმით წამოიძახა:

— ცილა! — იგრძნო, ხმა უკანკალებდა, შეჩერდა.

ცილა წამოხტა, ზღვისფერი თვალები შეანათა. წამით სიჩუმე ჩამოვარდა.

— მძინარა, სად იყავი ამდენხანს?

— მე? დიდი ხანია მოვედი.

— ჰუ, ერთი ამას დამიხედეთ. — მიახალა ცილამ, მხრებში ჩოვანი დაჰკრა. — აბა ჩქარა, დავიწყოთ.

შვლის მსუბუქი ნაბიჯით წავიდა მოედნისკენ. არჩილს თავბრუს ხვევდა მისი ცქერა. თითქოს განგებ გალამაზებულყო ცილა ამდღით. მხრებამდე ჩამოშვებული ხუჭუჭი შავი თმები, მარჯანივით წითელი ტუჩები, თავბრუს ახვევდნენ არჩილს.

დაიწყეს ვარჯიში. არჩილის თვალთახედვა ცილას დაეპყრო. დღეს მისთვის მეტი აღარაფერი არსებობდა. გონება ერთ აზრს უტრიალებდა: უნდა გაიგოს, უყვარს თუ არა ცილას. მისი თამაში უხეირო იყო და მოუხერხებელი. ცილას აბრაზებდა უთანასწორო პარტნიორი.

— არჩილ, რა დაგემართა შენ დღეს?

— მოიცადე, ცილა, ცოტა დავისვენოთ, — გაისმა არჩილის მავედრებელი ხმა. არჩილი მოედნის ნაპირისკენ წავიდა. ბალახში გაწვა. ჩოვანი გვერდზედ გადისროლა. ცილაც ნელი ნაბიჯით წავიდა მისკენ. ხელში ვარდი ეჭირა, ფურცლავდა, ცალხელში იგროვებდა. ცილაც დაღლილიყო, უცნაურად ებერებოდა პატარა ცხვირის თხელი ნესტოები. არჩილს მიუახლოვდა.

— რა დაგემართა, არჩილ?

არჩილმა ხმა არ გასცა. მხოლოდ მისი შავი თვალები უჩვეულო ცეცხლს აფრქვევდნენ. ცილამ უხერხულობა იგრძნო, თვალები, დახარა. მაგრამ არჩილის უცნაურ მზერას ვეღარ გაუძლო.

— არჩილ, თუ არ გინდა თამაში, მე წავალ.

— არა, — სწრაფად წამოიძახა არჩილმა, ზეზე წამოიჭრა. ცილასთან ძლიერ ახლოს მივიდა. თვალებში ჩახედა.

— იცი, ცილა, შენი წამწამები კაცს შეღებილი ეგონება.

— ხა! ხა! ხა! რა უხეირო რამა ხარ! — მიახალა ცილამ. ვარდის ფურცლები სახეში შეაყარა. არჩილი შეაკრთო ამ ხარხარმა. სწრაფად შეიკრა წარბები. ჩოვანს ხელი წამოავლო.

— წამოდი, ვივარჯიშოთ.

დამარცხდა. ცუდად დაიწყო. თავი მთლიანად ჩოგბურთის ვარჯიშს მისცა. თამაში მართლაც მშვენიერად დაამთავრა.

რამდენიმე დღეა შეჯიბრება ტარდება. იმარჯვებენ ცილა და არჩილი. არჩილს ახარებს ეს. ცილაც უფრო ახლობელი გახდა. ის კითხვა, უყვარს თუ არა ცილას, გამოურკვეველი დარჩა მისთვის. კვლავ გადიკითხა ყაზბეგი, ტურგენევიც, თითქოს შეისწავლა სიყვარულის გამოცხადების ყველა ხერხი, მაგრამ ცილასთან ამ საკითხზე დაწყებული ლაპარაკი კვლავ სასაცილო გამოუდის და უხეირო. აღარ იცის — რა ემართება, ლაპარაკი კარგად იცის, არც გონება აკლია. რაღა ცილასთან ებმის ენა,

უხშობა გონება. თანაც ციალა ძალზე დაუმეგობრდა შეჯიბრებაში ერთ მოსკოველ მონაწილეს. ამ ამბავმა სულ თავგზა დაუბნია არჩილს. რაღაც გაუტყვეველი მანძილი გაჩნდა მათ შორის. ზოგჯერ თითქოს ციალა ერიდება. როცა არჩილს უარით გამოისტუმრებენ და ეტყვიან: ციალა შინ არ არისო, არჩილს ეჩვენება, რომ ციალა სახლში იყო და დაემალა. ეს ამბავი აღელვებს არჩილს. ნუთუ ციალა ერიდება?

ახლა, მივა თუ არა ციალასთან, აუცილებლად ეტყვის, პირდაპირ ეტყვის, მორჩა და გათავდა. თავისივე გადაწყვეტილებამ გაახარა. შეჩერდა. განიერ გულმკერდით ღრმად ჩაისუნთქა ჰაერი. როგორ ეტყვის? მია. ხელზე ხელს მოჰკიდებს. ოდნავ მოუჭერს კიდევ და ეტყვის: „ციალა, უშენოდ სიცოცხლე არ შემიძლია“. თავისივე ხმამ შეაკრთო. შერცხვა. შიხედმოიხედა. არავინ იყო. თვალი ყვავილების მალაზიას შეასწრო, შეჩერდა, გაიღიმა. მალაზიას მიუახლოვდა. ყვავილები შეათვალიერა. ურიგო არ იქნება ლამაზი თაიგული გააკეთებინოს, თან წაიღოს. ციალას უყვარს ყვავილები.

— შემოიკნეთ თაიგული! — მიმართა არჩილმა ყვავილების გამყიდველს. ყვავილების გამყიდველმა მოხუცმა სათვალეებს ზემოდან გადმოხედა არჩილს, კეთილი სახე ღიმილმა გაუნათა: კითხვა შეაგება:

— როგორი ყვავილები გინდათ, ყმაწვილო?

— რაც შეიძლება, კარგი თაიგული იყოს.

— ყვავილებსაც თავისი მნიშვნელობა აქვს, ყმაწვილო. წითელი სიყვარულს ნიშნავს. თეთრი — სიძულვილს, ყვითელი — განშორებას. ყველაფერს თავისი აზრი და შინაარსი აქვს, — განაგრძობდა ნელნელა მოხუცი. აქა-იქ თაიგულებიდან ამოჰქონდა ყვავილი და ჰკრავდა მთლიან თაიგულს.

— ეგ მე არ ვიცოდი. მაშ, რაც შეიძლება, მეტი წითელი ყვავილები იყოს.

— ჰა! ჰა! ჰა! — კმაყოფილებით ჩაიხითხითა მოხუცმა. — ყვავილები თქვენი გულის სატრფოსთვის მიგაქვთ. მეც ვეცდები მშვენიერბ თაიგული გაგიკეთოთ. — შეკრული თაიგული მალა ასწია, შორიდან დაანახვა არჩილს. — აი, ამ თაიგულით კი უსათუოდ გაიმარჯვებთ.

— ვითომ? — თავისდაუნებურად წამოცდა არჩილს.

— ნუ გეფიქრებთ, ყმაწვილო. ისეთი ხელი მაქვს, ჩემი ვაკეთებულ თაიგული არ გაცდება. ინებეთ, გისურვებთ გამარჯვებას! — არჩილმა თაიგული ჩამოართვა, ფული გადასცა. შედგა, თავი თბილისის ქუჩებში წარმოიდგინა თაიგულით ხელში. უხერხულობა იგრძნო. ყვავილების გამყიდველს მიმართა:

— გამიხვიეთ ქალაღში.

— ნუ გრცხვენიათ, ყმაწვილო. სიყვარული სირცხვილი არ არის.

არჩილმა კმაყოფილებით შეხედა მოსაუბრეს. ჩქარი ნაბიჯით გასწია ციალას სახლისკენ.

ზარის ფოლაქს ხელი დააჭირა. კარი გაიღო. შეიწვიეს. არჩილი ანგარიშიუცემლად შევიდა. სასტუმრო ოთახიდან მოღწეულმა ხმაურმა შეაკრთო. ხმაურს ჭიქებისა და დანაჩანგლის წკრიალი უერთდებოდა. — რა

უნდა იყოს? უკან დახევა გვიანდა იყო. კარი შეაღო. სუფრის თავში იდგნენ ციალა და მოსკოველი. მოსკოველს ციალას მხრებისთვის შემოეხვია ხელი. მეორე ხელი ღვინის ჭიქით, მალლა აეწია, ღიმილით ლებულობდა მილოცვას. მაგიდის გარშემო შემომსხდარი ამხანაგების ხელში კატიმციმებდა წითელი ღვინით შეფერილი ჭიქები.

არჩილი კარებში შედგა. ციალამ თვალი შეასწრო. ღიმილი სახეზე დააკვდა, თვალები ძირს დახარა. გრძელი წამწამები ჩამოიჩრდილა. წამიდა... არჩილმა ყველაფერი განიცადა. სიბრაღული იგრძნო ციალასადმი. მიუახლოვდა. ღიმილით უთხრა:

— მომილოცნია, ციალა!—თაიგული გაუწოდა. მოაგონდა მოხუცი მეყვავილის სიტყვა: ჩემი თაიგული უთუოდ გაიმარჯვებსო. გაეღიმა. თაიგულმა მართლაც გაიმარჯვა. თვალი შეასწრო, თუ როგორ კანკალებდა ციალას ხელი თაიგულის ჩამორთმევის დროს. გულში თითქოს რაღაც ჩაწყდა. შეშინდა, საიდუმლო არ გაეთქვა. მოტრიალდა, ამხანაგებმა ადგილი დაუთმეს. ჭიქა მიაწოდეს. — დალიე მეფედედოფლის საღვებგრძელოო.

— ბედნიერი იყავით! — უჩვეულო მაღალი ხმით წამოიძახა არჩილმა. ჭიქა ბოლომდე დასცალა.

— ყოჩაღ, არჩილ, ვინა თქვა, არ სვამსო? — მიაძახეს აქეთ-იქიდან.

— დღეს ვსვამ, და ვულოცავ ციალას ორგვარს გამარჯვებას. ხომ ხედავით, მარტო ჩოგბურთში გამარჯვება არ იკმარა. მოთამაშეც ზედ მიაჯოლა! — ყველამ გადიხარხარა.

— შენ? შენ რა ქენი არჩილ? ნუთუ ერთი თვალუქუნა შენც ვერ დაატოვებინე მოსკოველებს? — არჩილმა არაფერი უპასუხა. როიალთან მივიდა, თავი ახადა. არ დამჯდარა, ისე აამღერა აკორდი.

დაიკვნესა უკანასკნელმა აკორდმა არჩილის თითებს ქვეშ. ყველანი თავდახრილი იდგნენ. სიჩუმეს არავინ არღვევდა. არჩილი კარისკენ უხზოდ წავიდა. კიბეზე დაშვებულს ზემოდან ხმა შემოესმა.

— არჩილ! — ეძახდა ნაცნობი ხმა. შედგა. მოიხედა. კიბის თავში ციალა იდგა. გრძელ წამწამებზე ორი ცრემლი უბრწყინავდა. ათრთოლებული ხელები კი ცხვირსახოცს კმუჭნიდა.

არჩილი შეკრთა. ციალა უცნაურად იზიდავდა. წამი და ის მივარდებოდა ციალას. გვიანდა იყო... სირბილით დაეშვა კიბეზე...

## ლაქსები კოლხეთზე

დილა კოლხეთში

ნიაგს დიდხანს ეძინა  
მერცხალივით მჩატესა...  
ცას სიმორცხვე შესძინა,  
ბალში ჟრჟოლა ჩათესა.  
მზის სხივებად დაწული  
დღე გადმოდგა ცისმარი,  
როგორც ეშხი ქალწულის  
და უმანკო სიზმარი.  
ტბა რომ ბროლად ჩაბანა,  
გადაფარჩა დობერა;  
გაქრა ნისლი ჯაბანი,  
სისხამს სიომ დაბერა.  
სატრფოს თვალთა ციმციმი  
ცაზე გაუჩინარდა  
და ბურუსიც სიმძიმით  
ჩუმად ჩაწვა ჩინართან.  
მზე სხივების ჩანჩქერით  
მიწას ჩარეცხს, ჩაფერავს;  
ციდან ოქროს ნაქერი  
დაღვრის წითელ საფერავს.  
ზღვა მზის ღიმილს შეკონავს,  
ოქროს ტივად ჩაიტანს  
და კოლხელი გოგონა  
ცეცხლზე შედგამს ჩაიდანს.

კოლხურ ცის ჰვეზ

კოლხური წყარო ოქროს თასებით  
შესვა მზემ ბალღის ცრემლივით წმინდა.  
ქალწულის ღიმილს ქსოვდნენ ვაზები  
და მტევნის ეშხი ფოთლებში წვიმდა.

თვალწინ ხავერდად გაშლილი მოლი-  
მზისქვეშ განაბულ ზღვასავით ჩანდა.  
ცა ვატყდა, როგორც ნათალი ბროლი,  
და ზურმუხტებში შრიალით ჩაღნა.

ტბის მკერდი ნაზად შეთრთოლდა წამით  
და სარკესავით დაიწყო ბზარვა.  
ფორთოხლის რტოზე ეკიდა ნამი —  
ძაფზე სათუთად აცმული ქარვა.

მზე ჟრჟოლას თესდა კოლხეთის ცაზე;  
როგორც ქალწულის პირველი კოცნა;  
ბაღთან ასული შედგა, და ასე  
მკერდზე დაყრილი გიშერი მოწნა.

მწიფე მანდარინს შეახო ხელი,  
ჩამოკრიფა და... იფეთქა ალმა.  
იღვა: მკერდსავსე მიწის სურნელი,  
ქალის ეშხი და ამაყი პალმა.

ფოთლები ლალის შუქში ჩაიწვნენ,  
დატკბნენ მთები და ხალიჩა შალეს,  
ოქროს უბეში წყნარად ჩაიწვნენ  
კოლხეთი ზღვას და დაუწყებს ალერსს.

#### ხანძარი ზღვაზე

მზე ეშხით ქსოვდა ატლასის თალებს,  
იჯდა ზღვაზე და ანთებდა ხანძარს.  
ცეცხლი ეკიდათ ბროლისფერ ტალებს  
და გემზე ობლად დარწეულ ანძას.

ზღვა გავდა ღამით ანთებულ ვულკანს,  
ცეცხლივით წინწკლებს აყრიდა ქვიშას.  
კოცნიდა ნაპირს, გარბოდა უკან  
და ცხელ სილაზე სტოვებდა ნიშანს.

აგარდნილ კოცონს კოცონზე მიცლით  
დაადვენებდა ტალების სისქეს.  
და, როგორც თივის ბულულებს ფიწლით,  
ანთებულ ზვირთებს ისროდა ცისკენ.

ქარვის მარცვლები ბაღნარებს მეგრულს  
აწვიმდა, როგორც წამწამებს ცვარი.  
მზის სხივებს ოქროს ტივებად შეკრულს  
ალივლივებდა ტალღა და ქარი.

# ს რ ი ტ ი ა ა

შ. იმნაძე

## ილო მოსაშვილი

თანამედროვე ქართულ საბჭოთა პოეზიაში ილო მოსაშვილს ერთ-ერთი თვალსაჩინო ადგილი უჭირავს.

ილო მოსაშვილი სამწერლო ასპარეზზე გამოვიდა საქართველოში საბჭოთა ხელისუფლების დამყარების წინა წლებში. მისი იმდროინდელი შემოქმედება უმთავრესად სოფლის პატრიარქალური თემატიკით განისაზღვრებოდა. მასში საგრძნობი სიძლიერით იყო მოცემული სოფლის იდილიური ბუნების ლირიკულ-სანტიმენტალური გამოტირება. ის თავისი პოეტური კონცეპციით წვრილ-ბურჟუაზიული კლასის ფსიქო-იდეოლოგიის გამომხატველი იყო, დღეს კი იგი საბჭოთა პოეზიის მოწინავე რიგში დგას. ილ. მოსაშვილმა განიცადა იდეური და შემოქმედებითი გარდაქმნის უდიდესი ევოლუცია და მუშათა კლასის სოფლმხედველობის ორგანიულ დაუფლებამდის მივიდა.

ილო მოსაშვილი საბჭოთა ხელისუფლების დამყარების შემდეგ გარკვეულად არცერთ ლიტერატურულ დაჯგუფებას არ ეკუთვნოდა, მიუხედავად იმისა, რომ 1928 წლიდან „არიფიონის ჯგუფში“ შედიოდა. მისი პირველი პერიოდის შემოქმედებას ბევრი ჰქონდა მსგავსება (ფორმალური თვალსაზრისით) სიმბოლისტთა პოეტურ პროდუქციასთან, მაგრამ ის არ იზიარებდა ამ სკოლის ესტეტიკურ თვალსაზრისს და უფრო ესენინისებური სოფლის იდილიური ბუნების ლირიკულ სანტიმენტალურ გამოტირებას გვაძლევდა:

„და პატიოსან კაცობას ვფიცავ, —  
ახლა სოფელში როცა ვიყავი,  
მუხლმოკვეთილი დავემხე მიწას  
და თვალზე ცრემლი ვერ შევიკავე“.

ეს გულაჩუყებულობა, ეს ტკბილი სანტიმენტალური ლირიზმი წითელი ზოლივით გასდევს მისი პირველი პერიოდის შემოქმედებით პროდუქციას. აქვე ხაზი უნდა გაესვას აგრეთვე იმ გარემოებასაც, რომ მოსაშვილი ამ პერიოდში ერთგვარ დაბნეულობას, სწორი გზის უქონლობასა და უპერსპექტივობას განიცდის. შემდეგ, სოციალისტური მშენებ-

ლობისა და სოციალისტური კულტურის არაჩვეულებრივი ზრდის ზეგავლენით პოეტის სოფლმხედველობრივ შემეცნებაში ხდება რადიკალური გარდატენა, თავს იჩენს უტყუარი ტენდენციები საბჭოთა ხელისუფლებასთან გულწრფელი მოსვლისა, რამაც დიდი პოეტური ძალა შეჰმატა მას ძველი გზის გადაფასებისთვის, პოეტმა იგრძნო თანამედროვეობის უშუალობა და მიეცა საშუალება დიადი სოციალისტური ცხოვრების დამაჯერებელ ფერებში ასახვისა. მის უკანასკნელ პოეტურ პროდუქციაში ისმის სიცოცხლისადმი სიყვარული და ჯანსაღი ოპტიმიზმი, რომლითაც ასე გააქვნილია ჩვენი დღევანდელი სოციალისტური სინამდვილე.

ილო მოსაშვილის ლიტერატურულ მოღვაწეობის პირველი პერიოდი გრძელდება 1929-30 წლებამდის. ამ პერიოდში მისი შემოქმედებითი თემატიკა, როგორც უკვე ვთქვით, სოფლის საყოფაცხოვრებო პირობებითა და მისი იდილიური ბუნებით განისაზღვრებოდა. ამ მხრივ საინტერესოა მისი ლექსები: „გამოთხოვება სოფელთან“, „ბარათი“, „უღელტეხილზე“, „თანამედროვე პოეტებისადმი მიწერილი“ და სხვ. ამ ლექსების თემატიკურ რკალში მომწყვდეულია სოფელი. სოფლის ბუნების მხატვრული პეიზაჟის ფონზე ნაჩვენებია პოეტის სუბიექტური განწყობილება. პოეტი სუბიექტური განცდების გზით აღიქვამს ბუნებას და თავისებური პოეტური აპერცეპციით ჰქმნის სურათს, რომელშიც პეროვნული ყოველთვის წინა პლანზე დგას:

„აი ეს ქოხი, აგერ ბებია,  
დღედიჩემის ხმა კიდევ მახარებს...  
შევცქერი ვაზებს ოქროსთმებიანს,  
ჩემსკენ რომ მორცხვად თავი დახარეს“.

ლექსში—„ბარათი“ — პოეტი იგონებს ხანას, როდესაც ის „გულდია მეფე უფალი“ მარტო მღეროდა „ბებერ იფანთან“. ეს ბარათი თავისი ლირიულ მელოდიურობით უახლოვდება სერგეი ესენინის დედისადმი გაგზავნილ ბარათს, რომელშიც გრძნობათა უშუალო ინტიმურობა უმაღლეს საფეხურზეა აყვანილი. პოეტს აგონდება თავისი ბავშობა. მას იზიდავს სოფლის საგაზაფხულოდ მორთული აყვავილებული ბუნება, სადაც დაჰყო მან ახალგაზრდობის წლები და „სადაც ბავშვობა და სიხალისე ვერცხლის წყალივით ჩამოიფანტა“, იგი წერს:

„მანდ ახლა მწყობრად ისმის მაყრული,  
ძღვენს ამზადებენ ნათლიდედები.  
და გოგოები თმაგადაკრული  
ლობესთან სხედან, როგორც მტრედები.  
მინდა მანდ ვიყო წუთით, დროებით,  
ცის ქვეშ გულდია... მეფე... უფალი:::  
მხრებზე მეხუროს თეთრი რტოებით  
ნუში, ტყემალი და ალუბალი“.



ბავშვობის დროინდელი განცდები კარგადაა აგრეთვე გამოხატული ლექსებში „უღელტეხილზე“ და „გამოთხოვება სოფელთან“, რომლებიც 1926 წელსაა დაწერილი. ამ ლექსებში „გამოთხოვება სოფელთან“ მეტად მტკივნეულ და მწვავე ფერებშია აღწერილი. მაშინდელი ძველი სოფელი არსებითად განსხვავდება დღევანდელ კოლექტივიზირებულ სოციალისტურ სოფლისგან. პოეტი პირველ პერიოდში პატრიარქალური სოფლის აბოლოგეტია და მას ძლიერ იზიდავს მისი პრიმიტიული ბუნება.

მაშინაც, როცა „სად არ ნათრევი პოეტი“ ქალაქმა მიიღო, მასში „მაგიური“ ძალით ცოცხლობს კერძო-მესაკუთრული სოფელი, სადაც ყოველი სუნთქვა მზისა და მიწის ნაზია და ნებიერი. მის წარმოდგენაში ისევე ელავენ ლასტის ქოხები, სოფლის იდილიური ბუნების პეიზაჟური ლურათოვნება:

„თვალი შორიდან შენს ქედებს იჭერს,  
ფიქრში ელავენ ლასტის ქოხები,  
ვხედავ მიმავალ ნიშნობის ბიჭებს  
ნუშის გულების ახალხობით“.

ლექსში — „თანამედროვე პოეტებისადმი მიწერილი“ — პოეტი ასეთივე რომანტიკული ეგზოტიკის გზით იძლევა „გიჟი ქალაქის“ და სოფლის იდილიური ბუნების დაპირისპირებას, და პრიმატს, რა თქმა უნდა, სოფელს ანიჭებს: „თქვენ ქალაქები ცეცხლს შეპარული და მე-მზიანი სოფელი დამრჩეს“-ო — სწერს იგი თანამედროვე პოეტებს.

ამ პერიოდში პოეტი ამჟღავნებს აგრეთვე უიმედობას. მას არა აქვს მომავლისადმი ნათელი რწმენა და პერსპექტივა. მის შემოქმედებაში ის-მის გულგატეხილობისა და პესიმისტური განწყობილების მოტივები. პესიმისტური განწყობილების მოტივებს ენასკვება მისტიკურ-რელიგიური ბურუსით გაბრუება. პოეტის ხედვის არე ამ პერიოდში ბინდის ზეწარშია გახვეული:

„მივყავდი ტალღებს, გზადაბურული —  
და მდევდა კვლავ თან ბედის მწერალი.  
მიმაქანებდა, როგორც შურდული,  
ფიქრი ღმერთებთან ნაქიმერალი-  
გადავიფარე ბინდის ზეწარო,  
ყოველი წუთით განცდა სხვაობდა  
და დავსხლტი ისევ... და უეცარი  
ბედი ოხერი ამიჭაობდა“.

„უიმედობის ჯვრებზე გაკრულმა პოეტმა ბევრი ტკივილები განიცადა, ბევრჯერ დაეცა ცხოვრებით „გაუვალ გზაზე“ და ამ გარემოების გამო ბევრჯერ ჰქონია „გული მოკლული“. პოეტი ნაღვლიანი განწყობილების გზით გვიხსნის თავის შინაგან სულიერ სამყაროს და გვაცნობს, რომ „სიხალისე დილის ზარივით აღარა რეკავს ახლა გულოდან“. პოეტი გრძნობს თავისი გზის მცდარობას, უნდა როგორმე აცდეს იმ უკუნეთს,

რომლისკენაც მიდის ის, მაგრამ ეს ცდა პირველ ხანებში სუსტი იყო და პოეტი არსებითად ისევ ძველი პესიმისტური განწყობილების ტყვეობაში რჩება. ვერ ხედავს ვერსად გამოსავალს და მწარედ მოსთქვამს:

„საით წავიდე, ავცდე უკუნეთს,  
გულო, გატეხილ ბედის ნაჭერო“.

ეს პესიმისტური გოდება არ იყო შემთხვევითი. პოეტის წვრილბურ-  
ჟუაზიული განწყობილება საბჭოთა ხელისუფლების პირველ წლებში გა-  
მოსავალს ვერ პოულობდა. შემდეგ, სოციალისტური მშენებლობის კო-  
ლოსალური ზრდისა და კულტურული აღორძინების ზეგავლენით იგი  
თანდათან და გულწრფელად მივიდა საბჭოთა სინამდვილესთან, რამაც  
ი. მოსაშვილს დიდი პოეტური ძალა შემატა ძველი პოეტური კონცეპციის  
გადაფასებისთვის. ძველი პოეტური კონცეპციის გადაფასების, იდეური  
გადაიარაღების პროცესი პოეტმა საკმაოდ მტკივნეულად განიცადა. ერთ-  
ბაშად არ მომხდარა მისი წვრილ-ბურჟუაზიული ფსიქო-იდეოლოგიის  
ტყვეობიდან განთავისუფლება. ამ მანძილზე პოეტის შემოქმედებაში გა-  
დახვევებსა და მერყეობასაც ჰქონდა ადგილი. მაგრამ მოსაშვილი იძლე-  
ოდა უტყუარ იმედებს იმისას, რომ დაბოლოს ის, პოეტური შემოქმედე-  
ბითი ლოლიკით მუშათა კლასის სოფლმხედველობის თვალსაზრისამდის  
ამაღლდებოდა — და თავის პოეტურ პოტენციალურ შესაძლებლობას სო-  
ციალისტური კულტურის აყვავებას მოახმარდა.

ლექსში: „ნაწყვეტი ფოთლების, გულისა და ლექსების შესახებ“, რო-  
მელიც 1928 წელსაა დაწერილი, პოეტი მოსაშვილი გვაძლევს თანამედ-  
როვე სოციალისტურ სინამდვილესთან გულწრფელი მისვლის ტენდენ-  
ციებს. „როგორ გავშორდე წარსულ იარებს, ახლაც მიხვევენ დედის  
მკერდივით“, — ამბობს ის, მაგრამ სწორედ ამ ტკივილების კოლიზიის  
ფონზეა ნაჩვენები სოციალისტურ სამშობლოსადმი განუზომელი სიყვა-  
რული, სიყვარული იმ დიად ბედნიერ ეპოქისადმი, რომელმაც მძლავრად  
არწია ის.

„ჩემო დროებაე, მძლავრად მარწიე,  
არა ყოფილხარ თავაზიანი.

გადმომაფრინე როგორც არწივი,  
თუმცა მრავალჯერ დამაზიანე,  
მაინც მიყვარხარ. შენსკენ მეწევა  
გული, როდესაც გრგვინავს სანგრები,  
ჩემი ლექსებიც ისე ეცემა,  
როგორც ამ მკერდის თითო ნანგრევი“.

საბჭოთა სინამდვილესთან მისვლისთანავე პოეტი ცდილობს მოძებნოს  
თავისი ადგილი ქართულ საბჭოთა პოეზიაში. ამ პერიოდიდან პოეტის  
შემოქმედებითი ლაბორატორია მდიდრდება მხატვრული საღებავებით.  
მოსაშვილი თავის პოეტურ ძალას ჩვენი დიადი სოციალისტური ცხოვ-  
რების მხატვრულ ფერებში ასახვას ახმარს. ის პესიმისტური განწყობი-

ლება და სევდა, რომელსაც მაგრად ჰყავდა პოეტი შეპყრობილი, დღეს ოპტიმისტური განწყობილებებით იცვლება და უდიდესი სიხარულის გრძნობით შეჰხარის იგი დიადი სოციალისტური სამშობლოს განმტკიცებას და სოციალისტური კულტურის აყვავებას.

ილო მოსაშვილის „მეორე პერიოდის“ შემოქმედების განხილვისას განსაკუთრებულ ყურადღებას იქცევს „ლექსების ციკლი ალაზანზე“, „ლეკური სიმღერები“, „მხედრული სიმღერები“ და სხვა ლექსები, რომლებიც მიძღვნილია სოციალისტურ სამშობლოსა და ხალხთა უსაყვარლესი ბელადის — დიდი სტალინისადმი.

პოეტმა მოსაშვილმა ლექსში — „ოქტომბრის თაობას“ — მოგვცა თავისი განვლილი პოეტური შემოქმედების დახასიათება და გვიჩვენა დღევანდელი სოციალისტური ცხოვრების გრანდიოზული მშენებლობა. პოეტი ამ ლექსში ესაუბრება კაცობრიობის ისტორიაში ყველაზე უბედნიერეს ახალგაზრდობას — ოქტომბრის თაობას. პოეტი უზომო სიხარულს განიცდის, როდესაც სიცოცხლით სავეს ახალგაზრდა ბედნიერ თაობას ხედავს და ნატრობს: „თქვენსავით ნეტავ მეც ვშობილიყავ ოქტომბრის დილასო“. შემდეგ იგონებს თავის სიყმაწვილეს, თავის განვლილ პოეტურ გზას და სწერს:

„სად არ მივლია, რა ცეცხლი მწვავდა,  
მოხეტიალე ლამანჩელ რაინდს,  
მაგრამ ჭიდილში საკუთარ თავთან,  
ქარის წისქვილებს ვაჯობე მაინც.  
ამოვიდალე მკერდიდან ხორცი  
და შევინახე წმინდა, რაც არი,  
ორმოცი წლიდან — პირველი ოცი  
ქარს წაუღია როგორც ნაცარი“.

ლეკური სიმღერებიდან მშვენიერი ლექსებია: „მყინვარებში შეხვედრა“ და „მოსისხლე ბაშირ“. ამ უკანასკნელში გამოყვანილია ახალგაზრდა ლეკი, რომელსაც ერთმა მწყემსმა ძმა მოუკლა. ლეკში ჯერ კიდევ ძლიერია ტრადიცია და მას ამ ახალგაზრდა მწყემსის სისხლი სწყურია. იგი ეძებს შესაფერ მომენტს განზრახვის სისრულეში მოსაყვანად, მაგრამ, როცა შეარჩევს ასეთ მომენტს, ბელადის სახე გაიეღვებს მის ცნობიერებაში, იგრძნობს, რომ სისხლის აღება ტრადიციული უმეცრების ნაცოფია და განზრახვაზე ხელს აიღებს.

საბჭოთა პატრიოტიზმის იდეა გამონატულოა ილო მოსაშვილის მთელ რიგ ლექსებში. ყველაზე მკვეთრად კი ეს იდეა მის „მხედრულ სიმღერებში“ გამოვლინდა: საბჭოთა თავდაცვითი უნარიანობის განმტკიცება ყოველი საბჭოთა მოქალაქის მოვალეობას შეადგენს. ქართულ საბჭოთა პოეზიაში ამ თემას თითქმის ყველა თვალსაჩინო პოეტი გამოეხმაურა. ილო მოსაშვილის ამ ციკლის ლექსებსაც პოეტური ოსტატობა ახასიათებს.

ილო მოსაშვილი თავის ახალ ლექსებში გულწრფელად უმღერის განახლებულ ცხოვრებას, საბჭოთა საზოგადოებრიობის კულტურულ-ეკონომიურ აღმავლობას. საბჭოთა მოწინავე ადამიანებს და კაცობრიობის გამათავისუფლებელ დიად ხარტიას — სტალინურ კონსტიტუციას და მის შემოქმედს, უსაყვარლეს ბელადს — დიდ სტალინს. ლექსებში „სიმღერის დაბადება“, „შენ იცოცხლე“, „ბელადს“, „სიმღერა სტალინზე“, „ხალხთა ბელადს დიდ სტალინს“ და სხვებში ნაჩვენებია საბჭოთა კავშირის მშრომელი მოსახლეობის უდიდესი სიყვარული, სიხარული და აფრთოვანება დიდი ბელადისადმი. ილო მოსაშვილი ნათელი მხატვრული საღებავებით ჰქმნის ბელადის სახეს და მკვეთრი ლირიკული ხმით, გულწრფელი პათოსით უმღერის მას:

„ჰყვავის სოფელი, ჰყვავის ქალაქი,  
ხალხის დოვლათი დადგა მთებურად,  
შენი სიბრძნით და შენი მარჯვენით  
ჩვენი სამშობლო განათებულა“.

„მაშ, გაუმარჯოს, ვინც ხალხის გულში  
ცოცხლობს და გვაძლევს სიცოცხლის ხალისს,  
ჩვენს მასწავლებელს მამას და ბელადს.  
ქვეყნის დიდებას საყვარელ სტალინს!“

ლექსი — „ჩემო სამშობლო“ — უმშვენიერესი ჰიმნია, რომელსაც უმღერის პოეტი სოციალისტურ ცხოვრების, სოციალისტური მშენებლობის განმტკიცებას და კულტურულ-ეკონომიურ აღმავლობას. პოეტი ისტორიული ანალოგიების გზით ცდილობს გვაჩვენოს დღევანდელი გრანდიოზულობა.

საქართველოს წარსულ, გავერანებულ და აოხრებულ ცხოვრებასთან დაპირისპირებით პოეტი იძლევა დღევანდელი სოციალისტური ცხოვრების საამურ ყოფას და გრანდიოზულ სოციალისტურ მშენებლობას:

„ახლა მოვიდეს, დახედოს კიდევ  
ალაზნის ველზე გაფენილ ფარებს.  
ნახოს ავსილი რიონის კიდე,  
როგორ მოურთავთ კოლხიდელ ქალებს.  
გახსნას ჭაღარა თბილისის კარი,  
ახლა მეორედ შობილი ბავშვი  
და მოდუდუნე ანკარა მტკვარი.  
კობტად ჩასმული ბოლნისის ქვაში“.

პოეტური ოსტატობით და ლენინ-სტალინის პარტიისადმი უერთგულესი თანაგრძნობითაა დაწერილი ლექსი: „ლავრენტი ბერიას“. ამ ლექსში პოეტი მოსაშვილი გვიხატავს დიდი ბელადის ამხანაგი სტალინის თანამებრძოლისა და მისი მოწაფის ამხანაგ ლავრენტი ბერიას პორტრეტს. ლექსში ნაჩვენებია, თუ როგორ დასტრიალებს ნაცადი ბოლშევიკის

მზრუნველი თვალი ჩვენი ცხოვრების ყოველ კუთხეს, რა დიდი სიყვარულით უვლის ის განახლებულ სოციალისტურ საქართველოს და როგორ წვრთნის, როგორ აფოლადებს „გუმინდელ ჩოხიან ადამიანებს“.

„იგი ხნულებში გახედავს სახნისს,  
უვლის თითო ქვას, თითო ხარაჩოს,  
აიყვანს კედელს, მალაროს გახნისს  
და შეურყეველ ხელით სდარაჯობს.“

იგი შორეულ მწყემსის ბინაშიც  
მზრუნველი გულით მოივლის ფარეხს,  
მერე მოჭედილს ქვაში, რკინაში  
ფრთხილად შეადებს თბილისის კარებს“.

რამდენადაც დიდია პლეტში საბჭოთა ჰუმანიზმი, საბჭოთა მოწინავე ადამიანებისადმი სიყვარულის გრძნობა, იმდენადვე დიდია ზიზლი და სიძულვილი მუშათა კლასის საზიზღარ მტრების — ფაშიზმის ცოფიანი აგენტების მიმართ, რომლებიც შეეცადნენ ჩვენი წინსვლა, ჩვენი აღმავლობა შეეფერხებიათ, „ჩვენს სიხარულში ჩაეშვათ გესლი“ და სამტროდ აღემართათ ხელი დიდი ბელადისა და მისი უახლოესი თანამებრძოლების მიმართ. პოეტი უდიდეს ზიზლს გამოსთქვამს მათ მიმართ და წყევლო-კრულვით იხსენიებს მათ ბინძურ სახეს:

„მიტომ ამოძვრა ხერელიდან გველი  
თავის დაწყველილ მოღმით და თესლით,  
რომ შენს სამუხთლოდ ამართოს ხელი,  
და სიხარულში ჩაგვიშვას გესლი.  
არა, გაწყდება მისი სახელი,  
ველარ იფიქრებს ქვეყნად დარჩენას,  
რისხვადქცეული ხალხის მახვილი  
ათჯერ მოჰკვეთავს ძირში მარჯვენას.“

ასეთია მოკლედ ილო მოსაშვილის განვლილი შემოქმედებითი გზა და დღევანდელი პოეტური სახე. მან თავისი პოეტური და გულწრფელი საზოგადოებრივი მოღვაწეობით დაიმსახურა საბჭოთა ხელისუფლების უდიდესი ნდობა. იგი წამოყენებული და არჩეულ იქნა საქართველოს საბჭოთა სოციალისტურ რესპუბლიკის უმაღლეს საბჭოს დეპუტატად, ხოლო საკაჟშირო მთავრობამ იგი დააჯილდოვა უმაღლესი ჯილდოთი, შრომის წითელი დროშის ორდენით.

პანთელეიმონ ჩხიკვაძე

## ერთი მაგალითი

მწერალს „ადამიანის სულის ინჟინერი“ უწოდა დიდმა ბელადმა. ამ უაღრესად საპატიო სახელწოდების მოსაპოვებლად დაუღალავი შრომა და თავდადება საჭირო, გარდა იმისა, რომ ბუნებრივი ნიჭითაც უნდა იყო დაჯილდოებული. ნიჭის გამოვლინებისთვის კი არცერთ სხვა ქვეყანაში ისეთი პირობები არ არსებობს, როგორც ჩვენს ძლიერამოსილ საბჭოთა ქვეყანაში.

სწორედ ამ გარემოებას უნდა მიეწეროს, რომ ჩვენი ჟურნალ-გაზეთების რედაქციების გარშემო ათეული დამწყები ლიტერატორი იყრის თავს და ბევრი მათგანი მოკლე დროს განმავლობაში მწერალთა რიგებში შესვლის ღირსიც ხდება.

დამწყები მწერლები რედაქციებიდან მოითხოვენ რჩევა-დარიგებას შემოქმედებით საკითხებზე, მოითხოვენ სისტემატურ კონსულტაციას პირველადი შემოქმედებითი გზის გაკაფვისა და ფართო სამოღვაწეო სარბიელზე გამოსვლისთვის.

შემოქმედებითი გზის გაკაფვა და მწერლის საპატიო სახელწოდების მოპოება, არც ისე ადვილი საქმეა, როგორც ეს ზოგიერთ ახალგაზრდას ეჩვენება.

უნდა გვახსოვდეს, რომ რუსთაველისა და ჭავჭავაძის ქვეყანაში, ქვეყანაში, რომელსაც მრავალი საუკუნის ლიტერატურის ისტორია აქვს და მხატვრული მწერლობის ერთერთ კლასიკურ ქვეყნად ითვლება, ახალგაზრდა მწერლისთვის ძნელია საკუთარი ხმის მიგნება, ძნელია გადაუმღერებელ მოტივის გამონახვა და ახალი სიმღერის წამოწყება. მაგრამ სიძნელემ არ უნდა დაგვაშინოს, სიძნელების გადალახვას და მიუვალ ციხე-სიმაგრეების აღებას, სწორედ საბჭოთა ადამიანები — უპარტიო და პარტიული ბოლშევიკები არიან ჩვეულები.

შეიძლება ვისმეს პარადოქსულად მოეჩვენოს ეს აზრი. თუ უდიდესი კლასიკური მემკვიდრეობა გვაქვს, თუ მრავალი საუკუნის ლიტერატურის ისტორია გვაქვს, თუ გზები უკვე გაკაფულია, სიძნელე სადღა არისო.

საქმე ის არის, რომ თუ კლასიკური მემკვიდრეობა ჭზას გვინათებს შემოქმედებითს მუშაობაში, თუ კლასიკური მწერლობის ცალკეული ნიმუშები ხელს გვიწყობენ ადვილად ავითვისოთ წერის ტექნიკა, ლექსთწყობის ფორმა, პროზისა და დრამატულ ნაწარმოებთა სუფეტი და კომპოზიცია, ხშირად სუსტი ნებისყოფისა და ნაკლები ნიჭის პატრონი მწერალი ადვილად ექცევა რომელიმე კლასიკოსის ბრმა ზეგავლენის ქვეშ, ბძავეს მას და ზოგჯერ უყოყმანოდ გადმოაქვს საკუთარ შემოქმედებაში მზამზარეული ხერხი წერისა და ნაწარმოების საერთო კომპოზიციისა.

ამ ტიპის მწერლები არც თუ თითზე ჩამოსათვლელნი არიან. რომ გადახედოთ უკანასკნელ ორმოცდაათი წლის მანძილზე საქართველოში დაბეჭდილ კრებულს „ჩანგს“, რომელიც თავის დროზე ანთოლოგიის როლსაც ასრულებდა, დაინახავთ, რომ სამოც-სამოცდაათ ავტორიდან, მწერალთა რიგებს შერჩა ათამდე კაცი, დანარჩენები დღესაც ცოცხლობენ ფიზიკურად, მაგრამ მათი მწერლობა რახანია. დავიწყებას მიეცა.

თუ თქვენ წაიკითხავთ „დავიწყებულთა“ ნაწარმოებებს იმავე „ჩანგში“, ერთის შეხედვით წუნს ვერ დასდებთ, რითმა-რითმი, წერტილ-მძიმე, ყველაფერი თავის რიგზეა, მაგრამ საკუთარი ხმა არსად არ ისმის. ასეთი გამწვლევი ლიტერატურა და ლიტერატორები ყოველთვის იყვნენ და იქნებიან მწერლობაში, მაგრამ ჩვენ ხომ

ამ ტიპის მწერლები არ გვყავს მხედველობაში, როცა სიძნელებზე ვლაპარაკობთ. დიდ ლიტერატურულ მემკვიდრეობას დიდი ლიტერატურული მემკვიდრეები შეფერის და ასეთ მემკვიდრეთა შორის მხოლოდ ისინი აღმოჩნდებიან, ვისაც აქვთ საკუთარი მწერლური ხმა. პუშკინის უდიდესი პრეტური მემკვიდრეობის მემკვიდრე ვლ. მაიაკოვსკი სწორედ საკუთარი, მაღალი ხმით მივიდა მეოცე საუკუნის პოეზიაში და ორი მომიჯნე საუკუნე შეერთდა სახელებით: პუშკინი — მაიაკოვსკი.

ამ მოსაზრების თვალსაჩინო დასაბუთებისთვის მივმართოთ ფაქტებს. ცნობილია, რომ ცენტრე ნინოშვილმა მძაფრი საღებავებით დაგვიხატა იმდროინდელი გურიის ცხოვრება. უიშვილი, კაცია მუნჯაძე, მოსე მწერალი. დროიძე, მკლავაძე დაუფიწყარი ტიპებია ქართულ ლიტერატურაში.. ნინოშვილის ცალკეული მოთხრობა მეცნიერული სიზუსტით აგვიწერს გურიის მცხოვრებთა ყოფა-ცხოვრებას, სოციალურ-პოლიტიკურ მოვლენებს, მოსახლეობის კლასობრივ დიფერენციაციას. ეს მოთხრობები თავის დროზე უაღრესად აქტუალური იყვნენ და დღევანდელი მკითხველნიც ისეთივე მღელვარებით კითხულობენ მათ, როგორც ნინოშვილის თანამედროვენი კითხულობდნენ.

ახლა ავიღოთ ასეთი შემთხვევა. ვთქვათ ჩვენი/მხატვრული ჟურნალების რომელიმე რედაქციაში მოვიდა დამწყები მწერალი, მოიტანა მოთხრობების რვეული, სადაც აღწერილია უიშვილის ბედში მყოფ რომელიმე გლეხის ცხოვრება. ვთქვათ ეს მოთხრობა არანაკლები სიმძაფრითა და მუქი საღებავებით ხატავს უიშვილის მოძმის ცხოვრებას. რედაქცია კითხულობს ამ მოთხრობას და ავტორს ეუბნება — „მოთხრობა ცუდი არ არის, მაგრამ დასაბეჭდად არ გამოდგება“—ო.

დამწყები მწერალი აღშფოთებულია. როგორ, თუ კი ნინოშვილი ბეჭდავდა ასეთ მოთხრობებს და კლასიკოსის სახელი მოიხვეჭა, რატომ მე არ უნდა დამიბეჭდოთ ეს მოთხრობა?

დამწყებ მწერალს არ ესმის, ან არ უნდა შეიგნოს, რომ ის რაც თავის დროზე უთქვამთ ნინოშვილს, გ. წერეთელს, ჭონჭაძესა და სხვებს, გლეხკაცობის სიღრმეზე, დროიძეების წამგლეჯობაზე, ბახვა ფულავას გამდიდრებაზე, მექრთამეობაზე; მაჰანკლობაზე, დღეს უკვე მოძველებული და უამგადასული ამბავია, მით უმეტეს, რომ იგი დამწყები მწერალი (და განა მართო დამწყები მწერალი — სახელმწიფო-ნიც) არამართო თემატიკურად ვარდება კლასიკოსთა ბრმა ზეგავლენის ქვეშ, არამედ სიტყვიერი მასალა, სუბეტი და, წარმოიდგინეთ, მომქმედ პირთა გვარებიც იმავე არსენალდან გამოაქვს, რომლიდანაც კლასიკოსები სარგებლობდნენ.

ნინოშვილს სჩვევია მომქმედი პირის გვარით განხნას ტიპის სახე და ხასიათი. უიშვილი, მუნჯაძე, დროიძე, მკლავაძე, მცირეშვილი — თავისთავად იძლევიან სახეებს, თუ ამ გვარს უკან ვინ უნდა იმალდებოდეს. მაგრამ, როცა ეს ხერხი გვარების შერჩევას მოგვიანებით გაიმეორა ზოგიერთმა მწერალმა თავის მეტად სუსტ მოთხრობებში, გამოვიდა ბრმა მიბაძვა ნინოშვილისადმი, და ცხადია, რომ თანამედროვე მკითხველის გაზრდილი გემოვნება ვერ დააკმაყოფილა.

შეიძლება აქ ვინმე შეგვედაოს: თუ თემატიკის ასეთი მოძველება ხდება, მწერალს სხვა არა დარჩენია რა, სწეროს მხოლოდ თანამედროვე აქტუალურ საკითხებზე.. მაშინ ხომ უარი უნდა ვთქვათ ისტორიულ თემებზედაცო. სწორი იქნება ასე საკითხის დაყენება? რა თქმა უნდა, არა. რადგან საქმე ეს კი არ არის, თუ რაზე სწერ, მთავარია — როგორ სწერ, რა სოფლმხედველობა გაქვს, მოვლენებს როგორის თვალსაზრისით აშუქებ.

თემატიკის მოძველება არასოდეს არ ხდება; თემა მუდმივად ცოცხალი და აქტუალურია. საქმე ის არის, მწერალმა თემას მოუნახოს ახალი კუთხე. ცხოვრების ქმშარიტ სინამდვილისადმი შეფარდებული, ასახოს ის ახლებურად, საკუთარი მწერლური ძლღონით.

პეტრე პირველის ცხოვრებაზე უამრავი, უაღრესად შავრაზმელური, მონარქისტული და მისტიკური რომანები დაწერილა, მაგრამ ა. ტოლსტოიმ შესძლო დაეწერა უაღრესად აქტუალური საბჭოთა რომანი და მისი დამსახურებაც სწორედ ეგ არის...

გიორგი სააკაძის ცხოვრებაზე საკმაოდ დაიწერა ჩვენში პოემები, რომანები, მაგრამ ეს თემა არ მოძველებულა... სიძნელე კი გაჩნდა. სიძნელე იმაში მდგომარეობს, რომ ავტორი, რომელიც კვლავ შეეცდება ამ თემის დამუშავებას, იძულებული იქნება დასწეროს უკეთესი რომანი თუ პოემა, ვინც დღემდე დაუწერიათ.

ამიტომ, ქვეყანას, რომელსაც დიდი ლიტერატურა აქვს, სადაც ყოველი ლიტერატურული თემა ხელნახლებია, გზები მრავალგვარად გაკაფული, ძნელია საკუთარი ხმის მიგნება, მაგრამ ჩვენ აქ მხოლოდ სიძნელეზე ვლაპარაკობთ და არა შეუძლებლობაზე.

ასეთ საკითხს თავის დროზე ყურადღება მიაქცია პოეზიის მუდამ უქცნობელმა გენიამ—გოეტემ. ღრმა მზახვს გოეტეს ახალგაზრდა პოეტი მეიერი ესტუმრა. მეიერმა თავისი ლექსები წაუკითხა მსოფლიანს. გოეტემ ლექსები მოუწონა. მეიერი წავიდა. საღამოს გოეტესთან მისი ახლო მეგობარი და მდივანი — იოჰან ეკერმანი შემოვიდა. გოეტემ უამბო ახალგაზრდა პოეტის სტუმრობა და სთქვა: „18 წლისაა, მაგრამ უდიდეს წარმატებისთვის მოუღწევიაო“. მოკლე დუმილის შემდეგ ისევ განაგრძო: „მოხარული ვარ, რომ ახლა 18 წლისა არ ვარ. როცა 18 წლის ვიყავი, გერმანიაც 18 წლის იყო და ამიტომ მაშინ რაღაცის გაკეთება კიდევ შეიძლებოდა. ამჟამად მოთხოვნილება საოცრად დიდია და გზები უკვე გაკაფულიაო.“

აი, როგორ უფროსობდა გაკაფულ გზას ზრდენი პოეტი და რაოდენ სიძნელეებს ხედავდა გზების გაკაფვის გამო, მაშინ, როდესაც გერმანული მხატვრული ლიტერატურის გზის გაკაფვის მთავარი ინჟინერი, თვითონ გოეტე იყო. მას არ შეუშრდა 18 წლის მეიერის ბედი, მიუხედავად იმისა, რომ მისი ცხოვრების კვირაძალი მოახლოებული იყო.

ჟურ. „ჩვენი თაობის“ რედაქციას დამწყები მწერლების მთელი რიგი აკრავს გარშემო. მათ შორის პოეტები ჟურო სანუგეშო მდგომარეობაში არიან... ბევრი მათგანი იბეჭდება, რამდენიმე კაცი მწერალთა კავშირის წევრიც გახდა. შედარებით სუსტია პროზის დარგი. ეს გასაგებიცაა; პროზაში მუშაობისთვის დიდ ნიჭთან ერთად საჭიროა ცხოვრების ღრმა ცოდნა..

გოეტე ეკერმანთან პროზის საკითხებზე საუბრის დროს ამბობდა „იმისთვის, რომ სწერო პროზით, უნდა გქონდეს სათქმელი, იმას კი, ვისაც სათქმელი არაფერი აქვს, მაინც შეუძლია შეეადგინოს ლექსი, მონახოს რითმები, ერთ სიტყვას მოჰყვება მეორე და ბოლოსდაბოლოს გამოვა რაღაც, რომელიც თავისთავად არაფერს შეიცავს, მაგრამ მაინც აქვს გარეგნული სახე, თითქო მასში რაღაც იყოს.“

და მართლაც თუ პროზაიკოსი ცხოვრებას არ იცნობს, არ იცნობს ადამიანებს და ცხოვრების ღრმა მოვლენებს, ის ვერაფერს თვალსაჩინოს ვერ დასწერს.

პროზის ოსტატი მწერლობაში გამოსვლამდე ცხოვრებაში უნდა იყოს გამოსული, უნდა იცნობდეს იმ ადამიანებსა და მოვლენებს, რაზედაც სწერს, პათეტიური ფრაზები და ახალგაზრდული, ლირიკული ამღერება მას ბევრს ვერაფერს უშველის, — მაშინ, როდესაც პოეტისთვის ეს მონაცემები შეიძლება საკმარისი იყოს იმისთვის, რომ უწვერულვამო ჭაბუკი მწერლობის რიგებში ჩადგეს.

ამ მოსაზრებას სავეებით ადასტურებს ჟურ. „ჩვენი თაობის“ რედაქციაში. ახალგაზრდა-დამწყებ პროზაიკოსთა მიერ წარმოდგენილი ნაწარმოებები.

ამ წერილში მიზნად დავისახეთ ახალგაზრდა დამწყები მწერლის ოთარ ჩხეიძის მოთხრობების გარჩევა. ო. ჩხეიძე ახალგაზრდა მწერალია. მისი მოთხრობები ნათლად მოწმობენ, რომ ის ჯერ ცხოვრების რთულსა და ღრმა ხვეულებს ნაკლებად იცნობს. მოვლენების ანალიზისთვის საკმაო ცოდნა და გამოცდილება არ გააჩნია. ის გულუბრყვილოდ მიდის მოვლენებთან, ამიტომ მის მოთხრობებს სწორედ გულუბრყვილობისა და ზერელობის კვალი ამჩნევია. სამაგიეროდ, მოთხრობების წაკითხვის შემდეგ, დაკვირვებულ მკითხველს ექმნება შთაბეჭდილება, რომ თუმცა წარმოდგენილი მოთხრობების დაბეჭდვა ამ სახით შეუძლებელია, მაგრამ ახალგაზრდა ავტორს აქვს უკვეელი მწერლური თვკლი, საკმაოდ იცის ქართული ენა და ზოგჯერ სუფთების გაშლასაც ახერხებს.



ეს სამი პირობა გვაიმედებს, რომ ჩხეიძე თანდათანობით გაიზრდება და ენერ-  
გიული შრომით შესძლებს მწერალთა რიგებში ჩადგომას.  
ავილოთ მისი მოთხრობა „ნახუცარი“.

როგორც სათაური გვიჩვენებს, აქ აწერილია ნახუცარ ილარიონის ცხოვრება.  
ილარიონი საქართველოში საბჭოთა ხელისუფლების დამყარების შემდეგ გაიპარსა.  
მასწავლებლობა დაიწყო საშუალო სკოლაში. თანაც სკოლის ფუტკარს უვლიდა. სკო-  
ლაში ქართულ ლიტერატურას ასწავლიდა. საგანი შესანიშნავად იცოდა, მაგრამ მში-  
შარა იყო. პოლიტიკას საოცრად გაუბრბოდა. სულ იმას ფიქრობდა ცუდი არაფერი  
წამოვროშოო. ხუცესი, მართალია სავსებით ჩამოშორდა ეკლესიას, მაგრამ ახალ ყოფა-  
ცხოვრებას მაინც ვერ შეეგუა. როცა მისი ქალი ნამოჯამაგირალ კომკავშირელს გაჰ-  
ყვა ცოლად, ილარიონმა იგი ხატზე შერისხა. გავიდა ხანი. ქალი დაორსულდა, მამას  
წერილი მისწერა შემირიგდიო, მაგრამ ილარიონი ჯიუტობდა... ცოლიც ველარაფერს  
უბედავდა გაჯიუტებულ ქმარს. ერთ დღეს ცნობა მიიღეს „თქვენი ქალი ცუდად არის,  
მისედეო“.

— რა მოუვიდა? — გულისკანკალით წამოიძახა ილარიონმა. და ცოლს მიუბრუნ-  
და — „მიხედე ქალო“. ცოლი რომ წავიდა, შეწრიალებული ილარიონი ადგილს ვე-  
ლარ პოულობდა ოჯახში. ადგა თვითონაც გასწია შვილის ოჯახისკენ. ქალი მკვდარი  
დაუხვდა.

ილარიონი ხელმეორედ შევიდა ეკლესიაში, ღვთისმშობლის ხატი დაამტვრია და  
მერე ეკლესიისკენ აღარ გაუხედავს. მალე დედა შვილის დარდს გადაყვა. მარტოდ  
დარჩენილი ილარიონი მასწავლებლობით და ფუტკრებზე ზრუნვით ირთობდა თავს.  
ერთ ღამეს შიძინარეს ფუტკრების ზუზუნი შემოესმა. უაზროდ წამოვარდა. სკას  
მიაშურა. მეორე დღეს სკოლის მოწაფეებმა ნახეს თავგატეხილი ნახუცარი და გა-  
ქურდული სკა.

როგორც ვხედავთ გულუბრყვილო მოთხრობაა. მას არ გააჩნია გარკვეული იდე-  
ური მიზანდასახულობა. ჩვენი ფიქრით ეს ნამდვილ ამბავს უფრო წააგავს. რომლის  
მოწმე ჩვენი ახალგაზრდა ავტორი აღმოჩნდა და სრულიად შეულამაზებლად და  
განუზოგადებლად განიზრახა მისი მოთხრობად დაწერა. ნამდვილი ამბავის მოთხრო-  
ბის სუჟეტად გამოყენება ცუდი როდია. მაგრამ ყოველი ნამდვილი ამბავი როდია  
ტიპიური და მისი ფოტოგრაფიული აღწერა როდი იძლევა მოთხრობისთვის საჭირო  
იდუურ-მხატვრული თვალსაზრისით გამართლებულ სუჟეტს. ასეთ დროს მწერლინ  
ფანტაზიაა საჭირო და ის, რაც სინამდვილეში მოხდეს, სულ სხვანაირად აუღერდება  
მწერლის ოსტატობის მეოხებით.

ავტორს ამ მოთხრობით სურს გვიჩვენოს ნახუცარის გარდაქმნის მომენტები. ის  
შვილს რისხავს ნამოჯამაგირალზე ცოლად გაყოლის გამო. შვილის სიკვდილი მას  
აამხედრებს ხატისა და ეკლესიის წინააღმდეგ. ამტვრევს ხატს და ეკლესიაში აღარ  
შედის. სამაგიეროდ გულმოდგინედ ასწავლის მოწაფეებს და უსასყიდლოდ უვლის  
სკოლის ფუტკარს. ბოლოს ფუტკრის წერა გახდება. მას ბოროტგამზრახველნი სა-  
ფუტკრეში მოჰკლავენ, სკას გაქურდავენ და მიიმალეებიან. ილარიონი გმირულად  
იღუპება... მაგრამ ვინ არიან ეს ბოროტგამზრახველნი, რომელთაც სკაც გაქურდეს  
და კაციც მოჰკლეს? ამის შესახებ მოთხრობა არაფერს ეუბნება მკითხველს.

გარდა ამისა მოთხრობა ერთგვარ ლიტერატურულ ზეგავლენისგანაც არ არის  
დაზღვეული. ნახუცარის აღწერაში აქა-იქ გაიღვებენ ნაცნობი ხმები. შეიძლება ეს  
ავტორის უნებურადაც ხდება. მიუხედავად ამ ნაკლოვანებებისა. მოთხრობა საინტე-  
რესოდ დაწერილი, და რომ ის უფრო მეტად განუზოგადებული იყოს და იდურო-  
ბის თვალსაზრისით გამართლებული, მისი დაბეჭდვა შესაძლო იქნებოდა.

მწერლის თვალისა და დაკვირვების უნარზე უთუოდ ლაპარაკობს მოთხრობის  
ცალკეული ადგილი. მოთხრობა იწყება დინამიურად. მოხუცი ნახუცარის აღწერაში  
უთუოდ დაცულია ზომიერება და მოკლე შტრიხები ქმნიან ტიპურ სახეს ნახუცა-  
რისას. ხასიათის გამოვლინებაშიც ერთგვარ ოსტატობას იჩენს ახალგაზრდა ავტორი.  
მოვიყვანოთ რამდენიმე ამონაწერი.

„ყოველთვის დინჯი და აუჩქარებელი იყო ილარიონი. მუშაობა, ჭამა-სმა, ლაპარაკი ისე წელი იცოდა, რომ მის შემყურე ძალგატეხილ მოხუცს მაღიანად ჩაეთვლინებოდა. სიარული ხომ, კუ გაასწრებსო, რომ იტყვიან, ისეთი იცოდა. მიუხედავად იმისა, რომ მის ოთანსა (ბინასა. პ. ჩ.) და სკოლას შუა სამოცი საშუალო ნაბიჯი ძლივს იქნებოდა, თითქმის ოც წუთს ანდომებდა მისვლა-მოსვლას. ფეხის ტერფები ცოტა განზე ქონდა გაწეული და ფეხს რომ გადადგამდა, ძვალგაუმაგრებელ ბავშვივით მუხლებში იკეცებოდა. მოწაფეები იცინოდნენ — ხუცესობის დროს ჯორზე ჯდომამ სიარულს გადააჩვია და ახლა ხელმეორედ იდგამს ფეხსო.“ (დაცულია ავტორის სტილი. პ. ჩ.).

ან კიდევ:

„ამასთან ერთად მშიშარაც იყო ნახუცარი. დაბინდებოდა თუ არა, ოთანს ჩაიკეტავდა და, რაც არ უნდა გასჭირვებოდა. გარეთ არ გამოიხედავდა... მოულოდნელად, ხელივს რომ გადერბინა წინ, კანკალს დაიწყებდა და ერთ სამჯერ ჰირჯვარი რომ არ გამოესახა, ფეხს ვერ გადასდგამდა. ყველაზე ძალიან პოლიტიკაზე ლაპარაკს ერიდებოდა. სიტყვა რევოლუციონერი. სოციალისტური და სხვა ამისთანა რომ ეხმარა, შიშით გული ელეოდა, ხომ არ შემცდა — მახვილი უადგილო ადგილას. ხომ არ გაუსვია“. და სხვ.

• ავტორი მსუბუქი ჰუმორის საშუალებით იძლევა ნათელ სახეს ნახუცარისას. საღებავს ზომიერად ხმარობს და ზოგჯერ ორი-სამი ფრაზით ადამიანის ხასიათს ხსენს, რაც უთუოდ დადებით მოვლენად უნდა ჩაითვალოს ახალგაზრდა მწერლის შემოქმედებით მუშაობაში.

დაახლოებით ასევეა დაწერილი მოთხრობები: „ხალხის სამართალი“ და „საბრალო“. განსაკუთრებით ყურადღებას იპყრობს მოთხრობა „საბრალო“, სადაც აღწერილია დაბეჩავებულ ობლის საბრალოს ცხოვრება, მისი შესვლა კოლმეურნეობაში, დაწინაურება და ბოლოს კომკავშირის რიგებში მიღება.

აქაც, დინჯად ჰყვება ჩხეიძე საბრალოს, ცხოვრებას.

„ქოხის წინ იჯდა საბრალო: წალდი ეჭირა და თოხის ტარს თლიდა. მის წინ თოლია დაყუნცულიყო, ფეხებს ულოკავდა პატრონს. გვერდით ცხვარი იწვა და მაღიანად იცოხნებოდა. მამალი მხარზე შემოჯდომოდა საბრალოს და მოსვრილ ნისკარტს მის გაბურძენულ თმაში ისუფთავებდა. ირგვლივ მიდებული იყო ურმის ქალები, სალართხები, ბარის თუ თოხის ტარები. ღობეზე ორიოდ ჯინიც იყო აყუდებული. ოჯახის მოწყობა ჰქონდა მურაზათ ყმაწვილს და რაც ხელიდან გამოუვიდოდა ყველაფერს აკეთებდა“.

როგორც ამონაწერიდან სჩანს ჩხეიძე არ ეტანება პრიალა, მაგრამ უშინაარსო ფრაზებს. ის მოკლე წინადადებით, სულდათქმულად ასწერს სურათებს საბრალოს ცხოვრებიდან. დაკვირვებულის თვალთ უცქერის საბრალოს ცხოვრების ცალკეულ წვრილმანს. სჩანს, ჩხეიძემ თემის საგანი იცის, იცნობს თავისი გმირის თავგადასავალს და, ამათუიმ ებიზოდის აღწერისას, გარკვეულ ეფექტს აღწევს.

მწერლური თვალი უთუოდ აქვს ჩხეიძეს.

ავილოთ ასეთი მაგალითი: კოლექტივში შესვლის შემდეგ საბრალო პირველად აიღებს ფულად თავის ნაშრომს. კოპერატივში გაემგზავრება, იყიდის რაღაც წვრილმანებს და ხურდას გამოართმევს ნოქარს.

„ხურდად რაღაც შაურები ერგო. იფიქრა, ამას ჯიბეში ჩაიყრი, სხვებსავით მეტ გაეაჩხარუნებო. მაგრამ შარვალზე ჯიბე არ აღმოაჩნდა და ჭირის ოფლი დაასხა“.

ასეთი მოხდენილი ადგილები ხშირ-ხშირად გაიეღვებუნ ხოლმე ჩხეიძეს მოთხრობებში, მაგრამ მათ დაბეჭდვაზე მაინც თავს შევიკავებდით გარკვეულ მოსაზრებათა გამო. სჯობს ავტორმა პირველი მოთხრობის დაბეჭდვამდე გასწიოს მეტი მოსაზრებელი შრომა. სამახსოვროდ შეინახოს, რამდენიმე სუსტი, „ძვალგაუმაგრებელი“ მოთხრობა, ვინემ დაბეჭდოს ერთი ან ორი სუსტი ნაწარმოები, რომელიც შეუმჩნეველი დარჩება ჩვენს მკითხველ საზოგადოებრივობას.

ამ სტრიქონების ავტორის სავარჯიშო რვეულები (ლექსები, პიესები, მოთხრობები, სამი დაუმთავრებელი რომანი) რამდენიმე კილოგრამს აიწონის, სასწოროზე რომ დასდოს კაცმა, მაგრამ სადებიუტო ნაწარმოების გამოქვეყნების შემდეგ ამ რვეულებს ერთიც აღარ მომატებია საარქივოდ შესანახად. მოთმინება და აუჩქარებლობა არსად ისე საჭირო არ არის, როგორც მწერლობაში. ძალიან ბევრია იმაზეც დამოკიდებული. თუ როგორის სიძლიერით იწყებს მწერალი დებიუტს. ზირველი ნაწარმოების ხმის სიძლიერე ისევე სწყვეტს მწერლის ბედს, როგორც ნაწარმოების პირველი გვერდი (დასაწყისი) და დასასრული გადაწყვეტი მნიშვნელობისაა თვითონ ნაწარმოების ჩამოყალიბების საქმეში.

ისმება კითხვა: ღირს თუ არა ასეთი სუსტი ნაწარმოებების გადაკეთება. მე პირადად ამ შემთხვევაში სავსებით ვიზიარებ უდიდესი რევოლუციონერი მწერლის მაქსიმ გორკისა და დიდებულ გოეტეს აზრს. სუსტი ნაწარმოების გადაკეთება არ ღირს, უცნეთისა ავტორმა ახალ მასალაზე იმუშაოს, ვინემ გადაღვივლ მასალის გადამუშავებას დაუბრუნდეს.


რამდენიმე სიტყვით შევხვით ო. ჩხეიძის კიდევ ერთ მოთხრობას „ღალატის მსხვერპლს“. თუ მოთხრობები „საბრალო“, „ნახუცარი“ და „ხალხის სამართალი“ სადა ქართულითაა დაწერილი და სისადავით ერთგვარ ეფექტს აღწევს, „ღალატის მსხვერპლში“ საწინააღმდეგო მოვლენას აქვს ადგილი. მოთხრობა თავიდან ბოლომდე ყალბია, ყალბია სტილი, მომქმედ პირთა თვგადასავალი. ახალგაზრდა მწერალს, სჩანს ჯეროვანი წარმოდგენა არა აქვს მავნებლობასა და ხალხის მტრების შენიღბულ მოქმედებაზე. მასალის უტოინარობა, ყალბი სიტუაციების გამოგონება და ნაძალადევაობა მავნე გავლენას ახდენს მწერლის სიტყვიერ მასალაზე და უმიზნო პეიზაჟების აღწერისას ვხვდებით ასეთ ენობრივ დამახინჯებებს: „ზაფხულის თაკარა მზე ცის შუაგულ გუმბათზე მთელი სისავსით გადმოკიდებულია“. „მეორე კისახეზე განცვიფრება აღბეჭდილი მისდევდა მეგობარს“. „თვალები ჩაცვიებით დახარა ზედა“. „მდელოსავით ხშირმა აწეწილმა წარბებმა შეუსვენებლივ დაიწყეს ტოკაობა“. „მთელი ორგანიზმით შექრილიყო შიგ“... „ქართული მოხდენილი ტანი ვაუკაცური ნაბიჯებით განიერ აივანზე აიტანა“. და სხვ.

ეს მოთხრობა, როგორც გამოჩაკლისი, თავიდან ბოლომდე ასეთი გაპრანჭული, ყალბი და მახინჯი წინადადებებითაა სავსე. ჩვენი ამხანაგური რჩევა იქნებოდა, ჩხეიძე ერიდოს მომავალში ასეთ გამოთქმებს, ვრიდოს ისეთ უმიზნოსა და ყალბ პეიზაჟებს, როგორც ამ მოთხრობის დასაწყისში და შემდეგაც გვხვდება.

დასასრულ, ერთი გაფრთხილება ახალგაზრდა მწერლებს. გამოცდილი ამხანაგების რჩევა-დარიგება, არავითარ შემთხვევაში გაგებულ არ უნდა იქნას, როგორც დადგენილი ლიტერატურული კანონი. ასეთი კანონი არც დაწერილა და არც დაიწერება. მწერლობა უაღრესად ინდივიდუალური მოვლენაა. და ერთი მწერალი მეორისგან მით განირჩევა, რომ მას აქვს საკუთარი სტილი, საკუთარი მეთოდი მოვლენებისა თუ ადამიანების აღსაწერად. რამდენად ერთფეროვანია ამათუიმ ხალხის მწერლობა, ის იმდენადვე ჩამორჩენილია. გამოცდილების გაზიარება ხდება სწავლის თვალსაზრისით, კიდევ მეტი გამოცდილებისა და ცოდნის მარაგის შესაძენად, რადგან ყოველი ჩვენგანი, დამწყები თუ სახელმწიფეკილი სიბერემდე სწავლობს.

ჩვენს დიად სამშობლოში, დიდი სტალინის ყოველდღიურ მზრუნველობით გაზედნიერებულ ახალგაზრდობას, ყველაზე ხელსაყრელი დრო აქვს, როგორც სწავლისთვის, ისე ბუნებრივი ნიჭის გაფურჩქნისა და აყვავებისთვის.

„საჭიროა, სწავლა, სწავლა, და კიდევ სწავლა“.



## ჩარლზ დიკენსი

გასული საუკუნის ბურჟუაზიული რეალიზმის თვალსაჩინო წარმომადგენელს, ინგლისელ მწერალს ჩარლზ დიკენსს მიმდინარე წლის 7 თებერვალს დაბადებიდან 127 წ. შეუსრულდა. იგი დაიბადა 1812 წ. საზღვაო უწყების პატარა მოხელის ოჯახში. დიკენსმა ბავშვობა სილარბეში და მძიმე პირობებში გაატარა, ადრინაოდ იგრძნო კაპიტალისტური ცხოვრების მთელი სისასტიკე. მამის უყიარათობის გამო პატარა ჩარლზი იძულებული შეიქნა ეაჭის ქარხანაში შავ მუშად მოწყობილიყო და დახმარება გაეწია მოვალეების მიერ ციხეში მოთავსებულ მამისა და ულუკმაპუროდ დარჩენილ საყვარელ დედისთვის. ქარხნის მძიმე პირობებმა კიდევ უფრო დაასუსტა ჩარლზის ისედაც სუსტი ორგანიზმი და მეოცნებე ბავშვად გახადა იგი. ნათესავების დახმარებით, ერთი წლის მუშაობის შემდეგ, ჩარლზი ამოდის ქარხნის ნესტიან სარდაფიდან და სტენოგრაფიის შესწავლას კიდებს ხელს. სტენოგრაფიამ დიკენსს გაუღვია წიგნების კითხვის მივიწყებული სურვილი. ახალგაზრდა დიკენსს ორი წლის შემდეგ აღარა აკმაყოფლებს სტენოგრაფია, ანებებს მას თავს და სხვადასხვა გაზეთებში რეპორტიორად იწყებს მუშაობას. დიკენსს რეპორტიორობამ დიდი გამოცდილება მისცა, ხოლო თვითგანვითარების გზით მიღებულმა ცოდნამ — სამწერლო ასპარეზზე გამოსვლის გამზედაობა.

პირველი დიდი ნაწარმოები, რომელიც დიკენსმა შექმნა, იყო „პიკვიკის კლუბი“. ეს საქვეყნოდ ცნობილი სატირა ძველს ინგლისზე გამოიცა 1836 წელს, იმ დროს, როდესაც დიკენსი 24 წლისა იყო. 24 წლის დიკენსი უკვე საყვარელი რომანისტი გახდა ევროპისა და ამერიკის ხალხისთვის. „პიკვიკის კლუბმა“ იმდენად დიდი შთაბეჭდილება მოახდინა, რომ ის სულ მოკლე ხანში თარგმნილი იქნა თითქმის ყველა ევროპულ ენაზე.

წვრილბურჟუაზიული დემოკრატია მწერალი, რომელიც ვერ ურიგდებოდა მშროშელი ხალხის ველურ ექსპლოატაციას, „პიკვიკის კლუბის“ შემდეგ აქვეყნებს ისეთ რომანებს, რომლებშიც მოურიდებლად მხილებულია ადამიანისაგან ადამიანის ჩაგვრის სწინელება.

დიკენსის რომანებში „მძიმე დრონი“, „ნიკოლოზ ნიკლბი“, „დომბი და შვილი“, „ოლივერ ტვისტი“, „ცივი სახლი“, „მარტინ ჩეზლვიტი“, „ამერიკული, შენიშენებინა და „დავით კოპერფილდი“, მაღალი მხატვრული ოსტატობით არის მხილებული ბურჟუაზიის სიმზეცე და ლიბერალიზმის რაობა. დიკენსის სიმპატია დასახელებულ რომანებში ყველგან მშრომელი ხალხის მხარეზეა. მას სწამდა ბოროტების დახმარება, სიკეთისა და სიმართლის სრული გამარჯვება, დიკენსი არ იყო მებრძოლი რევოლუციონერი, მას სოციალური ჩაგვრის მოსპობა სურდა მშვიდობიანობის გზით, გრძნობებზე მოქმედების საშუალებით. მისი რომანები უტოპისტ სოციალისტთა მოძღვრების გავლენით არის დაწერილი. მიუხედავად ამისა, დიკენსის ყველა რომანი წარმომადგენს საბრალდებლო აქტს, ბასრ მზხვილს კაპიტალიზმის წინააღმდეგ. ამიტომ დიკენსს რეაქციული ბურჟუაზია ყოველთვის თავს ესხმოდა. ინგლისის ბრუჟუაზიას,

რომელიც აშკარად ხედავდა დიკენსის რომანებში თავის სახეს და მოქმედების მხილვებს, სძულდა მწერალი და ეზიზღებოდა მისი თხზულებები.

დიკენსის წინააღმდეგ განსაკუთრებით აღშფოთებული იყო ამერიკის ბურჟუაზია. დიკენსმა 1842 წ. ამერიკაში იმოგზაურა. „პიკვიკის კლუბის“ ავტორს ამერიკის საზოგადოება დიდი აღფრთოვანებით შეხვდა. დიკენსს იქ უმართავდნენ ბანკეტებს, უწყობდნენ კონცერტებს და ქება-დიდებას უძღვნიდნენ. ა. შ. შ. ბურჟუაზია ღრმად იყო დარწმუნებული, რომ გამოჩენილი რომანისტის გონება და გული მოხიბლული იყო „თავისუფალი“ ამერიკის სიმშვენიერით. დიკენსს კი არაფრად მოსწონდა ამერიკის „თავისუფლება“. იგი დაკვირვებით სწავლობდა „ოქროს“ ქვეყანას და ხედავდა, რომ იქ გაბატონებული იყო მონობა. ინგლისში დაბრუნებისთანავე დიკენსმა გამოაქვეყნა ორი რომანი (უფრო პუბლიცისტური ნაწარმოები) „ამერიკული შენიშვნები“ და „მარტინ ჩეზლვიტი“ „ამერიკულ შენიშვნებში“ და „მარტინ ჩეზლვიტში“ დიკენსმა უარყო ამერიკაში მიღებული პატივისცემა და ამერიკა თავისუფლების ჩამშობ ქვეყნად გამოაცხადა, მკაცრად გააკრიტიკა ამერიკის ბურჟუაზიის დაცემული ზნეობა და განმარტა ამერიკის რესპუბლიკის ბუნება. ამით უკმაყოფილო ამერიკის ბურჟუაზიამ განგაში ასტეხა ჰუმანისტ მწერლის წინააღმდეგ. ამერიკის ბურჟუაზიის განგაშით დიკენსის მაღალი სული და სიმართლის მოყვარული აზროვნება ოდნავ არ შერხელდა. მას სიკვიდიამდის არ შეუცვლლა თავისი შეხედულება ამერიკაზე.

დიკენსი, როგორც მწერალი, საინტერესოა იმ მხრითაც, რომ მის რომანებში დიდი ადგილი აქვს დათმობილი ბავშვების სწავლა-აღზრდის საკითხებს. დიკენსმა თავის რომანებში სასტიკად გააკრიტიკა ბურჟუაზიული სკოლა, მათი სწავლის მეთოდები. „დავით კოპერფილდში“ დაგმო ბურჟუაზიული სკოლის აღზრდის შემსუთავი სისტემა. „ნიკოლოზ ნიკლიში“ და „ოლივერ ტვისტში“ მაღალი ოსტატობით გვიჩვენა ბურჟუაზიული სკოლის მხეცი მასწავლებლების სახე, მათი ცივი სული. დიკენსის სამართლიანი აზრით ბურჟუაზიულმა სკოლამ მრავალ ახალგაზრდას უღროოდ მოუტანა სიცოცხლე, ბევრი ფიზიკურად დაასახიჩრა და უნაყოფო არსებად გადაქცია. მართალია, დიკენსი ბურჟუაზიული სკოლის კრიტიკაშიც არ ვასცილებია რეფორმისტულ აზროვნებას, მაგრამ ბურჟუაზიული სკოლის აღწერაში მანაც ბოლომდე რეალისტად დარჩა.

მარქსი და ენგელსი ყოველთვის დიდად აფასებდნენ დიკენსსა და მის შემოქმედებას.

ვლად. ჯიბუხი.

## ივანე მაჩაბელი

მიმდინარე წლის თებერვლის 10-ს შესრულდა 85 წელი მე-19 საუკუნის შერვ ნახევრის გამოჩენილი საზოგადო მოღვაწისა და მწერლის — ივანე გიორგის-ძე მაჩაბლის დაბადებიდან. ივ. მაჩაბელი დაიბადა 1854 წელს 10 თებერვალს სოფელ თამარაშენში.

პირველდაწყებითი სწავლა პატარა ვანომ შიილო ოჯახში.

მისი პირველი მასწავლებელი იყო პაპიდა ელენე დიასამიძე, რომლისგანაც ისწავლა ვანომ: ხუცური ანბანი, ლოცვები, შემდეგ დავითნი, ჟამნ-სახარება და საშო-ციქულო. პაპიდა-მისი დიდად მორწმუნე ქალი იყო და ვანოსაც ასევე ზრდიდა. საერო წიგნების კითხვა მას აკრძალული ჰქონდა. ასეთებს ჩუმად თუ ჩაივლებდა ხელო ში და წაიკითხავდა. კითხვით უზომოდ გატაცებული ვანო, სიყმაწვილწვივე ეცნობა „ბარამიანს“, „ყარამიანს“, „ვისრამიანს“ და სხვა საგმირო და სატრფიალო შინა-არსის წიგნებს. წამოზრდის შემდეგ მას ნებას აძლევდნ ისარგებლოს პაპამისის მეტად მდიდარი ბიბლიოთეკით. ის ხარბად დაეწაფება და მოკლე ხანში გადაიკითხავს ამ მდიდარ ბიბლიოთეკას, ეს არ აკმაყოფილებს და მეზობლებსა და ნათესავებში ეძებს მდიდარ ბიბლიოთეკას, ეს არ აკმაყოფილებს და მოკლე ხანში გადაიკითხავს ამ ახალხალ წიგნებს... წიგნების კითხვა მასში იწვევს თხზვის სურვილს და ისიც თხზავს ლექსებს შინაურებსა და ნათესავებზე, თხზავს უმთავრესად სახუმარო ლექსებს ზაბარ-დიან კენინებზე.

8 წლის ვანო მიყავთ თბილისში და აქ ვანოს აღზრდაზე ზრუნავს მისი უფროსი ძმა ვასილი. ძმის ხელმძღვანელობით პატარა ვანო დიდი ენერჯითა და მონდომებით კიდებს ხელს რუსული ენის შესწავლას. ერთი წლის შემდეგ ის წარჩინებულად აბარებს გამოცდას ტფილისის ყოფილ კეთილშობილთა სასწავლებლის პირველ კლასში.

მაჩაბელი ენების სწავლას სიყმაწვილიდანვე ეწაფება და ამაში განსაცვიფრებელ ნიჭსაც იჩენს. მან, გიმნაზიაშივე შეისწავლა ლათინური და გერმანული ენები, გიმნაზიაში ყოფნის დროს გიმნაზიის გარეგნო მოახერხა ფრანგული ენის შესწავლა, შემდგომში რუსეთსა და საზღვარგარეთ ყოფნისას შეისწავლა აგრეთვე ინგლისური, იტალიური და ესპანური ენები, როგორც აკაკი იგონებს, ის უცხო ენებსა და საგნებს ადვილად იმორჩილებდა.

აღსანიშნავია აგრეთვე მისი არაჩვეულებრივი გატაცება ქართული ლიტერატურის კითხვით. მას ქართულ მწერლობაში განსაკუთრებით მოსწონდა ნიკოლოზ ბარათაშვილი და ილია ჭავჭავაძე. ამ მწერლების მხატვრულ შემოქმედებას ის ზედმიწევნით იცნობდა. გიმნაზიაშივე სერიაოზულად და საფუძვლიანად გაეცნო ის შოთა რუსთაველის „ვეფხისტყაოსანს“.

1871 წელს ივანე მაჩაბელი შედის პეტერბურგის უნივერსიტეტში ბუნებისმეტყველების ფაკულტეტზე. ზარალელურად ერთდღიანად დროს ესწრება და ისმენს ლექციებს იურისპრუდენციაზე და ამთავრებს ამ ფაკულტეტსაც.

პეტერბურგში 1873 წელს ვანო პირველად ეცნობა პირადად ილია ჭავჭავაძეს, რომელიც მაშინ ჩასულიყო იქ სათავადაზნაურო ბანკის წესდების დასამტკიცებლად.

მაჩაბელი ორ ფაკულტეტზე გამოჩენილ პროფესორთა ლექციებსაც ისმენდა. მენდელეევის, რისტერის, ვაგნერისა და სხვა დიდ მეცნიერთა ლექციებს არასოდეს არ დააკლდებოდა. განსაკუთრებით გატაცებული იყო მაშინდელი თანამედროვე ლიტერატურით და სისტემატურად ესწრებოდა კაველინის ლექციებს ლიტერატურაზე. ამავე დროს სწავლობდა რუს და უცხოელ მწერალთა მხატვრულ ნაწარმოებებს. მისი საყვარელი უცხოელი მწერლებია: დიკენსი, გოეტე, რუსო, შილერი, შექსპირი, ბაირონი, პუშკინი, დანტე, მოლიერი, ჟორჟ ზანდი და სხვ.

მაჩაბელი არ იყო ცალმხრივად განვითარებული პიროვნება. ის დიდ ერუდიციას ამჟღავნებდა მეცნიერების სხვადასხვა დარგებში. მას სერიაოზულად შესწავლილი ჰქონდა არა მარტო ბუნებისმეტყველება, იურიდიული და აგრონომიული მეცნიერება, ის იცნობდა არა მარტო ქართულ, რუსულ და უცხო ერების მხატვრულ ლიტერატურას, არამედ კარგად ერკვეოდა პოლიტიკურ საკითხებშიც და ზედმიწევნით იცნობდა თავისი დროის გამოჩენილ პოლიტიკურ მოაზროვნეთა ნაწარმოებებს. მისი საყვარელი საკითხავი წიგნები იყო ჰეგელის, ფურციეს, სენ-სიმონის, ლუი-ბლანის, პრუდონის და სხვათა ნაწარმოებები.

უნივერსიტეტის დამთავრების შემდეგ მაჩაბელი მიდის სწავლის გასაგრძელებლად საზღვარგარედ. იქ მან აიჩრია აგრონომიული მეცნიერება და ერთხანს სწავლობს გერმანიაში, შემდეგ გადადის საფრანგეთში, შედის ჰიბოდიერის უნივერსიტეტში, გადის მონპელიეში, ისმენს ლექციებს სორბონაში და კოლეჟ-დეფრანსში.

80-იან წლების დასაწყისში ივანე მაჩაბელი ბრუნდება საქართველოში ღრმად განვითარებული და დიდად მომზადებული, გულმხურვალე მონაწილეობას იღებს საზოგადოებრივ საქმიანობაში, მხარში ამოუდგება დიდ ილიას და მასთან ერთად ეწევა საზოგადოებრივ მოღვაწეობის მძიმე ჭაპანს. პირველ ხანებში ხელს კიდებს კულტურულ მეურნეობას და სამაგალითო ბაღს აშენებს თავის სოფელში, ამასთანავე თანამშრომლობს ჟურნალ „ივერიაში“, სისტემატურად ათავსებს წერილებს კულტურული მეურნეობის შესახებ.

შემდეგ თბილისში გადმოსახლდება და სათავადაზნაურო სკოლის უფროსად ინიშნება. რამდენიმე წლის განმავლობაში არის ჟურნალ „ივერიის“ თანარედაქტორი, შემდეგ „დროების“ რედაქტორი (1880 — 1885 წ.წ.). მუშაობს სათავადაზნაურო ბანკში ილია ჭავჭავაძესთან ერთად, აქტიურ მონაწილეობას იღებს ქართულ კულტურულ საზოგადოებათა საქმიანობაში, განსაკუთრებით დიდია მისი ამაგი ქართულ

თეატრალური კულტურის წინადადებების საქმეში, ამ დარგში იგი მუშაობდა ორ ფრონტზე: იყო დრამატიული საზოგადოების წევრი და თავისი პრაქტიკული ენერგიული მუშაობით უზრუნველყოფდა დასის არსებობას წლიდანწლამდე. მეორე მხრივ, შექსპირის ტრაგედიათა მთელი რიგის საუკეთესო თარგმანით გაამდიდრა საერთოდ მთელი ჩვენი მწერლობა და კერძოდ დრამატიული მწერლობა.

ივანე მაჩაბელი იყო წარმომადგენელი იმ ფენისა, რომელმაც შეივსო კაპიტალიზმის განვითარების მნიშვნელობა, ძალა.

ივანე მაჩაბელი ებრძოდა თავისი დროის, თავისი ეპოქის კონსერვატიულად და კლერიკალურად მოაზროვნე საზოგადოების დამყაყებულ ნაწილს და ამ თავისი ბრძოლით გზას უწმენდდა ჩვენი ხალხის კულტურული და პროგრესული ცხოვრების განვითარებას.

გ. მამუკა.

## ოვანეს თუმანიანი

მიმდინარე წლის ოც თებერვალს 70 წელი შესრულდა გამოჩენილი სომეხი მწერლის — პოეტის, ბელეტრისტიკოსის და საზოგადო მოღვაწის ოვანეს თუმანიანის დაბადებიდან.

ოვანეს თუმანიანი ახალი სომხური ლიტერატურის ერთი ფუძემდებელთაგანია. იგი დაიბადა 1869 წელს სოფელ დსეღში (ლორი), ღარიბ ოჯახში.

პირველდაწყებითი განათლება პოეტმა მიიღო თავის სოფელში, შემდეგ შევიდა ჯალალოლის (სტეფანავანი) სკოლაში, მაგრამ ეს უკანასკნელი ხელმოკლეობის გამო ვერ დაამთავრა, თავი დაანება სწავლას, გადავიდა ტფილისში და სამსახური დაიწყო სომეხთა სასულიერო კონსისტორიაში (საეპარქიო სამმართველო).

ამ სამსახურმა თავისი შინაარსით ვერ დააკმაყოფილა ახალგაზრდა ოვანესის სულიერი მოთხოვნილება, მისი პოეტური ბუნება. აქ, ამ სამსახურში იგი თავს გრძობდა, როგორც უცხო და მისთვის მიუღებელ ალაგას. ამიტომ რამდენიმე ხნის გაწვალებული სამსახურის შემდეგ თავი დაანება მუშაობას და ხელი მოჰკიდა სამწერლო მოღვაწეობას. მართალია მაშინ მწერლობით ცხოვრება და სამწერლო ასპარეზზე მოღვაწეობა მეტად ძნელი იყო, იგი მრავალ გაჭირვებასა და წინააღმდეგობებთან იყო დაკავშირებული, მით უმეტეს ისეთი ჰუმანიტური გრძობებითა და ხალხის უმწიკვლო სიყვარულით გამსჭვალული ადამიანისთვის, როგორც იყო თუმანიანი, მაგრამ მან მაინც სიძნელებების გზით სვლა აირჩია, რადგან ამ გზით სვლაში ხედავდა იგი თავისი ხალხისადმი ერთგულ სამსახურს.

ოვანეს თუმანიანის მუდმივი საცხოვრებელი ადგილი იყო ტფილისი. აქ იწყებს და შლის იგი თავის სამწერლო და საზოგადოებრივ მოღვაწეობას. თუმანიანის საზოგადოებრივ მოღვაწეობიდან განსაკუთრებით ხაზი უნდა გაესვას მის თავდადებულ ზრუნვას ამიერ-კავკასიის მოსახლე ერებს შორის მეგობრობის განმტკიცებისთვის და იმ ეროვნული შუღლის აღმოფხვრისთვის, რომელსაც სთესდნენ და აღვივებდნენ მეფის მთავრობა და ნაციონალისტური ბურჟუაზია. ოვანეს თუმანიანმა ძალიან ბევრი გააკეთა სომეხი, ქართველი და აზერბაიჯანელი ინტელიგენციის დაახლოებისთვის.

სამწერლო ასპარეზზე თუმანიანი გამოვიდა 1886 წელს 17 წლის ახალგაზრდა. პირველი მისი თხზულებაა „აღლი და კატა“. შემდეგ დასწერა „უმბედური ვაჭარი“, „მარო“, „ლორელი საქო“, „გუთნის სიმღერა“, „აღთაძარი“, „გეიკორი“, „პოეტი და მუზა“, „ანუში“, „დავით სასუნელი“, „ნ. ბარათაშვილი“, თარგმნა ი. კავკავაძის ლექსები და სხვა.

ოვანეს თუმანიანს, როგორც მწერალს, განსაკუთრებული ადგილი უჭირავს ახალი სომხური ლიტერატურის ისტორიაში. მისი შემოქმედებით ტრადიციაზე მრავალი თაობა აღზრდილა. თუმანიანი არის დიდი რეალისტი და ლექსის შესანიშნავი ოსტატი: მისი შემოქმედება სომხურ ლიტერატურაში წარმოადგენს ფორმისა და შინაარსის კლასიკური სრულყოფის ნიმუშებს. ოვ. თუმანიანი ახალი ლირიკული და ეპიკური

პოეზიის ერთერთი უთვალსაჩინოესი წარმომადგენელია. ამ მხრივ მან შეასრულა სომხურ ლიტერატურაში ისეთივე როლი, როგორც შეასრულა ა. პუშკინმა რუსულ ლიტერატურაში.

იშვიათია მეორე მწერალი, რომელიც ისეთი პოპულარობით სარგებლობდეს თავის ხალხში, როგორც თუმანიანი. ეს უნდა აიხსნას არა მარტო მის ნაწარმოებთა მხატვრული ბრწყინვალეობით, არამედ იმითაც, რომ სამწერლო ასპარეზზე გამოსვლისთანავე იგი დაინტერესდა თავისი ხალხის ბედით. თავისი პოეტური ჰანგები მკიდროდ დაუტყავშირა ამ ხალხის სულიერ განცდებს. სომეხი ხალხის სულიერი განცდები, მწუხარება და სიხარული, დაუდგრომელი სწრაფვა უკეთესი მომავლისაკენ თუმანიანმა გადააქცია მხატვრული აზროვნების წყაროდ.

ოვანეს თუმანიანი, უწირველეს ყოვლისა, იყო ჰუმანიტი. ეს ჰუმანიზმი, მიუხედავად იმისა, რომ შეიწოვდა თავისში ევროპული კულტურის საუკეთესო მიღწევებს, მაინც ორიგინალური მოვლენა იყო და ფესვები მას ღრმად ჰქონდა გადგმული სომეხი ხალხის ცხოვრებაში, მდიდრდებოდა საუკუნეების მანძილზე ხალხის მიერ შექმნილი საუნჯით — ფოლკლორით. ძალიან ხშირად, იყენებდა რა პოეტი ფოლკლორს, მას იგი დიდი მხატვრული ოსტატობით ამუშავებდა და ლიტერატურულ ხარისხში აყვავდა. ისე, რომ არ ღალატობდა პირველადს წყაროს. „ჩემი ლეგენდები და ზღაპრები, — ამბობს თვითონ პოეტი, — აღებული მაქვს ხალხიდან და ხალხურიდან. და ყოველთვის ვცდილობდი და ვცდილობ, რამდენადაც შესაძლებელია, დავრჩე მისადმი (ხალხურისადმი) მახლობელი და მონათესავე“.

ოვანეს თუმანიანი თავის ლექსებში, პოემებში, მოთხრობებში და ზღაპრებში აგვიასახავდა სომეხი მშრომელი ხალხის მძიმე მდგომარეობას, მათ ეროვნულ და კლასობრივ ჩაგვრას, გამოდიოდა ჩაგრულთა მგზნებარე მოსარჩლედ, უკეთესი ცხოვრებისთვის დაუღალავ მებრძოლად. თუმანიანი შესტრფოდა მშრომელი ხალხისა და მოძმე ხალხების ეკონომიური და კულტურული ყოფის აყვავებას. ამ საბეტაკ მისწრაფებას შეაღია მან მთელი თავისი შეგნებული ცხოვრება და შემოქმედება. მწერალი უსაზღვრო სიხარულმა და აღფრთოვანებამ შეიპყრო, როცა ამიერ-კავკასიაში საბჭოთა ხელისუფლება დამყარდა, შეიქნა სხვადასხვა ეროვნების ხალხთა ძმური ურთიერთობა და შესაძლებელი გახდა მათი ცხოვრების აყვავება.

სოციალისტური რევოლუციის გამარჯვებაში თუმანიანმა დაინახა თავისი მრავალი ხნის ოცნებათა განხორციელება. სულით და გულით მივიდა ამ რევოლუციასთან და რევოლუციამაც იგი ღირსეულად დააფასა.

ოვანეს თუმანიანი გარდაიცვალა 1823 წელს კიბოს ავადმყოფობით.

დ. შ.



# ბიბლიოგრაფია

## აკაკი ბელიაშვილი — „ახალი მოთხრობები“. „შედეგები“ — 1938 წ.

აკაკი ბელიაშვილი საკმაოდ ნიჭიერი ნოველისტია. მისი ნოველები თავისუფლად და მიმზიდველად იკითხება. ბელიაშვილის პატარა მოთხრობებსა და ნოველებში იგრინობა მწერლის მხატვრული ალლო და გემოვნება. მათი კითხვისას მკითხველი განიცდის როგორც აზრის ზემოქმედებას, ისე ესთეტიკურ სიამოვნებას. „ფედერაციის“ მიერ ამასწინათ გამოცემული „ახალი მოთხრობებიც“ ამას ადასტურებს.

სარეცენზიო წიგნში მოთავსებულია 15 მოთხრობა. მოთხრობა „ახალგაზრდებს“ წიგნის ნახევარზე მეტი უჭირავს. ამ მოთხრობაში მკითხველი ეცნობა საბჭოთა ახალგაზრდობის ბრძოლას ვოლფრამის მოპოვებისთვის. აშკარად სჩანს, რომ ა. ბელიაშვილი დაკვირვებით იცნობს მებრძოლი ახალგაზრდების ცხოვრებას, ფსიქოლოგიას და ნებისყოფას. ვრცელ მოთხრობაში ვხვდებით საქართველოს ახალგაზრდების საუკეთესო წარმომადგენლებს, მათ საქმიანობას და გამძლეობას. მოთხრობის გმირები მერი, ოსიკო, ტიტკო, დათიკო და სანდრო ყოველგვარი სიძნელეების დამძლევი ადამიანები არიან. ისინი დიდ ზიშპატას იმსახურებენ ახალგაზრდებში. მათი გმირობა და გამარჯვება აღფრთოვანების ცეცხლს ანთებენ მკითხველის გულში. განსაკუთრებით მერი იმსახურებს მკითხველის ყურადღებას. მერის სახით მწერალმა სწორად მოახა თანამედროვე საბჭოთა მოწინავე ახალგაზრდა ქალის სახე. ამასთან მოთხრობაში სიყვარულის ჰრობლემა სათანადო სიმალღწევა აყვანილი და გადაჭრილია სწორად.

აკ. ბელიაშვილი დიდ ინტერესს იჩენს სპორტისადმი, იგი კარგად იცნობს სპორტის თითქმის ყველა სახეს და თავისი მომხიბლავი ენით აყვარებს მას მკითხველს. მკითხველი უსათუოდ მოიხიბლება სპორტის იმ დარგებით, რომელსაც აკ. ბელიაშვილის კალამი შეეხო. ბელიაშვილი სპორტს გვიხატავს არა როგორც უბრალო გასართობ საშუალებას, არამედ როგორც დიდი პრაქტიკული და კულტურული მნიშვნელობის მქონე საქმეს.

„ახალგაზრდები“ უსათუოდ დიდი მხატვრული ღირებულების ნაწარმოებია. „ახალგაზრდების“ ენა იტაცებს მკითხველს და აგრძნობინებს მხატვრული სიტყვის სიძლიერეს. ამ მხრივ განსაკუთრებით აღსანიშნავია მოთხრობის დასასრულს ოსიკოს დღიურები. დღიურები ლირიკული ხასიათისაა. მკითხველი, გატაცებული ოსიკოს სიყვარულით, უსათუოდ ბოლომდე დაძაბული კითხულობს დღიურებს და ელის ოსიკოს ბედის გამტკიცებას.

სარეცენზიო წიგნში მოთავსებულ სხვა მოთხრობებს შორის საყურადღებოა „სოხარული“ და „იუსტიენს ხაფანგი“. „იუსტიენს ხაფანგი“ კარგად საკითხავი მოთხრობაა. ამ მოთხრობაში მკითხველი ხედავს, თუ როგორ გატაცებულია ახალგაზრდობა წითელი არმიით. ტიტკო შეწუხდა, როდესაც მას გამოუცხადეს: ავადმყოფობის გამო წითელი არმიის ნაწილებში ვერ გაგიწვევენო. წითელი არმიის სიყვარულით აღტაცებულ ტიტკოს ავადმყოფობა არაფრად მიაჩნდა, ოღონდ ჩამდგარიყო საამაყო წითელი არმიის რიგებში. ახალგაზრდების სიყვარული წითელი არმიისადმი აკაკი ბელიაშვილს სხვა მოთხრობებშიც სჩანს. მოთხრობა „სიხარული“ ასახავს წითელი არმიის აღმზრდელით მუშაობას. მოთხრობის გმირი თედო მთელ დროს სიზარმაცეში, უქნარობასა და ლოთობაში ატარებდა. თედოს მამას, პატიოსან მშრომელ კოლმეურნეს,

თედოს ოინებიდან თავი მობეზრებული ჰქონდა. მაგრამ აი, თედო გაიწვიეს წითელ არმიასში. იქ მან გაატარა რამდენიმე ხანი, ისწავლა ტრაქტორის დაშლა-აწყობა და მართვა. წითელი არმიიდან სოფელში დაბრუნებული თედო უკვე აღარ გავს თავ-მომბეზრებულ ახალგაზრდას. მშობლებმა ვეღარ იცნეს მასში თავისი წინანდელი თედო, ისე გარდაეკმნა წითელ არმიას. ქიტესა განცვიფრებულია ამ მომხდარი ცვლი-ლებებით.

სარეცენზიო წიგნში მოთავსებულ მოთხრობათა შორის კიდევ აღსანიშნავია: „ამბავი რუსთაველისა“ და „ზღაპარი სინამდვილისა“. ორივე მოთხრობა ქართული კულტურის დიდი განძის — „ვეფხისტყაოსნის“ ისტორიას ეხებ. „ამბავი რუსთაველისა“ გადმოგვცემს, თუ როგორ ცდილობდა სამღვდლოება გაენადგურებია რუსთაველის შემოქმედება. „ზღაპარი სინამდვილისა“ ასახავს შაჰ-თამაზის ბრძოლას ქართველი ხალხისა და მისი კულტურის წინააღმდეგ. ორივე მოთხრობაში მწერალს ქართული კულტურის დამცველებად სამართლიანად ხალხი ჰყავს გამოყვანილი. „ამბავი რუსთაველისა“ და „ზღაპარი სინამდვილისა“ მხატვრული სიტყვის თვალსაჩინო ნიმუშებს წარმოადგენენ. სარეცენზიო წიგნში მოთავსებულია ჯანსაღ სატირასა და ჰუმორზე აგებული რამდენიმე მოთხრობა (სახელდობრ: „ანაფორა“, „წუწკი“, „უცნობი“, „კალისტოს გასაქირი“ და „გზააბნეული“). ყველა ეს მოთხრობა მამხილებელი ხასიათისაა. მოთხრობა „გზააბნეულში“ მწერალი სასტიკად კიცხავს ქალისა და ოჯახის აზურად ამგდებ მამაკაცებს. „კალისტოს გასაქირში“ გამათრახებულია წარმოების ისეთი ხელმძღვანელები, რომლებსაც ყველაფერი აინტერესებთ გარდა წარმოებისა. აკ. ბელიაშვილის ჰუმორი და სატირა ჯანსაღ ხასიათს ატარებს.

კარგია მოთხრობები: „ციალა“, „შეხვედრა“ და „ბეჭედი“.

აკაკი ბელიაშვილის სახით თანამედროვე ქართულ საბჭოთა მწერლობას კარგი ნოველისტი ჰყავს.

**აკითხველი.**

**1939 წ. იანვრიდან „ჩვენი თაობა“ გამოდის  
შოკველთვიურად**

**ბელის მოწერის პირობები:**

წლიურად . . . . . 18 მან.  
ნახევარი წლით . . . . . 9 „  
ცალკე ნომერი . . . . . 1 მ. 50 კ.

ბელის მოწერა მიიღება სახელგამის ყველა მაღაზიაში, სოიუზპეჩატის  
რაიბიუროებში და სახელგამის პერიოდ-სექტორში.

**რედაქციის მისამართი:**

თბილისი, მაჩაბლის ქ. № 13, მწერალთა კავშირი.